

बुनियादी मार्क्सवाद

व्ला. इलि. लेनिन

माक्सवाद ता मूड स्रोतकु ओसो मूड संघटक अंगकु

पूरी सभ्य दुनिया लोप्पा माक्स ना शिक्षा तना खिलाफ सब्बे बुरुआ विज्ञानकुना (तीना लोप्पा सरकारी ओसो उदारतावादी वेने शामिल मंता) जबरदस्त दुश्मनी ओसो होंग पुट्टी कींता, वीरू माक्सवाद किन उंदी “नुकसानदायक पंथ” हिलवा बाताए समझेमायोरा इद्रमतोरगडल दूसरा बाताए आशा वेने कियानायो, बारांकु इत्तेके वर्ग संघर्ष पोरो आधार आसी मत्ता समाज लोप्पा “निष्पक्ष” सामाजिक विज्ञान बिल्कुले मन्नो। पूरा सरकारी ओसो उदारतावादी विज्ञान बद्रमाई मजदूरी-गुलामी ता रक्षा कींता मति माक्सवाद इद गुलामी ता खिलाफ निर्मम युद्ध ता घोषणा कीता। मजदूरी गुलामी वाले समाज लोप्पा निष्पक्ष विज्ञान ता आशा कियानादु, मील-मालिक लोरगडल पूंजी ता मुनाफा कमी किसी मजदूर लोरा मजदूरी बेरसी कियाना आशा कियाना, बुद्धि हिल्वोरा लेक्का आंता।

मति सिर्फ इदे पोल्लो आयो। दर्शनशास्त्र ता इतिहास ओसो सामाजिक विज्ञान ता इतिहास माक्सवाद लोप्पा “पंथवाद” लेक्कटा बाताले हिल्ले इंजी स्पष्ट रूप ते तोहिंता, इत्तेके अद बदे रूढीबद्ध, जड़मत, विश्व सभ्यता ता विकास हर्दे आयवा बेगानो दूसरा जागा तल पुटता लेक्का हिल्ले। इदिना उल्टा माक्स ना प्रतिभा, मानव जाति ता प्रमुख विचारक लोर मुन्नेटले तेहता सवाल कुना जवाब हियाना पोल्लोना पोरो आधार आसी मंता। दर्शनशास्त्र, राजनीतिक

अर्थशास्त्र ओसो समाजवाद ता महान प्रतिनिधिरा शिक्षांग ना प्रत्यक्ष ओसो सीधा **क्रामानुसारे** ओना सिद्धांत ता जन्म आता।

मार्क्स ना शिक्षा सबसे शक्तिशाली मंता, बारांकु इत्तेके अदु निज्जम मंता। अदु व्यापक ओसो सुसंगत मंता। ओसो अद मानव जाति किन हर रकम ता अंधविश्वास, प्रतिक्रियावादी रुझान या बुर्जुआ उत्पीडन ता विरोध कियाना देगवा लेवा विश्व दृष्टिकोण हींता। उन्नसवी शताब्दी ते जर्मन दर्शनशास्त्र, अंग्रेजी राजनीतिक अर्थशास्त्र ओसो फ्रांस ता समाजवाद ता रूप ते मानवजाति बद्दु सफलता दोरकी कीतायो, मार्क्सवाद अदिनाए निज्जमता पेकाल आंदू।

मार्क्सवाद ता इवे मूड स्रोत कुना पोरो, इदे संघटक अंग वेने आंदुंग पोरो, माटु संक्षिप्त रूप ते आल्सकाल।

1. भौतिकवाद

मार्क्सवाद ता दर्शन **भौतिकवाद** आंदू। यूरोप ता पूरा आधुनिक इतिहास लोप्पा ओसो विशेष रूप ते 18 वीं शताब्दी ता आखरी ते फ्रांस लोप्पा सब्बे रकम ता मध्ययुगीन वीयार ता विरुद्ध, संस्थांग ओसो विचार कुना लोप्पा भूदासता ता खिलाफ निर्णायक संघर्ष ताकी कीताद मत्ता, अगा भौतिकवादे प्राकृतिक विज्ञान कुना पूरा शिक्षांग ना परिक्षा लोप्पा सही साबित आता ओसो अंध विश्वास, पाखंड लेक्काटविना विरोधी साबित आता। अदिन काजे जनवाद ता दुश्मन तोर भौतिकवाद ता “खंडन कियाना”, अदिन मोदोल तिंची तेहकना ओसो बदनाम कियाना पूरा कोशिश कीतोर अनि भाववादी दर्शन ता अलग-अलग रूप कुना वकालत कीतोर, इदिना अर्थ इत्तेके हमेशा बद्रमाई बदे न बदे धर्म ता वकालत कियाना लेवेके अदिना समर्थन कियानाए मंदिता।

मार्क्स ओसो एंगेल्स वेल्ले दृढतापूर्वक भौतिकवादी दर्शन ता समर्थन कीतोर ओसो इदिना पोरो बदे वेने रकम ता डुलमुल रुझान वेल्ले बेहरा गलती आयार इंजी बार-बार समझे कितोर। ओरा विचार कुना स्पष्ट ओसो पूरा कोलते एंगेल्स तना रचना “लुडविग फायरबाख” ओसो “ड्यूहर्निंग मत-खंडन” लोप्पा वेहतोर, इदु “कम्युनिस्ट घोषणापत्र” लेक्काने हर वर्ग-चेतन मजदूर लोरा काजे मार्क्सवाद ता हेंडबुक लेक्का आंदू।

मति मार्क्स 18 वी शताब्दी ता भौतिकवाद पोरोने रोमोर, ओरू दर्शन किन ओसो मुन्ने विकसित कीतोर। ओरू अदिन जर्मन क्लासीकीय दर्शन ता, विशेष रूप ते हेगेल ना दर्शनशास्त्र तिंची दोरकता सफलतांग संगे बेस बने कीतोर, तीना लोप्पाटले फायरबाख ना भौतिकवाद ता जन्म आता। इव सफलतांग लोप्पाटल सबसे मुख्य सफलता इत्तेके द्वंद्ववाद मत्ता, इत्तेके तन्ना पूर्ण रूप ते, कोलते ओसो एकांगीपन तिंची मुक्त रूप ते विकास ता सिद्धांत, मानव ज्ञान ता सापेक्षता ता सिद्धांत, तीना लोप्पा मनाकिन विकास आयना इतिहास ता प्रतिबिंब दोरकिंता। बुर्जुआ दार्शनिक लोरा शिक्षा “पूना खोज” वेहचि पाडना ओसो कडियता भाववाद बगिल दाया मंता मति प्राकृतिक विज्ञान ता पूना खोजकु - रेडियम, इलेक्ट्रोन, मूल तत्व कुना बदलाव – संगे मार्क्स ना द्वंद्वत्मक भौतिकवाद सिद्धांत सही साबित आत्तांग।

मार्क्स भौतिकवादी दर्शनशास्त्र किन वेल्ले गहराई ते विकसित कीतोर ओसो ओना प्रकृतिक संज्ञान किन **मानव समाज** ता संज्ञान पोरो लागू कीतोर। मार्क्स ना ऐतिहासिक भौतिकवाद वैज्ञानिक चिंतन ता महान सफलता मत्ता। मुन्ने इतिहास ओसो राजनीति संगे जुडेमत्ता विचारकुना लोप्पा गडबडी ओसो मनमर्जी लेक्का फैलेमासी मत्ता, अदिना जागा ते आल्सना लेक्का संपूर्ण ओसो क्रमबद्ध वैज्ञानिक सिद्धांत ता स्थापना आता। अदु उत्पादन शक्ति ता विकास ता कारण ते सामाजिक पिस्वल ता उंदी व्यवस्था तिंची दूसरा चरण ओसो तनकुन बेसता व्यवस्था ता विकास आंता इंजी वेहिंता - उदाहरण तुकू, भूदास व्यवस्था लोप्पाटल पूंजीवादी व्यवस्था विकसित आता लेक्का।

बद्रम मानेय ना संज्ञान अदिनगडल स्वतंत्र अस्तित्व तासना प्रकृति, इत्तेके विकास आसोरे मंदना पदार्थ किन तोहिंता, अद्रमे मानेयना सामाजिक संज्ञान (इत्तेके अदिना अलग-अलग विचार ओसो दार्शनिक, धार्मिक, राजनीतिक विचार, लेक्कटवु) समाज ता **आर्थिक व्यवस्था** किन तोहिंतांग। राजनीतिक संस्थांग आर्थिक मोदल पोरो नितसी मंदना पोरोटा ढांचा आंदू उदाहरण तुकू माटु आधुनिक यूरोपीय राज्य कुना अलग-अलग राजनीतिक रूप, सर्वहारा वर्ग पोरो बुर्जुआ वर्ग ता सत्ता किन मजबूत कियाना काम वांतांग।

मार्क्स ना दर्शन भौतिकवादी दर्शन ता पूरा नोरेकिसी मत्ता रूप आंदू, इदु मानव जाति किन विशेष रूप ते मजदूर वर्ग किन संज्ञान ता शक्तिशाली हथियार हित्तोर।

2. राजनीतिक अर्थशास्त्र

आर्थिक व्यवस्थाए पोरो मंदना राजनीतिक ढांचा किन मोदल लेक्का आंदू इंजी मानेमाता पेरकेने, मार्क्स सबसे ज्यादा ध्यान आर्थिक व्यवस्था ता अध्यायन कियाना लोप्पा हीतोर। मार्क्स ना प्रमुख पुस्तक 'पूंजी' आधुनिक, इत्तेके पूंजीवादी समाज ता आर्थिक व्यवस्था ताए अध्ययन पोरो ने मंता।

मार्क्स किनकु मुन्ने क्लासिकल राजनीतिक अर्थशास्त्र ता उत्पत्ति इंगलैंड लोप्पा आसी मत्ता, अदु पूंजीवादी देशकुना लोप्पा सबसे विकसित देश मत्ता। ऐडम स्मिथ ओसो डेविड रिकार्डो आर्थिक व्यवस्था ता विषय लोप्पा तन्ना खोज संगे **मूल्य ता श्रम-सिद्धांत** ता नीव वाटतोर। मार्क्स ओना काम किन ओसो मुन्ने ओतोर। ओरू इद सिद्धांत किन सही साबित कीतोर ओसो अदिन बेस हिसाब ते विकसित कीतोर। हर माल ता मूल्य उत्पादन लोप्पा सामाजिक दृष्टि ते लगे मात्ता जरूरी श्रम-काल पोरो आधार आसी मंता इंजी स्पष्ट कित्तोर।

बुर्जुआ अर्थशास्त्री लोर वस्तु ता आपसी संबंध (उंदी माल ता बदला ते दूसरा माल ता विनिमय) किन हूइतोर, मति मार्क्स **मानेयकुना नडुम मंदना आपसी संबंध** ता बारे ते वेहतोर। माल ता विनिमय मंडी (हाटुम) लोप्पा अलग-अलग उत्पादक लोरा आपसी संबंध किन तोहिंता। समाज लोप्पा मुद्रा वात्ता इत्तेके इद संबंध लगातार घनिष्ठ आया मंता ओसो अलग-अलग उत्पादक कुना पूरा आर्थिक पिस्वल किन उंदी व्यवस्था लोप्पा दोहता मंता इंजी समजे मायना। **पूंजी** इद्रम बने मात्ता संबंधकुना विकास ता दूसरा नंबर ता मंजिल आंदू: मानेय ना श्रम-शक्ति उंदी माल बनेमांता। रोजी-मजदूर तन्ना श्रम-शक्ति किन, भूमि, कारखाना लेवेके श्रम ता साधन कुना मालिक ना कैदे वमसितोर। मजदूर तना काम कियाना दिथ्या ता उंदी हिस्सा खुद तन्ना ओसो तन्ना परिवार किन पोसे कियाला काजे खर्चा तेंडला इस्तेमाल कींतोर (मजदूरी) ओसो दिथ्या ता बाकी हिस्सा ओरू मजदूरी लेवाए श्रम कींतोर ओसो इद्रमे पूंजीपतिर काजे

बेशी मूल्य ता पुट्टीकींतोर, इदे पूंजीपति वर्ग काजे मुनाफा ओसो संपदा ता स्रोत आंदू।

बेशी मूल्य ता सिद्धांत मार्क्स ना आर्थिक सिद्धांत मोदल आंदू।

मजदूर लोरा श्रम संगे पुट्टी कीता पूंजी मजदूर लोर किन खत्म कींता, सुडला-सुडला मालिक लोरा किन बर्बाद किसी बेरोजगार लोरा गोहड़ी किन बेरसी कींता। उद्योग कुना लोप्पा बेहरा स्तर ता उत्पादन कुना जीत तुरंत स्पष्ट आंता, मति कृषि लोप्पा वेने माटु इद्रमे हूडिंतोमः बेहरा स्तर ता पूंजीवादी कृषि ता महत्व बेरसिंता, मशीन कुना इस्तेमाल बेरसिंता, कृषि अर्थव्यवस्था ता गुडंगा ते मुद्रा-पूंजी ता फांसी ते हिरकिंता, ओसो अद तन्ना पेरके अरता पद्धति ता बोजा दोड़ दब्बेमांता, अनि बर्बाद आंता। कृषि लोप्प सुडला स्तर ता उत्पादन ता पतन भिन्न रूप एतिंता, मति इद पतन उंदी डावुट हिल्वा सच्चाई आंदू।

सुडला स्तर ता उत्पादन किन बर्बाद कीसी, पूंजी श्रम ता उत्पादकता लोप्पा वृद्धी कींता ओसो बेहरा-बेहरा पूंजीपतिरा संघ काजे एकाधिकार ता परिस्थिति पुट्टी कीसिंता। उत्पादन खुद ज्यादा से ज्यादा सामाजिक रूप एतिंता-लाखों-करोड़ों मजदूर उंदी योजना इसाब ते आर्थिक संगठन लोप्प जुडेमासोरे दांतोर, मति इद्रम सामुहिक श्रम संगे पुट्टी कित्ता वस्तु कुन मुट्टामेंड पूंजीपतिर हडपे कींतोर। उत्पादन लोप्पा अराजकता, संकट, हाटुम कुना वेल्ले खोज ओसो जनसाधारण ता पिस्वल लोप्पा अनिश्चितता बेरसिंता।

पूंजी पोरो मजदूर लोरा निर्भरता किन बेरसी किसी पूंजीवादी व्यवस्था समूहबद्ध श्रम ता महान ताकत किन जन्म हींता।

माल-उत्पादन पोरो आधार आसी मत्ता अर्थव्यवस्था ता पहला उयुंम तिंजी, साधारण विनिमय एवनाल ओसो पूंजीवादी विकासक्रम ता उच्चतम रूप, इतेके बेहरा स्तर ता उत्पादन एवनल मार्क्स इदिना खोज कींतोर।

ओसो पाड़ना-पूना, सब्बे पूंजीवादी देश कुना अनुभव, साल दर साल ज्यादा से ज्यादा मजदूर लोरा मुन्ने मार्क्स ना शिक्षा ता सच्चाई किन स्पष्ट रूप ते प्रदर्शित कीसोर दांता।

पूँजीवाद पूरा दुनिया लोप्या जीत हासिल कीता, मति इदु जीत पूँजी पोरो श्रम ता जीत ता मुंदी माटा लेक्काटाव आंदू।

3. समाजवाद

सामंतवाद किन हारे किता परेके, भूमि पोरो “स्वतंत्र” पूँजीवादी समाज ता जन्म आतास्के इद स्वतंत्रता इत्तेके मजदूर लोरा उत्पीड़न ओसो शोषण ता उंदी पूना व्यवस्था आंदू इंजी स्पष्ट आता। इद उत्पीड़न किना तोहना लेवेके इदिना विरोध ते तुरंत अलग-अलग रकम ता समाजवादी विचार कुना जन्म आयना शुरू आता। मति शुरूआत ता समाजवाद **काल्पनिक समाजवाद** मत्ता। अदु पूँजीवादी समाज ता आलोचना कियानदु, अदिना निंदा कियानदु, अदिन गाली हियानदु, अद अदिना विनाश किसी उंदी बेसता व्यवस्था बने कियाना सपना हूडनादू। बेसता व्यवस्था ता कल्पना किंदूर ओसो शोषण कियाना अनैतिक कबड इंजी अमीर लोकुर समजे कियला कोशिश किंदूर।

मति काल्पनिक समाजवाद वास्तविक समाधान किया परवो आता। अदु पूँजीवाद लोप्या मत्ता रोजी-गुलामी ता असली स्वरूप किन तोहा परवो आता, अदु अदिना विकास ता नियम कुना खोज किया परवो आता ओसो पूना समाज बने किया परना **सामाजिक शक्ति** किन वेने तोहा परवो आता।

अस्केने सामंतवाद ओसो भूदास-प्रणाली खत्म आयना संगे यूरोपमेंड ओसो विशेष रूप ते फ्रांस लोप्या उर्ग वेडिय लेक्का क्रांतिंग आतांग, अद्रमासी पूरा विकास ता आधार ओसो अदिना प्रेरक शक्ति **वर्ग कुना संघर्ष** आंदू इंजी एकदम स्पष्ट आता।

सामंती वर्ग पोरो राजनीतिक स्वतंत्रता ता उंदी जीत वेने जोरदार प्रतिरोध ता सामना कियवा लेवा हासिल कीतादु हिल्ले। उंदी पूँजीवादी देश वेने अद्रम ता हिल्ले बदो पूँजीवादी समाज ता विभिन्न वर्ग कुना नडमा हायना-पिस्सना लड़ाई लडेमायवा कम या ज्यादा स्वतंत्रता ओसो जनवादी आधार पोरो विकसित आसी मंतायो।

पोरो मंदना परिस्थिति तल वर्ग संघर्ष ता सिद्धांत पुष्टि कियनोर सबसे पहला पड़ियोर मार्क्स आंदू, पूरा विश्व ता इतिहास वेने माकिन इदे सीखे कींता ओसो मार्क्स इद सिद्धांत किन अदिन पोरो बेस इसाब ते लागू बने कित्तोर।

लोकुर राजनीति लोप्पा हमेशाए धोखा ओसो खुद धोखा तिंदना शिकार आंतोर। इद्रम ओरू बस्के एवनल सब्बे नैतिक, धार्मिक, राजनीतिक, सामाजिक पोल्लोंग, घोषणांग ओसो क्रियांग ना पेरके मत्ता बदे आई वर्ग ता हितकुना खोज कियाला करियोर अस्के एवनल अदिना शिकार आसोर मंदानोर। बस्के एवनल बेसता सुधार कुना समर्थक लोर, हर पाड़ना संस्था, बचोन बर्बर ओसो कड़ियता-पुड़ियता मत्केआई, बदे वेने शासक वर्ग पोरोने आधार आसी नितसी मंता इंजी समझेमायोर अस्के एवनल पाड़ना व्यवस्था ता रक्षक लोर ओरकिन बकवल बने किसोर मंदानूर। इव वर्ग कुना प्रतिरोध किन गुंडा कियाना तरीका केवल उंदे मंता, अदु मनम बद्दु समाज लोप्पा मंतोमो अद समाज लोप्पा मनम पाड़ना किन नष्ट किसी पूना पुष्टी कियाला तैयार मत्ता ताकतकू ओसो तना सामाजिक परिस्थितिंग कुना कारण ते तैयार मंदाना लेक्काटा ताकत कुन परहकना ओसो अविन संघर्ष काजे जागृत अनि संगठित कियाना।

केवल मार्क्स ना भौतिकवादी दर्शन सर्वहारा वर्ग किन आत्मिक दासता तिंची मुक्ति दोरकी कियाना हरीं तोहता, बदिना लोप्पा सब्बे उत्पीड़ित वर्ग इंजे एवनल किलसोरे पिससोर मत्तोर। केवल मार्क्स ना आर्थिक सिद्धांत पूंजीवाद ता आम व्यवस्था लोप्पा सर्वहारा वर्ग ता असली परिस्थिति ता बारे ते वेहता।

अमेरिका तिंची जापान एवनल ओसो स्वीडन तिंची दक्षिणी अफ्रीका एवनल पूरा दुनिया लोप्पा सर्वहारा वर्ग ता स्वतंत्र संगठन कुना संख्या बेरसा मंता। तन्ना वर्ग संघर्ष ताकी किसी सर्वहारा वर्ग जागृत ओसो शिक्षित आया मंता, बुर्जुआ समाज ता गलत विचारकुनगडल मुक्ति दोरकी किया मंता, तना कार्यकर्तालोरिन घनिष्ठ रूप ते एकजुट किया मंता ओसो तन्ना सफलतांग कुना आंकलन कियाला करिया मंता: अदु तन्ना परिस्थिति किन फौलाद बने किया मंता ओसो दबे मायवा लेवा विकसित आया मंता।

3 मार्च 1913 ते प्रकाशित आता।

खंड 23, पे.नं. 40-48

कठिन मंदना शब्दकुना अर्थ

स्रोत
संघट
भौतिकवाद
भूदासता
नुकसानदायक पंथ
सामाजिक विज्ञान
उदारतावादी
मजदूरी-गुलामी
रूढ़ीबद्ध,
जड़मत,
विश्व सभ्यता
दर्शनशास्त्र
राजनीतिक अर्थशास्त्र
समाजवाद
अंधविश्वास
प्रतिक्रियावादी
भूदासता
भाववादी
लुडविग फायरबाख
ड्यूहर्रिंग मत-खंडन
एकांगीपन

संज्ञान - कुछ महत्वपूर्ण मानसिक प्रक्रियाओं का सामूहिक नाम है, जिनमें ध्यान, स्मरण, निर्णय लेना, भाषा-निपुणता और समस्याएँ हल करना शामिल है। संज्ञान का अध्ययन मनोविज्ञान, दर्शनशास्त्र, भाषाविज्ञान, कंप्यूटर विज्ञान और विज्ञान की कई अन्य शाखाओं के लिए ज़रूरी है। मोटे तौर पर संज्ञान दुनिया से जानकारी लेकर फिर उसके बारे में अवधारणाएँ बनाकर उसे समझने की प्रक्रिया को भी कहा जा सकता है।

आर्थिक व्यवस्था

ऐडम स्मिथ ओसो डेविड रिकार्डो
मूल्य ता श्रम-सिद्धांत
मुद्रा
रोजी-मजदूर – wage labor
बेशी मूल्य
उत्पादकता
एकाधिकार - मोनोपली
अराजकता
माल-उत्पादन
काल्पनिक समाजवाद

कार्ल मार्क्स ना गुमिया पोरु भाषण

14 मार्च ता नुल्फे, 3 बजेमायला 15 मिनट मुन्ने दुनिया ता सबसे महान विचारक विचार कियाना बंद कीतोर। मुश्किल ते ओनकिन दो मिनट काजे वरोने विडस्तद मत्ता। माटू मल्लिस वासी हूडतेके ओरू आराम ते कुर्सी पोरु उदसी हमेशा काजे हुंजतोर। मति उचुन जोम हुंजसी तेदला काजे आयो हमेशा काजे एकदम शांत आसी हुंजतोर।

इन मानेय हातांकु यूरोप ओसो अमेरिका ता लड़ाकू सर्वहारा वर्ग ओसो ऐतिहासिक विज्ञान ता बसके पूरा आयवा नुकसान आता। इद महान आत्मा हातांकु बचोन नुकसान ता इंदानदु, लोकर जल्दिए अनुभव कियानू।

जीव प्रकृति लोप्पा डार्विन विकास ता नियम ता बारे ते खोज कीता लेक्काने मानव-इतिहास ता विकास ता नियम ता बारे ते कार्ल मार्क्स वेहतोर। ओरू इंजे एवनल विचाराधारा ता विकास लोप्पा मिंजसी मत्ता सच्चाई किन परहकतोर। इत्तेके राजनीतिक, विज्ञान, कला-धर्म लेक्कटव कियाना मुन्ने मानव-जाति किन तिंदना-उंडना, मुच्चला-करला ओसो मंदाल काजे लोन ता जरूरत मंता इंजी वेहतोर। अदिन काजे पिस्वल काजे तात्कालिक भौतिक साधन कुना उत्पादन ता कारण ते बदे युग लोप्पा ओसो बदाई जाति कियाना आर्थिक विकास पोरु ने आधार आसी राजनीतिक संस्थांग, कानूनी सिद्धांत, कला ओसो धर्म संबंधित सिद्धांत वेने विकास आतांगा। अदिन काजे इदिना पोरुने आधार आसी इव सब्बेना बारे ते वेहा परमूडांता। इंजे एवनल इदिना उल्टा आता लेक्का आयो।

इदे आयवा कार्ल मार्क्स उत्पादन ता वर्तमान पूंजीवादी प्रणाली ओसो इद प्रणाली तिंची पुट्टा पूंजीवादी समाज रंडासिन चले कियना गति ता विशेष

नियम किन परहकतोर। अतिरिक्त मूल्य ता आविष्कार तिंची, मूल्य ता समस्या किन हल कियाना काजे इंजे एवनाल ताकता कोशिशकू, अद पूंजीवादी अर्थशास्त्री लोर कीतादाई लेवेके समाजवादी आलोचक लोर कीता अध्ययन आई अव पोकटे मत्ता लेक्का आतांगा।

इद्रमताए रेंडु आविष्कार उंदी पिस्वल काजे हालिंता। इद्रम ता आविष्कार कियाला मौका बोनकिन दोरकिंता ओरू वेल्ले बेसता किस्मत मत्ता मानेय आंदुर। मति मार्क्स बद रकम ता खोज कितोर – ओरू वेल्ले रकम ता खोज कितोर, अदिना लोप्पो ओरू पोरो-पोरो छानबीन कियवा लेवा - इत्तेके गणित लोप्पा वेने ओरू स्वतंत्र रूप ते खोज कीतोर।

ओरू इद्रमता वैज्ञानिक मत्तोर। मति ओना वैज्ञानिक रूप ओना पूरा पिस्वल ता आदा वेने आयो। मार्क्स काजे विज्ञान ऐतिहासिक रूप ते उंदी गतिशील, क्रांतिकारी ताकत मत्ता। वैज्ञानिक सिद्धांत कुना लोप्पा बदे वेने पूना खोज तिंची, अदिना व्यावहारिक प्रयोग ता अनुमान वाटना बिल्कुले असम्भव मत्तेकाई, ओनकिन बचोन खुशी दोरिंदु, मति ओना खोज तिंची उद्योग-धंधा ओसो ऐतिहासिक विकास लोप्पा बदे तात्कालिक क्रांतिकारी बदलाव दिंसिंदू, अस्के ओरू पक्काए खुशी आयनोर। उदाहरण काजे बिजली ता आविष्कारकुना विकास-क्रम ओसो मरसैल देप्रे ना इस्सल ता आविष्कार कुना पोरो कार्ल मार्क्स वेल्ले ध्यान ते अध्ययन किसोर मत्तोर।

मार्क्स बाताले आया मुन्ने ओरू क्रांतिकारी मत्तोर। ओना पिस्वल ता असली उद्देश्य बदरमाई पूंजीवादी समाज ओसो अदिनगडल पैदा आयना राजनीतिक संस्थांग कुन नष्ट कियाना लोप्पा योगदान कियाना मत्ता। आधुनिक सर्वहारा वर्ग किन आजाद कियाला काजे योगदान कियाना मत्ता, ओरे तानकिन सबसे मुन्ने तन्ना परिस्थिति ओसो जरूरत कुना बारे ते सचेत किसी बदरम ता परिस्थितिंग लोप्पा इव सब्बे जरूरत कु पूरा आया परिंतांग इंजी वेहतोर। संघर्ष ओना प्राकृतिक गुण मत्ता। ओसो ओरू बद जोश, लगन ओसो सफलता संगे कीता संघर्ष ता मुकाबला पूरा दुनिया लोप्पा बोरे किया परवोर। पहले (Rheinische Zeitung (1847) ते, पेरिस ता VorWarts121 (1844) ते, Deutsche-Brusselsr-

Zeitung (1847) ते, Neue Rheinische Zeitung (1848-1839) ते, New-York Daily Tribune (1852-1861) अखबारकुना लोप्पा ओना काम, इदे आयवा बचोनो जोश वायना लेक्कटा पुस्तकिंग रस्तोर, पेरिस, ब्रसेल ओसो लंडन ता, संगठन कुना लोप्पा काम ओसो आखरी ते ओरू महान अन्तरराष्ट्रीय मजदूर संघ ता स्थापना- इदु इचोन बेहरा सफलता मत्ता, इत्तेके इद संगठन ता संस्थापक, बाताले किवेकाई अविना पोरो गवे किसी वेने मंदा परिंदूर।

इदिना कारण तेने मार्क्स तन्ना युग ता सबसे ज्यादा दुश्मनी ओसो आरोप कुना शिकार आतोर। निरंकुशवादी ओसो जनतंत्रवादी, रेंडासीए रकम ता सरकारकु ओनकिन तम्मा हंदतुकु पूंडतोर। पूंजीपत्तिर बचोन रूढ़िवादी मत्तेकाई बचोन जनवादी मत्तेकाई, मार्क्स किन बदनाम कियाना लोप्पा वरोर-दूसरोना संगे होइ वाटनोर। मार्क्स वीर सब्बेतोर किन मकड़ी जाली तुंडतास्के बद्रम तेंडसी वाटितोमो अद्रमे तेंडसी वाटानोर, तानकिन ध्यान हिवोर आंदूर, ओसो जरूरत मंजी मजबूर आसि ओरकिन जवाब हियानोर। ओसो इंजे ओरू इद दुनिया ते हिल्लेर। साइबेरिया ता खदान तिंची पोयसी कैलिफोर्निया एवनल, यूरोप ओसो अमेरिका ता सब्बे जागा ने ओना लाखो क्रांतिकारी मजदूर दोस्त लोर ओनकिन वेल्ले जीवा कियानोर, ओना सम्मान कियानोर, नेंडु ओना शहादत पोरो कोंडा ते कन्निर पोंगी किया मंतोर। ओना विरोधी लोर बचानों मत्तोर, मति ओना व्यक्तिगत दुश्मन बोरे हिल्लेर बाहे इंजी वेने नाना इंदा परिंतान।

ओना पोरोल पीडी-पीडी एवनाल हायवा मंदियर, अद्रमे ओना काम वेने हायवा लेवा मंदियर।

अंग्रेजी तिंची अनुवाद

कामरेड एंगेल्स हाइगेट कब्रिस्तान, लंदन ते,

17 मार्च 1883 ते अंग्रेजी ते हीता भाषणा

जर्मन ते 22 मार्च 1883 ते Der Sozialdekrat समाचार पत्र, अंक 13
ते प्रकाशित आता।

माओ त्से तुंग

अंतरविरोध ता बारे ते

अगस्त 1937

इद दार्शनिक लेख कामरेड माओ त्सेतुंग “व्यवहार ता बारे ते” लेख पेरके रासतोर, ओसो इद लेख ता उद्देश्य वेन्ने पार्टी लोप्पा मत्ता गंभीर कठमुल्लावादी विचार किन दूर कियाना मत्ता। सबसे मुन्ने येनान लोप्पा जापान-विरोधी सैनिक, राजनीतिक कालेज लोप्पा इद लेख भाषण ता रूप ते पेश किताद मत्ता। चुनेकित्ता रचनांग लोप्पा शामिल कियानास्के लेखक तीना लोप्पा उचुन जोड़े कित्तोर ओसो उचुन घटे कित्तोर, उचुन संशोधन कित्तोर।

वस्तु लोप्पा अंतरविरोध ता नियम, इत्तेके विपरित तत्वकुना एकता ता नियम, भौतिकवाद द्वन्द्ववाद ता सबे तल बुनियादी नियम मंता। लेनिन वेहतोर: “वास्तविक अर्थ लोप्पा, पदार्थ ता मूलवस्तु लोप्पा मंदना अंतरविरोध ता अध्ययने द्वन्द्ववाद आंदू।”¹ लेनिन खुद इद नियम किन द्वन्द्ववाद ता केंद्र-भाग इंजी वेन्ने इत्तोर।² अदिन काजे इद नियम ता अध्ययन कियानास्के माटु वेल्ले विषयकुना, दर्शन ता वेल्ले समस्यांग पोरो चर्चा कियाना जरूरत मंदिता। माटु इव सब्बे समस्यांग किन स्पष्ट रूप ते समझेमाया परतेके, भौतिकवादी द्वन्द्ववाद ता बारे ते माटु उंदी बुनियादी समझ दोरकि किया परितोमा। समस्यांग दोड़ रास्ता लेक्का मंतांग: रेडु विश्व-दृष्टिकोण; अंतरविरोध ता सार्वभौमिकता; अंतरविरोध ता विशिष्टता; प्रधान अंतरविरोध ओसो अंतरविरोध ता प्रधान पहलू; अंतरविरोध ता पहलू ना एकरूपता ओसो अविना संघर्ष; ओसो अंतरविरोध लोप्पा शत्रुता किन जागा।

हत्ता सालकुना लोप्पा सोवियत संघ ता दार्शनिक क्षेत्र लोप्पा देबोरिनपंथी आदर्शवाद ता आलोचना आता, ओरु मन्नोरा लोप्पा वेल्ले जिज्ञासा पुटी

कित्तोर। देबोरिन ता आदर्शवाद चीनी कम्युनिस्ट पार्टी पोरु वेल्ले गलत प्रभाव वाटता ओसो मना पार्टी लोप्पा कठमुल्लावादी विचार लोरा इद विचार-पद्धति संगे संबंध हिल्ले इंजी वेहा परवोम। अदिन काजे मना इंजेटा दार्शनिक अध्ययन ता मुख्य उद्देश्य कठमुल्लावादी विचार किन दूर कियाना मंता।

1. रेंडु विश्व दृष्टिकोण

मानव-ज्ञान ता इतिहास लोप्पा दुनिया ता विकास ता नियमकुना बारे ते हमेशा रेंडु सिद्धांतकु मंतांग, आध्यात्मवादी धारणा ओसो द्वन्द्ववादी धारणा, रेंडु वरोन-वरोर कु विरोधी विश्व-दृष्टिकोण बनेमांतांग। इदिना बारे ते लेनिन इद्रम वेहतोर:

विकास (क्रमिक विकास) ता रेंडु मूल (रेंडु सम्भव? या इतिहास लोप्पा दिस्तादु रेंडु?) सिद्धांत मंतांग: घटेमायना या बढेमायना लेवेके, पुनरावृत्ति ता रूप ते विकास किन हूडाना, ओसो विपरित तत्व ना एकता ता रूप ते विकास किन हूडाना (बदे इकाई ता उंदीनकू उंदी ता बहिष्कार कियाना विपरित तत्व लोप्पा विभाजन ओसो अविना आपसी सम्बंध)।³

लेनिन इगा वेन्ने रेंडु अलग विश्व-दृष्टिकोणकुना बारे ते वेहतोर।

चीन लोप्पा आध्यात्मवाद (metaphysics) ता उंदी दूसरा पोरुल “श्वेन-श्वे”। चीन लोप्पा या योरोप लोप्पा आत्तेकाई, इतिहास ता उंदी वेल्ले समय एवनल, इद विचारधारा आदर्शवादी (idealist) विश्व-दृष्टिकोण ताए उंदी अंग मत्ता ओसो मानव-चिन्तन लोप्पा उंदी प्रभुत्वशाली जागा ते मंता। योरोप लोप्पा, पूंजीपति वर्ग पुटतास्के कालम ता भौतिकवाद वेन्ने आध्यात्मिक मत्ता। वेल्ले योरोपीय देशकुना लोप्पा सामाजिक अर्थव्यवस्था वेल्ले विकसित पूंजीवाद ता मंजिल पोरु एवतास्के, उत्पादक ताकत, वर्ग-संघर्ष ओसो विज्ञान इतिहास लोप्पा उंदी अभूतपूर्व स्तर एवनल विकसित आतास्के ओसो औद्योगिक सर्वहारा वर्ग ऐतिहासिक विकास लोप्पा सबसे महान प्रेरक ताकत बनेमातास्के मार्क्सवाद ता भौतिकवादी द्वन्द्ववाद ता विश्व-दृष्टिकोणपुट्टता। अस्के भौतिकवादी द्वन्द्ववाद ता विरोध कियाला काजे, पूंजीपति वर्ग नइमा उंदी खुले

रूप ते, वेल्ले खुल्ला प्रतिक्रियावादी आदर्शवाद आयवा घटिया विकासवाद (vulgar evolutionism) वेन्ने पुट्टता।

आध्यात्मवादी विश्व-दृष्टिकोण या घटिया विकासवाद ता विश्व-दृष्टिकोण वस्तुकुन उंदी अलग-थलग मंदाना, स्थिर ओसो एकांगी दृष्टिकोण ते हूडिंता। इद दृष्टिकोण विश्व ता सब्बे वस्तु, अविना रूप ओसो रकम (किस्म) ता हमेशा काजे वरोनकु वरोनगडल अलग ओसो बदलेमावा लेक्का मानेमांता। बदे बदलाव आंता, इत्तेके केवल परिमाण लोप्पा घटेमांता या बढेमांता, ओसो जागा बदले मांता। इदे आयवा इद्रम ता घटेमायना या बढेमायना ओसो स्थानान्तरण आंदू। इदिना कारण वस्तु ना लोप्पा आयो अविना बाहर मंदिता, इत्तेके बाहरी ताकत अविन प्रेरित कींतांग। आध्यात्मवादी लोरा राय बातल इत्तेके विश्व लोप्पा विभिन्न रकम ता सब्बे वस्तु ओसो अविना विशिष्टता लोप्पा, अविना अस्तित्व लोप्पा वायानास्के बदे बदलाव आयो। पेरके बदे बदलाव आतेकाई केवल परिमाण लोप्पा बेरसना घटेमायनाए आंदू। अव बदे वस्तु हमेशा केवल खुद अदे वस्तु ता रूप ते बार-बार पुटमुडु आया परिता ओसो बदे अलग वस्तु लोप्पा बदलेमाया परवो। अविना दृष्टि लोप्पा पूंजीवादी शोषण, पूंजीवादी होड, पूंजीवादी समाज ता व्यक्तिवादी विचारधारा, लेक्काट सब्बे पोल्लोण प्राचीन काल ता दास समाज लोप्पा, आदिम समाज लोप्पा वेन्ने हूडूमूडांता, ओसो बिना बदलाव ता हमेशा अद्रमे मंदितांग। सामाजिक विकास ता कारण किन समाज ता बाहर ता परिस्थिति लोप्पा भूगोल ओसो जलवायु लोप्पा परहकितोर। ओर वेल्ले सरल तरीका ते वस्तु ना विकास ता कारण किन वस्तु ता बाहर परहकितोर ओसो भौतिकवाद द्वन्द्ववाद प्रतिपादित सिद्धांत किन ठुकरे कींतोर कि वस्तु लोप्पा मंदना अंतरविरोध अविना विकास ता कारण आंदू। बारांकु इत्तेके, ओर वस्तु ना गुणात्मक विविधता ता बारे ते वेहा परवो ओसो, उंदी गुण ता दूसरा गुण लोप्पा बदलाव ता घटना किन वेने हूडा परवो। योरोप लोप्पा चिन्तन ता इद प्रणाली यांत्रिक भौतिकवाद ता रूप ते सत्रहवीं ओसो अठारहवीं शताब्दी लोप्पा ओसो घटिया विकासवाद ता रूप ते उन्नीसवी शताब्दी ता अन्तिम समय ओसो बीसवी शताब्दी ता शुरूआत ते मत्ता। चीन लोप्पा, आध्यात्मवादी चिन्तनधारा ता उदाहरण रास्ता लेक्का मंता: “दुनिया बदलेमायो, अद्रमे ताओ वेन्ने बदलेमायो”। इद चिन्तनधारा वेल्ले समय

एवनल पतन आसोरे मंदाना सामंती शासक वर्ग ता सहारा दोरकी कीसोर मत्ता। हत्ता सौ साल लोप्पा योरोप तल चीन लोप्पा तत्ताना यांत्रिक भौतिकवाद ओसो घटिया विकासवाद किन चीनी पूंजीवादी वर्ग ता समर्थन मंता।

आध्यात्मावादी विश्व-दृष्टिकोण ता विपरित भौतिकवादी द्वन्द्ववाद ता विश्व-दृष्टिकोण बदे वस्तु ता विकास किन समझेमायला काजे ताना अध्ययन लोप्पाडल दूसरा वस्तु संगे अद वस्तु ता संबंध ते कियाना इंजी वेहिंता। दूसरा हिसाब ते वेहना इत्तेके वस्तु ता विकास ता संबंध संगे कियाना, इत्तेके वस्तु कुना विकास किन ओरा आन्तरिक ओसो आवश्यक आत्मगति ता रूप ते हूडाना, ओसो हर गतिमान वस्तु ओसो तानकिन आसपास मंदना वस्तु लोप्पा आपसी संबंध मंता इंजी, अवु उंदी दूसरा किन प्रभावित कीसोरे मंता इंजी हूडाना। बदे वस्तु ता विकास ता मूल कारण ताना बाहर आयो ताना लोप्पा मंदिता: ताना लोप्पा मंदना अन्दरूमी अंतरविरोध लोप्पा मंदिता। इद अन्दरूनी अंतरविरोध हर वस्तु ते मौजूद मंदिता। इद अन्दरूनी अंतरविरोध हर वस्तु ते मंदिता ओसो अदिन काजे हर वस्तु गतिमान ओसो विकासशील मंदिता। बदे वस्तु लोप्पा मंदाना अंतरविरोध ताना विकास ता मूल कारण मंदिता, मति ताना ओसो दूसरा वस्तु नडमा ता अन्तर-संबंध ओसो अन्तर-प्रभाव तना विकास ता गौण कारण मंदिता। इद्रम आसि भौतिकवादी द्वन्द्ववाद, आध्यात्मवादी यांत्रिक भौतिकवाद ओसो घटिया विकासवाद पुट्टी कित्ता बाहरी कारण या बाहरी प्रेरणा ता सिद्धांत किन जोरदार विरोध कींता। इत्तेके बाहरी कारण कुनगडल वस्तु लोप्पा केवल यांत्रिक गतिए पुट्टिता, इत्तेके ताना स्तर ओसो ताना मात्रा तेने बदलाव आया परिंता। मति ओर वस्तु कुना लोप्पा मंदना हजारो रकम ता गुणात्मक भेद बारांकु मंता ओसो बारांकु उंदी वस्तु दूसरा वस्तु ते बदलेमांता इंजी वेरू खुलासा किया परवोर। असल ते बाहरी ताकत संगे पुट्टता वस्तु लोप्पा यांत्रिक गति वेन्ने अद वस्तु ता आन्तरिक अंतरविरोध ता कारण तेने पैदा आंता। वनस्पति ओसो जन्तु ना वृद्धि ओसो अविना परिमाणात्मक विकास वेन्ने मुख्य रूप ते अविना आन्तरिक अंतरविरोध ता कारण ते आंता। अदिन काजे सामाजिक विकास वेने मुख्य रूप ते बाहरी कारण ते आयो आन्तरिक कारण ते आंता। वेल्ले देश ता भौगोलिक ओसो मौसमता परिस्थितिं ग लगभग उंदी बराबर मत्तेकाई अविना विकास वेल्ले अलग ओसो असमान रूप ते

आंता। इदे आयवा बदे देश ता भौगेलिक ओसो मौसम ता परिस्थिति ना लोप्पा बदे बदलाव आवेकाई ओरा लेपा जबरदस्त सामाजिक बदलाव आया परिंता। साम्राज्यवादी रूस समाजवादी सोवियत संघ लोप्पा बदलेमाता ओसो सामंती जापान, बद हरी बंद किसी दुनिया तल अलग-थलत मत्ता, साम्राज्यवादी जापान लोप्पा बदलेमाता, मति इव रेंडासी देश लोप्पा भौगेलिक ओसो वायुमंडल परिस्थिति ना लोप्पा बदे बदलाव आताद हिल्ले। लम्बा समय तल सामंती व्यवस्था कैदे मत्ता चीन, हत्ता सौ साल लोप्पा वेल्ले बेहरा बदलाव आता ओसो इंजे उंदी पूना मुक्त ओसो स्वतंत्र चीन ता दिशा लोप्पा बदलाव आया मंता: मति चीन ता भौगेलिक ओसो वायुमंडलीय परिस्थिति लोप्पा बदे बदलाव आताद हिल्ले। पूरा भूमि ओसो ताना हर हिस्सा ता भौगेलिक ओसो वायुमंडलीय परिस्थिति लोप्पा बदलाव जरूर आंता, मति समाज लोप्पा आयना बदलाव ता तुलना ते ओर वेल्लेय तीरम मंदिता, भौगेलिक ओसो वायुमंडलीय परिस्थिति लोप्पा आयना बदलाव अगा दसियो हजारों साल ते दिसिंता, अगा समाज लोप्पा आयना बदलाव केवल हजारों, सैकड़ों, दसियों साल लोप्पा ओसो क्रांति ता काल लोप्पा उचुन साल या महीना लोप्पा दिसिंता। भौतिकवाद द्वन्द्ववाद ता दृष्टिकोण ता अनुसार प्रकृति लोप्पा बदलाव ता मुख्य कारण प्रकृति लोप्पा मंदाना लोप्पाटा अंतरविरोध ता विकास मंता। समाज लोप्पा बदलाव ता मुख्य कारण आंता समाज लोप्पा मंदाना आन्तरिक अंतरविरोध इत्तेके उत्पादक ताकत ओसो उत्पादन-संबंध नड़मा ता अंतरविरोध, वर्गकुना नड़मा ता अंतरविरोध ओसो पूना ओसो पाड़ना नड़मा मंदना अंतरविरोध ता विकास आयाना, इव अंतरविरोध ना विकास समाज किन मुन्ने ओंता, ओसो पाड़ना समाज ता जागा ते पूना समाज ता स्थापना तुन गति हींता। भौतिकवादी द्वन्द्ववाद बाहरी कारण कुना भूमिका मानेमायो या? हिल्ले, इद्रम आयो। भौतिकवादी द्वन्द्ववाद ता विचार इसाब ते बाहरी कारण बदलाव काजे केवल परिस्थिति पुट्टी किंता, मति आन्तरिक कारण बदलाव ता आधार मंदिता ओसो बाहरी कारण आन्तरिक कारण कुना संगे ने क्रियाशील आंता। अनुकूल तापमान लोप्पा अंडा (मेंज) पीसे लोप्पा बदलेमांता, मति उंदी बंडा किन पीसे ते बदले कियाना लेक्का बदे तापमान मन्नो आंता बारांकु इत्तेके अंडा (मेंज) ओसो बंडा ता आधार अलग-अलग मंता। विभिन्न देश ता जनता एक दूसरा

पोरो लगातार प्रभाव वाटसोर मंदिता। पूंजीवादी समाज लोप्पा, विशेषकर साम्राज्यवाद ओसो सर्वहारा क्रांति समाज लोप्पा विभिन्न देश नडमा राजनीतिक, आर्थिक ओसो सांस्कृतिक क्षेत्र लोप्पा पारस्परिक प्रभाव ओसो अन्तर क्रिया वेल्ले बेहरा मंदिता। अक्तुबर समाजवादी क्रांति केवल रूस ता इतिहास लोप्पाने आयवा, विश्व ता इतिहास लोप्पा वेन्ने उंदी पूना समाज ता सूत्रपात कीता। अद विश्व ता सब्बे देश ता आन्तरिक बदलाव पोरो प्रभाव वाटता, अद्रमे चीन ता आन्तरिक बदलाव किन ओसो गहराई ते प्रभावित कीता। मति इद बदलाव देश ता ओसो चीन ता विकास ता आन्तरिक नियम तल पैदा आसी मत्ता। युद्ध लोप्पा उंदी सेना सफल आंता ओसो दूसरा हारेमांता: सफल ओसो विफल रेंडासी आन्तरिक कारण कुना संगे तय आंता। उंदी सेना सफल आयना इत्तेके अद सेना शक्तिशाली मंता या ताना नेतृत्व सही मंदिता: दूसरा सेना कमजोर मंता ओसो ताना नेतृत्व सही हिल्वा कारण ते हारेमांता। बाहरी कारण आन्तरिक कारण कुना संगेने क्रियाशील मंदिता। 1927 लोप्पा चीन ता बडे पूंजीपति वर्ग खुद चीनी सर्वहारा वर्ग लोप्पा (चीनी कम्युनिस्ट पार्टी लोप्पा) मंदाना अवसरवाद ता फायदा तेहची सर्वहारा वर्ग किन हारे कीता। माटु इद अवसरवाद किन खत्म कीतेकेने चीनी क्रांति ओसो वेन्ने मुन्ने हत्ता। पेरके मना पार्टी लोप्पा दुस्साहसवाद पुटता कारण ते, चीनी क्रांति किन दोबारा दुश्मन ता बेहरा हमला ना शिकार आया लागता। माटु इद दुस्साहसवाद किन खत्म कीतोम अस्के मावा काम दोबारा उंदी बेरा मुन्ने हत्ता। इद्रम क्रांति किन सफलता ता मंजिल एवनल एव्वला काजे बदे राजनीतिक पार्टी तना खुद ता राजनीतिक लाईन सही मंदना ओसो अदिना संगठन ता मजबूती पोरो आधार आसी मंदना।

द्वन्द्ववादी विश्व-दृष्टिकोण चीन ओसो योरोप रेंडासी जागा ने प्राचीन काल लोप्पाने पुटसी मत्ता। मति प्राचीन द्वन्द्ववाद ता स्वरूप वेल्ले स्वयंस्फूर्त ओसो सरल मत्ता: अस्के सामाजिक ओसो ऐतिहासिक परिस्थिति लोप्पा अद उंदी सैद्धांतिक व्यवस्था ता रूप एता परवो अदिन काजे दुनिया ता बारे ते पूरा वेहा परवो अदिनके ताना जागा आध्यात्मवाद एतता। जर्मन दार्शनिक हेगेल ना जीवनकाल अठारहवी शताब्दी ता आखरी साल तल उन्नसवी शताब्दी ता शुरूआती साल एवनल मत्ता, ताना द्वन्द्ववाद आदर्शवादी द्वन्द्ववाद मत्ता। सर्वहारा आंदोलन ता महान पडियोर मार्क्स ओसो एंगेल्स मानव-ज्ञान ता

इतिहास ता सकारात्मक उपलब्धीकुना संश्लेषण कित्तोर, विशेषकर हेगेल ना द्वन्द्ववाद ता सही मंदना तत्व कुना बारे ते आलाचोनात्मक दृष्टिकोण लागू किसी अविन ग्रहण कित्तोर, इदिनगडल द्वन्द्वात्मक भौतिकवाद, ओसो ऐतिहासिक भौतिकवाद ता महान सिद्धांत बने कित्तोर, अस्केने मानव-ज्ञान ता इतिहास लोप्पा उंदी बसके हिलवा महान क्रांति आता। लेनिन ओसो स्तालिन इद महान सिद्धांत किन ओसो वेल्ले विकसित कित्तोर। इद सिद्धांत चीन लोप्पा एवता, अस्के चीनी लोकुरा चेतना लोप्पा जबरदस्त बदलाव तत्ता।

इद द्वन्द्वात्मक विश्व-दृष्टिकोण मनाकिन मुख्य रूप ते अलगज-अलग वस्तु लोप्पा मंदाना अंतरविरोध ता गति ता जांच ओसो विश्लेषण, सही हिसाब ते कियाना ओसो इद्रमता विश्लेषण पोरो आधार आसी अंतरविरोध किन हल कियाना तरीका किन परहकना इंजी करिहंता। अदिन काजे मनम वस्तु लोप्पा अन्तरविरोध ता नियम किन ठोस रूप ते समझेमायना, इद मना काजे पक्काए महत्व ता पोल्लो मंता।

2. अंतरविरोध ता सार्वभौमिकता

नावा पोल्लो किन आसान बने कियाला काजे, नन्ना मुन्ने अंतरविरोध ता सार्वभौमिकता (universality) ता बारे ते चर्चा कियाकन, ओसो ताना पेरके अंतरविरोध ता विशिष्टता (particularity) पोरो वडका काना बारा साटि इत्तेके अंतरविरोध ता सार्वभौमिकता ता बारे ते संक्षिप्त ते वेहा परमूडांता, बारांकु इत्तेके मार्क्सवाद ता महान निर्मातालोरू ओसो ताना किन मुन्ने ओयानोर- मार्क्स, एंगेल्स, लेनिन, स्तालिन- भौतिकवादी द्वन्द्ववाद ता विश्व-दृष्टिकोण ता खोज कीतास्केडल ओसो तानकिन मानव-इतिहास ओसो प्राकृतिक इतिहास ता विश्लेषण ता वेल्ले पहलूकुना पोरो समाज ओसो प्रकृति लोप्पा आयाना बदलाव कुना वेल्ले पहलूकुना पोरो भौतिकवादी द्वन्द्ववाद किन वेल्ले सफलता संगे लागू कित्तोर (सोवियत संघ लेक्का), अस्केडल वेल्ले माने अंतरविरोध ता सार्वभौमिकता किन मानेमातोर: मति अंतरविरोध ता विशिष्टता ता बारे ते वेल्ले मानेकुना विचार, विशेषकर कठमुल्लावादी लोरा विचार इंजे वेन्ने सही आतद हिल्ले। ओरू अंतरविरोध ता विशिष्टता लोप्पा अंतरविरोध ता सार्वभौमिकता

मंता इंजी समझेमाया परवोर आंतोर। ओरू मना मुन्ने मंदाना ठोस वस्तुकुना लोप्पा मंदाना अंतरविरोध ता विशिष्टता ता अध्ययन क्रांतिकारी व्यवहार किन मुन्ने ओयना लोप्पा मार्गदर्शन कियाला काजे बचोन महत्वपूर्ण मंता इंजी वेन्ने समझेमायोर। अदिन काजे अंतरविरोध ता विशिष्टता ता अध्ययन पोरो जोर वाटना ओसो ताना बारे ते वेल्ले विस्तार ते वेहाना पक्काए जरूरी मंता। अदिन काजे वस्तु लोप्पा मंदाना अंतरविरोध ता नियम ता विश्लेषण कियानास्के मुन्ने हमेशा अंतरविरोध ता सार्वभौमिकता ता विश्लेषण कियाना, पेरके अंतरविरोध ता विशिष्टता ता विश्लेषण पोरो जोर वाटना आखरी ते अंतरविरोध ता सार्वभौमिकता पोरो वायना।

अंतरविरोध ता सार्वभौमिकता या निरपेक्षता (absoluteness) ता रेंडु अर्थ मंतांगा। उंदी अंतरविरोध सब्बे वस्तुकुना विकास ता प्रक्रिया लोप्पा मंदिता ओसो दूसरा हर वस्तु ता विकास ता प्रक्रिया लोप्पा अंतरविरोध ता गति शुरू तल आखरी एवनल मंदिता।

एंगेल्स वेहची मत्तोर: “गति खुद उंदी अंतरविरोध आंदू” इंजी।⁵ लेनिन विपरित तत्व ना एकता ना नियम ता परिभाषा रास्ता लेक्का हिंसी मत्तोर “प्रकृति (ताना लोप्पा मष्तिष्क ओसो समाज वेन्ने शामिल मंता) ता सब्बे घटनांग ओसो प्रक्रिया लोप्पा अंतरविरोधपूर्ण, उंदीनकु उंदी ता बहिष्कृत कियाना, विपरित प्रवृत्ति किन मानेमायना (खोज कियाना)” मंता।⁶ इद विचार सही मंताया? इंगो, इद विचार सही मंता। सब्बे वस्तु लोप्पा मंदाना अंतरविरोधपूर्ण पहलू ता अन्तर-निर्भरता ओसो अविना नडमा ता संघर्ष अव वस्तु ना पिस्वल किन निर्धारित कींतांग ओसो अविना विकास किन मुन्ने ओंतांगा। अंतरविरोध हिल्ला बदे वस्तु हिल्ले: अंतरविरोध लेवा दुनिया मन्नो आयर।

अंतरविरोध गति ता साधारण रूपकुना (उदाहरण काजे यांत्रिक गति) आधार आंदू ओसो गति ता संश्लिष्ट (complex) रूप कुना आधार इत्तेके वेल्लेय मंता।

एंगेल्स अंतरविरोध ता सार्वभौमिकता बारे ते दोड रास्ता लेक्का वेहतोर:
इत्तेके साधारण यांत्रिक स्थानान्तरण लोप्पा अंतरविरोध मंता, अस्के इद पोल्लो पदार्थ ता गति ता उच्च स्तर काजे, विशेषकर जीवकुना-पिस्वल ओसो

विकास काजे ज्यादाए निज्जम मंता। जीवा सबसे पहले बातल इत्तेके उंदी सजीव वस्तु बढ समय अदे वस्तु मत्तेकाई बदे दूसराए वस्तु मंदिता। अदिन काजे जीवा वेन्ने उंदी अंतरविरोध आंदू, अद खुद वस्तुकुना ओसो प्रक्रिया कुना लोप्पा मंदिता, ओसो लगातार खुद पुटसोर मंता ओसो हल आसोर मंदिता। अद्रमे इद अंतरविरोध खत्म आंता, अद्रमे जीवा वेन्ने खत्म आंता। अद्रमे माटु विचार ता क्षेत्र लोप्पा अंतरविरोध तल बचेमाया परवोम, ओसो उदाहरण काजे मानव जाति ता ज्ञान हासिल कियाना क्षमता स्वभाविक रूप ते हंद हिल्ला मंता, मति मानेय बाहरी परिस्थिति संगे सीमित आसी मंदिता ओसो ताना बौद्धिक क्षमता वेन्ने सीमित आसी मंदिता, इदिन असली रूप ते दोरकी कियाना लोप्पा मंदना अंतरविरोध ता समाधान, इत्तेके कम से कम व्यावहारिक रूप ते उंदी पेरके दूसरा पीढी तुक हंद हिल्लावा प्रगति दोरकना इसाब ते आंता।

.... उच्च गणित-शास्त्र ता उंदी बुनियादी नियम... अन्तरविरोधे आंदू.. मति निम्न गणित-शास्त्र लोप्पा वेन्ने पक्काए अंतरविरोध मंदिता।⁷

लेनिन अंतरविरोध ता सार्वभौमिकता ता उदाहरण दोड़ रास्ता लेक्का हित्तोर-

गणित-शास्त्र लोपा: + ओसो - इत्तेके जमा (Differential) ओसो घटा (integral.)।

भौतिक विज्ञान लोपा: नेगिटिव विद्युत ओसो पोजिटिव विद्युता

रसायन विज्ञान लोपा: परमाणु संघटन ओसो विघटन।

सामाजिक विज्ञान लोपा: वर्गकुना नड़मा संघर्ष।

युद्ध लोप्पा हमला ओसो बचाव, मुन्ने दायना पेरके गुचना, जीड़ना ओसो हारेमायना सब्बे अंतरविरोधपूर्ण घटनांग आंदुंग। उंदी लेवा दूसरा ता अस्तित्व मंदा परवो। इव रेंदासी पहलुंग आपस ते संघर्ष वेन्ने कींतांग ओसो उंदी दूसरा पोरो निर्भर आसी वेन्ने मंतांग, इदे युद्ध किन सम्पूर्ण बने किंतांग, युद्ध ता विकास किन मुन्ने ओंतांग ओसो युद्ध समस्यांग किन हल कींतांग।

मानव धारणांग लोप्पा मंदाना सब्बे भिन्न मत किन वस्तुगत अंतरविरोध ता दड़मी इंजी हूड़ना। वस्तुगत अंतरविरोध मनोगत चिंतन लोप्पा दिसिंता, इदे प्रक्रिया धारणांग ना अंतरविरोध कुना गति ता रचना किसोर मंता, ओसो

अंतरविरोध ता गति चिन्तन ता विकास किन मुन्ने ओंता ओसो मानव चिन्तन लोप्पा वायना समस्यांग किन लगातार हल किसोर दांता।

पार्टी लोप्पा वायना अलग-अलग विचार नडमा विरोध ओसो संघर्ष लगातार ताकिता। इद पार्टी लोप्पा समाज ता अलग-अलग वर्ग नडमा मंदना अंतरविरोध किन तोहिता। पार्टी लोप्पा अंतरविरोध हिल्वेके ओसो अविन हल क्रियाला काजे विचारधारात्मक संघर्ष कीवेके पार्टी ता पिस्वल खत्म आंता।

इद्रम गति ता रूप साधारण आई या संश्लिष्ट आई, वस्तुगत घटना आई लेवेके विचारगत, अंतरविरोध सार्वभौमिक रूप ते ओसो सबे प्रक्रियांग लोप्पा मंदिता। मति अंतरविरोध ता प्रक्रिया शुरूआती समय ते वेन्ने मंदिता? हर वस्तु ता विकास ता प्रक्रिया लोप्पा शुरू तल आखरी एवनल अंतरविरोध ता गति ताक सोरे मंताया?

सोवियत दार्शनिक लोरा देबोरिन-पंथ ता आलोचना ते रास्ता लेख तल समझेमांता कि देबोरिन-पंथ ता दृष्टिकोण इद्रम मत्ता - अंतरविरोध बदे प्रक्रिया ता एकदम शुरूआत ते पुटो आंता, ताना विकास ता उंदी निश्चित समय ते अद दिसिंता। अद निश्चित समय ते एवना मुन्ने प्रक्रिया ता विकास आन्तरिक कारण ते आयो बाहरी कारण ते आंता। इद्रम देबोरिन मलसी बाहरी कारण ओसो यांत्रिकता ता आध्यात्मवादी सिद्धांत पोरो दांतोरा। ठोस समस्याकुना विश्लेषण पोरो इद दृष्टिकोण किन लागू किसी, देबोरिनपंथी सोवियत संघ लोप्पा वर्तमान परिस्थिति लोप्पा कुलकों ओसो आम किसान लोरा नडमा केवल भेद मंता, अंतरविरोध आयो ओसो इद्रम आसी ओरु बुखारिन ता विचार ते पूर्ण सहमत आंतोरा। फ्रांसीसी क्रांति ता विष्लेषण क्रियानास्के वेने ओरु क्रांति तुकू मुन्ने थर्ड एस्टट लोप्पा, ताना लोप्पा मजदूर, किसान ओसो पूंजीपति वर्ग शामिल मत्तोर, अगा केवल भेद मत्ता, अंतरविरोध हिल्ले इंजी वेहतोरा। देबोरिनपंथी लोरा विचार मार्क्सवाद-विरोधी विचार आंदू। ओरु इद्रम समझेमायोर कि दुनिया लोप्पा मंदाना हर भेद लोप्पा मुन्ने ने अंतरविरोध मंता, ओसो भेद खुद वेने उंदी अंतरविरोध मंता। मजदूर ओसो पूंजीपति लोरा नडमा इव रेंडु वर्ग ता अस्तित्व ते वायनास्केडले अंतरविरोध मत्ता, शांति कालम लोप्पा इद अंतरविरोध उग्र रूप धारण कीवा मत्ता। सोविय संघ ता वर्तमान सामाजिक परिस्थिति लोप्पा वेन्ने मजदूर ओसो किसान नडमा भेद मंता ओसो इद भेद अंतरविरोध आंदू, इद

अंतरविरोध मजदूर ओसो पूंजीपति नडमा मंदाना अंतरविरोध तल अलग मंता ओसो इद उग्र रूप धारण किसी दुश्मनी या वर्ग-संघर्ष ता रूप ते बदले माया परवो: समाजवाद ता निर्माण आयनास्के मजदूर ओसो किसान लोरु सुदृढ़ एकता बने कीतोर ओसो ओर समाजवाद तल कम्युनिज्म ता दिशा लोप्पा मुन्ने दायना प्रक्रिया लोप्पा इद अंतरविरोध किन कदम-कदम हल कीसोर मंतोर। सवाल अलग-अलग रकम ता अंतरविरोध ता मंता। इद मन्नो इंजी आयो। अंतरविरोध सार्वभौमिक ओसो निरपेक्ष मंदिता, सब्बे वस्तु ना विकास प्रक्रिया लोपा मंता ओसो सब्बे प्रक्रिया लोप्पा शुरू तल आखरी एवनल मंदिता।

बदे पूना प्रक्रिया पुड्ता इत्तेके बातल? इत्तेके बदे पूना एकता ओसो ताना संघटक विपरित तत्व बदे पाइना एकता ओसो ताना संघटक विपरित तत्व ता जागा एतिता, अस्के पाइना प्रक्रिया ता जागा ते उंदी पूना प्रक्रिया पुटिता। पाइना प्रक्रिया खत्म आंता ओसो पूना प्रक्रिया शुरू आंता। इद पूना प्रक्रिया लोप्पा पूना अंतरविरोध मंदितांग, ओसो ताना अंतरविरोध ता विकास ता इतिहास शुरू आंता।

लेनिन वेहता लेक्का, मार्क्स तन्ना पुस्तक “पूंजी” लोप्पा अंतरविरोध ता गति ता आदर्श विश्लेषण कीतोर, अद गति वस्तु ता विकास ता प्रक्रिया लोप्पा शुरू तल आखरी एवनल मंदिता। इद तरीका किन सब्बे वस्तु ना विकास ता प्रक्रिया ता अध्ययन लोप्पा लागू कियाना। लेनिन खुद इद तरीका किन सही तरीका ते लागू किसी मत्तोर ओसो सब्बे रचनांग लोप्पा इदेन माने मासि मत्तोर।

“पूंजी” पोरोलता पुस्तक लोप्पा मार्क्स मुन्ने पूंजीवादी (व्यापारी माल वाले) समाज ता सबसे सरल, सबसे साधारण ओसो बुनियादी, सबसे ज्यादा प्रचलित ओसो रोज ता सम्बन्ध इत्तेके माल विनमय ता विश्लेषण किंतोर। इद वेल्ले साधारण घटना (पूंजीवादी समाज ता इद “कोशिका”) लोप्पा इद विश्लेषण आधुनिक समाज ता सब्बे अंतरविरोध कुन (इत्तेके सब्बे अंतरविरोध ता विज्जा किन) तोहिंता। पेरकेट विषय माकिन इव अंतरविरोध ओसो इद समाज ता अलग-अलग अंश ता [समष्टि] किन, ओसो अद शुरू तल आखरी एवनल ता विकास (वृद्धि ओसो गति रेंडु) किन तोहिंता।

लेनिन मुन्ने वेहतोर: “द्वन्द्ववाद ता बारे ते (अध्ययन) वेन्ने सामान्य रूप ते इदे तरीका मंदाना।”

चीनी कम्युनिस्ट लोर किन इद तरीका करियाना पाहिजे: केवल अस्केने ओर चीनी क्रांति ता इतिहास ओसो ताना वर्तमान परिस्थिति ता सही विश्लेषण क्रिया परितोर ओसो ओरा भविष्य ता बारे ते अंदाजा वाटा परितोर।

अंतरविरोध ता विशिष्टता

अंतरविरोध सब्बे वस्तु ता विकास ता प्रक्रिया लोप्पा मंता: इद हर वस्तु ता विकास ता प्रक्रिया लोप्पा शुरू तल आखरी एनवल मंदिता। इगा अंतरविरोध ता विशिष्टता (particularity) ओसो सापेक्षता (relativi) ता चर्चा कियानोमा।

इद समस्या किन बचोनो स्तर ते हूडा लागियरा।

सबसे मुन्ने पदार्थ ता गति ता हर रूप मंदाना अंतरविरोध ता तना खुद ता विशिष्टता मंदिता। पदार्थ ता बारे ते माने ना ज्ञान, पदार्थ लोप्पा मंदना गति ता रूप ता बारे ते ज्ञान आंदू, बारांकि इत्तेके दुनिया लोप्पा गतिमान पदार्थ आयवा बदे पदार्थ हिल्ले ओसो गति निश्चित रूप ते बदेआई रूप धारण कींता। पदार्थ ता गति ता हर रूप पोरो विचार कियानास्के माटु अव तत्वकुन ध्यान ते तासना, बद ताना लोप्पा ओसो गति ता दूसरा रूप लोप्पा समान रूप ते मंदिता। मति विशेष रूप ते महत्वपूर्ण ओसो वस्तु ना बारे ते माने ना ज्ञान ता आधार किन बने क्रियना पोल्लो बातल इत्तेके माटू पदार्थ ता गति ता विशिष्टता किन ध्यान ते तासना, इत्तेके गति ता उंदी रूप ओसो दूसरा रूप नडमा ता गुणात्मक भेद किन ध्यान ते तासना। इद पोल्लो किन ध्यान ते तासिस माटु वस्तु लोप्पा भेद किया परितोमा। गति ता बदे वेन्ने रूप लोप्पा ताना विशिष्ट अंतरविरोध मंदिता। इद विशिष्ट अंतरविरोध बदे वस्तु ता विशिष्ट मूलवस्तु किन निर्धारित कींता, दीना कारण तेने अद वस्तु दूसरा सब्बे वस्तु तल अलग मंदिता। इदे दुनिया ता वेल्ले रकम ता वस्तु ना उंदी दूसरा तल अलग मंदाना लोप्पाटा कारण ता आधार आंदू। प्रकृति लोप्पा गति ता वेल्ले रूप मंदिता, यात्रिक गति, ध्वनि, प्रकाश, ताप, विद्युत, विघटन, संघटन लेक्काटवा। इव सब्बे रूप वरोन-वरोन पोरो निर्भर मंदिता। मति मूलवस्तु ता दृष्टि ते उंदी दूसरा तल अलग मंदिता। गति ता हर रूप ते मंदाना विशिष्ट मूलवस्तु ताना विशिष्ट अंतरविरोध संगे निर्धारित आंता। इद

पोल्लो केवल प्रकृति पोरोने आयो, सामाजिक ओसो विचारगत घटनांग पोरो वेन्ने लागू आंता। समाज ता हर रूप ओसो चिन्तन ता हर रूप ता तन्ना विशिष्ट अंतरविरोध मंदिता ओसो ताना विशिष्ट मूलवस्तु मंदिता।

विज्ञान ता अलग-अलग शाखाना वर्गीकरण अध्ययन ता वस्तु लोप्पा मंदांना विशिष्ट अंतरविरोध पोरो आधार आसी मंदिता। इद्रम उंदी खास रकम ता अंतरविरोध ता खास घटना-क्रम ता क्षेत्र लोप्पा मंदिता, अद अध्ययन कियाना विज्ञान ता बदे विशेष शाखा ता विषय-वस्तु बनेमांता। उदाहरण काजे, गणित लोप्पा जमा ओसो घटा अंक, यंत्र-विज्ञान लोप्पा क्रिया ओसो प्रतिक्रिया, भौतिक विज्ञान लोप्पा नैगिटिव विद्युत ओसो पोजिटिव विद्युत, रसायन विज्ञान लोप्पा विघटन ओसो संघटन, सामाजिक विज्ञान लोप्पा उत्पादन शक्ति ओसो उत्पादन-सम्बध, वर्ग ओसो वर्ग नडमा ता आपसी संघर्ष, सेना-विज्ञान लोप्पा हमला ओसो बचाव, दर्शन-शास्त्र लोप्पा आदर्शवाद ओसो भौतिकवाद, आध्यात्मवादी दृष्टिकोण ओसो द्वन्द्ववादी दृष्टिकोण, लेक्कव इव सब्बे ना विज्ञान ता अलग-अलग शाखा ना रूप ते अध्ययन बारांकु क्रियमूडांता इत्तेके हर शाखा लोप्पा उंदी विशिष्ट अंतरविरोध मंदिता ओसो हर शाखा लोप्पा उंदी विशेष मूलवस्तु मंदिता। तीना लोप्पा बदे शक हिल्ले कि अंतरविरोध ता सार्वभौमिकता किन समझेमायवा लेवा माटु वस्तु ता गति, वस्तु ता विकास ता सार्वभौमिक कारण या सार्वभौमिक आधार ता बद्रमाई खोज किया परवोम, अद्रमे अंतरविरोध ता विशिष्टता ता अध्ययन किवा लेवा माटु बदे विशिष्ट मूलवस्तु ता बारे ते खोज किया परवेके अद वस्तु किन अन्य वस्तुनगडल अलग किसियना, वस्तु ना गति, वस्तु ता विकास ता विशिष्ट कारण या विशिष्ट आधार ता खोज वेन्ने किया परवोम, उंदी वस्तु ओसो दूसरा वस्तु नडमा ता अन्तर ता पहचान किया परवोम, ओसो विज्ञान ता अलग-अलग शाखा नडमा भेद कियाना परवोम।

मानव ज्ञान ता गति क्रम हमेशा अलग-अलग ओसो विशिष्ट वस्तु ना ज्ञान तल आम वस्तु ना ज्ञान ता दिशा ते कदम-ब-कदम विकसित आंता। मानेय वस्तु ना सामान्य रूप ते मंदांना मूलवस्तु किन ओसो अलग-अलग वस्तु लोप्पाटल हर विशिष्ट मूलवस्तु किन पुत्तेके ने सामान्यीकरण बगिल दाया परितोर। मानेय इद सामान्य मूलवस्तु पूंजी, इद ज्ञान किन उंदी मार्गदर्शक रूप ते

प्रयोग कीसोरे विभिन्न ठोस वस्तु ना अध्ययन कियाना बगिल दांता, बदो इंजे एवनल अध्ययन आत्तद हिल्ले या गहन रूप ते आताद हिल्ले, मुन्ने दांता ओसो ताना लोप्पा हर विशिष्ट मूलवस्तु ता खोज कींतोर, केवल इद्रमे सामान्य मूलवस्तु ता बारेते तन्ना ज्ञान ता पूर्ति किया परितोर, अदिन समृद्ध ओसो विकसित किया परितोर, ओसो इद्रम ज्ञान किन खत्म आयवा लेवा बचे किया परितोर। ज्ञान दोरकि कियाना इव रेंडु प्रक्रिया आंदू - उंदी विशिष्ट तल सामान्य बगिल दायना, ओसो दूसरा सामान्य तल विशिष्ट बगिल दायना। इद्रम मानव ज्ञान हमेशा, बार-बार चक्का लेक्का तिरियसोर दांता, ओसो हर घुमाव संगे (अद वैज्ञानिक रीति संगे पूरा कलित्तेके) मानेयना ज्ञान उंदी कदम मुन्ने दांता ओसो इद्रम वेल्ले गहन आसोर दांता। मना कठमुल्लावादी लोक्कुर गलती कींतोर अगा उंदी बगिल ओरु अंतरविरोध ता सार्वभौमिकता ओसो विभिन्न वस्तु ता सामान्य मूलवस्तु किन पर्याप्त रूप ते पुंदाना मुन्ने मनाकिन अंतरविरोध ता विशिष्टता ता अध्ययन किया लागिथर: दूसरा बगिल ओरु वस्तुना सामान्य मूलवस्तु किन पुत्ता पेरके मनम इंजे एवनल गहन अध्ययन हिल्ला या इंजे पूना-पूना पुटसी मंदाना ठोस वस्तु ना अध्ययन बगिल दायाना इंजी समझेमाया परवोर। मना कठमुल्लावादी लोक्कुर कामचोर (लंडा) मंदितोर। ओरु ठोस रूप वस्तुना वेल्ले मेहनत संगे अध्ययन कियाला इनकार कींतोर, ओसो सामान्य सत्य किन पोरो तल अरता लेक्का हूंडितोर, तानकिन विशुद्ध अमूर्त फार्मूलांग लोप्पा बदले किंतोर, अद लोक्कुर किन समझेमायो आंतांगा। इद्रम आसि ओरु सत्य एवनल दायना सामान्य क्रम किन उलटे किनतोर बद संगे मानव सत्य एवनल दांतोरो, ओसो तानकिन इनकार वेन्ने किंतोर। ओरु मानव ना ज्ञानप्राप्त ता रेंडु प्रक्रिया - विशिष्ट तल सामान्य ओसो सामान्य तल विशिष्ट बगिल अग्रसर आयना प्रक्रिया- अंतरविरोध किन समझे माया परोवो आतोर। ओरु मार्क्सवाद ता ज्ञान-सिद्धांत किन बिल्कुल समझेमाया परवोर।

पदार्थ ता गति ता रूप ता हर बेहरा “प्रणाली लोप्पा मंदाना विशिष्ट अंतरविरोध ओसो अव अन्तरवरोध तल निर्धारित मूलवस्तु ता अध्ययन कियाना जरूरी मंदिता, पदार्थ ता गति हर रूप ता विकास ता लम्बा समय लोप्पा अद हर प्रक्रिया ता विशिष्ट अंतरविरोध ओसो मूलवस्तु ता वेन्ने अध्ययन कियाना जरूरी मंता।” गति हर रूप लोप्पा विकास ता वास्तविक

मंदाना हर प्रक्रिया (काल्पनिक आयवा), गुणात्मक रूप ते अलग मंदिता। अपना अध्ययन लोप्पा माटु इदे पोल्लो पोरु जोर हियाना ओसो इदिनागडले शुरू कियाना।

गुणात्मक रूप ते अलग मंदना अंतरविरोध किन केवल गुणात्मक रूप ते अलग मंदना तरिकांग संगेने हल कियमूडांता। उदाहरण काजे सर्वहारा वर्ग ओसो पूंजीपति वर्ग नडमा ता अंतरविरोध किन समाजवादी क्रांति ता तरीका ते हल कियमूडांता; विशाल जन-समुदाय ओसो सामंती व्यवस्था नडमा ता अंतरविरोध किन जनवादी क्रांति ता तरीका ते हल कियाना; उपनिवेश ओसो साम्राज्यवाद नडमा अंतरविरोध किन राष्ट्रीय क्रांतिकारी युद्ध ता तरीका ते हल कियाना; समाजवादी समाज लोप्पा मजदूर वर्ग ओसो किसान वर्ग नडमा ता अंतरविरोध किन कृषि ता सामूहीकरण ओसो मशीनीकरण ता तरीका ते हल कियाना। कम्युनिस्ट पार्टी लोप्पा टा अंतरविरोध किन आलोचना ओस आत्मालोचना ता तरीका ते हल कियमूडांता; समाज ओसो प्रकृति नडमा ता अंतरविरोध किन उत्पादन शक्तिना विकास कियाना तरीका ते हल कियाना आंता। प्रक्रिया बदलेमांता, पाडना प्रक्रिया ओसो पाडना अंतरविरोध खत्म आंता। पूना प्रक्रिया ओसो पूना अंतरविरोध पुटिता, ओसो अविना अनुसार अंतरविरोध किन हल कियाना तरीका वेन्ने अलग-अलग मंता। रूस लोप्पा फरवरी क्रांति ओसो अक्तूबर क्रांति हल कीता अंतरविरोध उंदी दूसरा तल मूल रूप ते अलग मत्ता ओसो अविन हल कियाना तरीका वेन्ने मूल रूप ते अलग मत्ता। अलग-अलग अंतरविरोध किन हल कियाला काजे अलग-अलग तरीका किन इस्तेमाल कियाना उसूल किन मार्क्सवादी-लेनिनवादीर सख्ती ते कियाना। कठमुल्लावादी इद उसूल ता पालन कीवोर; ओरू विभिन्न क्रांति ना परिस्थिति वेन्ने अलग मंता इंजी समझेमायोर आंतोर, अदिन काजे ओरू अलग-अलग अंतरविरोध किन हल कियाला काजे अलग-अलग तरीका किन इस्तेमाल कियाना इंजी समझेमायोर; तीना विपरित ओरू हमेशा उंदी फार्मूला किन लागू कियानोर अदिन ओरू अपरिवर्तनीय समझेमायोनोर ओसो अदिन बिना आल्सवा लेवा हर जाग लागू कींतोर, अद्रमासी क्रांति किन नुकसान कींतोर या मुन्ने बद काम किन बेस कियमूडांता अद गडबडघोटाला ते अरिंता।

बदे वस्तु ता विकास ता प्रक्रिया लोप्पा अंतरविरोध ता विशिष्टता किन समग्रता, अविना अन्तर-सम्बन्ध ता वेड्च ते तोहाला काजे इत्तेके अद वस्तु ता विकास ता प्रक्रिया ता मूलवस्तु किन तोहाला काजे माटु अद प्रक्रिया ता हर अन्तविरोध ता रेंडु पहलू ता विशिष्टता किन तोहा लागियर; लेवके प्रक्रिया ता मूलवस्तु किन तोहाना मुशिकल आंता। मनम मना अध्ययन लोप्पा वेल्ले ध्यान हियाना जरूरत मंता।

बदे वेन्ने बेहरा वस्तु ता विकास ता प्रक्रिया लोप्पा वेल्ले अंतरविरोध मंदिता। उदाहरण काजे चीन ता पूंजीवादी-जनवादी क्रांति ता प्रक्रिया लोप्पा टा परिस्थिति वेल्ले जटिल मंता, चीनी समाज ता सब्बे उत्पीडित वर्ग ओसो साम्राज्यवाद ता बाकी ता अंतरविरोध मंता, विशाल जन-समुदाय ओसो सामंती व्यवस्था नडमा अंतरविरोध मंता, सर्वहारा वर्ग ओसो पूंजीपति वर्ग नडमा अंतरविरोध मंता, उंदी बगिल किसान ओसो शहरी निम्न-पूंजीपति वर्ग ओसो दूसरा बगिल पूंजीपति वर्ग नडमा अंतरविरोध मंता, विभिन्न प्रतिक्रियावादी शासक ग्रुप नडमा अंतरविरोध मंता। इव सब्बे अंतरविरोध ता तन्ना-तन्ना विशिष्टतांग मंतांग ओसो अदिन काजे अविन उंदी तराजू ते कोल्समुजड आयो। हर अंतरविरोध ता रेंडु पहलू ना वेन्ने तन्ना-तन्ना विशिष्टता मंदिता ओसो अदिन काजे अविन वेन्ने उंदी लेक्का समझेमायना आयो । चीनी क्रांति काजे काम कियानोर किन केवल अंतरविरोध ता विशिष्टता किन अविना समग्रता, इत्तेके अविना अन्तर-सम्बन्ध ता वेड्च ते समझेमायाना, माटु अंतरविरोध ता समग्रता किन केवल हर अंतरविरोध ता रेंडु पहलू ता अध्ययन कितास्केने समझेमाया परितोमा। बदे अंतरविरोध ता रेंडु पहलू ता अध्ययन कियाना, बदे अंतरविरोध ता हर पहलू किन समझेमायना इत्तेके हर पहलू ता विशिष्ट परिस्थिति बातल मंता, हर पहलू बद ठोस रूप ते तन्ना विपरित पहलू संगे अन्तर-निर्भरता ओसो अंतरविरोध ता सम्बन्ध तासिंता, ओसो अन्तर-निर्भरता, अंतरविरोध ता सम्बन्ध तासना लोप्पा ओसो अन्तर-निर्भरता ता खंडित आयाना हर पहलू तन्ना विपरित पहलू ता खिलाफ बद ठोस तरीका ते संघर्ष ताकि कींता। इव समस्या ना अध्ययन कियाना वेल्ले महत्वपूर्ण मंता। लेनिन ठोस परिस्थिति ना ठोस रूप ते विश्लेषण कियानाए मार्क्सवाद ता सबसे मूलभूत वस्तु आंदू इंजी वेहतोर,¹⁰ अस्के ओर इदे विचार किन वेहचोरे मत्तोर। मना कठमुल्लावादी लोक्कुर लेनिन

ना शिक्षा कुना विरुद्ध ताकिंतोर; ओरु बस्केने वस्तु ता ठोस वेश्लेषण कियाना लोप्पा तन्ना दिमाग इस्तेमाल किसी काम कीवोर, तन्ना लेख ओसो भाषण लोप्पा ओरु हमेशा घिसीपिटी शैली ता इस्तेमाल कींतोर, ताना लोप्पा विषय-वस्तु ता बिल्कुल कमी मंदिता, ओसो इद्रम ओरु मना पार्टी लोप्पा उंदी वेल्ले गलत कार्यशैली किन पुटी कींतोर।

बदे समस्या ता अध्ययन कियानास्के मनोगतवाद, एकांगीपन ओसो उथलेपन तल बचेमायना। मनोगतवाद इत्तेके समस्या किन वस्तुगत तरीका ते हूडवा मंदना, इत्तेके अविन हूडानास्के भौतिकवादी दृष्टिकोण ता इस्तेमाल किवा मंदाना। इद समस्या पोरो नन्ना “व्यवहार ता बारे ते” इंदाना लेख लोप्पा विचार कित्ताना। एकांगीपन इत्तेके समस्या किन सर्वांगीण रूप ते हूडवा मंदाना। उदाहरण काजे केवल चीन किन समझेमायना, जनता किन विडिचियाना, केवल कम्युनिस्ट पार्टी किन समझेमायना, मति क्वोमिंगतांग किन आयो; केवल सर्वहारा वर्ग किन समझेमायना, मति पूंजीपति वर्ग आयो; केवल किसान लोर किन समझेमायना, मति जमींदार किन आयो; केवल अनुकूल परिस्थिति किन समझेमायना, मति प्रतिकूल परिस्थिति किन आयो; केवल हत्ता कालम किन समझेमायना, मति वायना कालम किन आयो; केवल अलग-अलग अंश किन समझेमायना, मति सम्पूर्ण किन आयो; केवल कमी किन समझेमायना, मति उपलब्धि किन आयो; केवल अभियोक्ता किन समझेमायना, मति अभियुक्त किन आयो; केवल भूमिगत क्रांतिकारी काम किन समझेमायना, मति खुला क्रांतिकारी काम किन आयो; लेक्कटवा उंदी शब्द लोप्पा तीना अर्थ बदे अंतरविरोध ता रेंडु पहलू ना विशिष्टता किन समझेमायना मंदाना। इदिन किन समस्या ना एकांगी तरीका ते हूडाना इंतोर। लेवेके सम्पूर्ण वस्तु किन हूडवा लेवा केवल बदे उंदी अंग किन हूडाना, जंगल किन हूडवा लेवा केवल मरी किन हूडाना। अदिन काजे अंतरविरोध किन हला कियाना तरीका ता खोज कियाना असम्भव आंता। क्रांति ता काम किन पूरा कियाना, जिम्मेदारी किन सही तरीका ते निभे कियाना, ओसो पार्टी लोप्पा विचारधारात्मक संघर्ष सही तरीका ते ताकाना असम्भव आंता। युद्ध-विज्ञान ता चर्चा कियानास्के सुन ऊ चि वेहची मत्तोर - “दुश्मन किन चिनेमायना ओसो खुद किन चिनेमायना, अस्केने मीटु हार ता खतरा ता सामना कियवा लेवा सैकड़ों लड़ाइंग लड़ेमाया परिंतिर।”¹¹

ओरु युद्ध कियाना रेंडु पक्ष ना चर्चा किसोर मत्तोर। थांग वंश ता वेइ चंग¹² वेन्ने एकांगीपन ता गलती किन समझेमायनोर। ओरु वेहतोर “रेंडु पक्ष ना पोल्लोग केंजतेके मीवा समझदारी बेरसिंता, मति केवल उंदे पक्ष ता पोल्लो पोरो विश्वास कितेके मीवा दिमाग खराब आंता।” मति मना कामरेड्स हमेशा समस्यांग किन एकांगी तरीका ते हूडितोर ओसो अदिन काजे ओरु हमेशा धोका तितोर। “श्वेइ हू च्वान” पोरोल ता उपन्यास लोप्पा सुंग च्यांग मूंडु बेरांग चू नार पोरो हमला कींतोर¹³ ओसो रेंडु बेरा हारेमांतोर, बारांकु इत्तेके ओनकिन स्थानीय परिस्थिति ता जानकारी मन्नो आंता, ओसो ओरु गलत तरीका लागू कितोर। पेरके ओरु तन्ना तरीका किन बदले कितोर; मुन्ने ओरु परिस्थिति ता जांच कितोर, ओसो लेसी कियाना हरीं ना खोज कितोर, ताना पेरके ओरु ली, हू ओसो चू नाहकुना गठजोड़ किन छिन्न-भिन्न कितोर ओसो उंदी विदेशी कहानी लोप्पाटा ट्रोजन हार्स लेक्कटा चाल संगे तन्ना सैनिक लोर किन भेष बदले किसी गुप्त रूप ते दुश्मन ना शिविर लोप्पा नेंगि कितोर। ताना पेरके तीसरी मूठभेड़ लोप्पा ओरु सफलता दोरकी कितोर। “श्वेइ हू च्वान” लोप्पा भौतिकवाद द्वन्द्ववाद ता वेल्ले उदाहरण मंतांग, ताना लोप्पा चू नार पोरो मूंडु बेरा हमला कियाना घटना किन उंदी बेसता उदाहरण मानेमायमूडांता। लेनिन वेहतोर:

.....बदे पदार्थ किन सही तरीका ते पुंदाला काजे माटु सब्बे पहलू, सब्बे संबंध ओसो सब्बे “माध्यम” कि लागू कियाना आंता, ताना अध्ययन कियाना आंता। मति इद्रम पूर्ण रूप ते बस्केने किया परवोम, मति सर्वांगीणता माकिन गलितंग ओसो गैर लचीलापन तल बचे कींता।¹⁴

माटु लेनिन ना शब्द किन सुरता तासना। उथलेपन ता मतलब इत्तेके अन्तरविरोध किन समग्रता ता विशिष्टता पोरो विचार किवा मंदना ओसो हर अंतरविरोध ता रेंडू पहलू ना विशिष्टता पोरो विचार किवा मंदना इत्तेके बदे वस्तु ता वेल्ले गहराई ते छानबीन कियाना ओसो ताना अंतरविरोध ता विशिष्टता ता वेल्ले बारीकी ते अध्ययन कियाना जरूरत किन इनकार कींतोर, ओसो अविना पोरो केवल जेक तल उंदी कोंडा हूडिसी केवल अविना रूपरेखा पोरो कोंडा वाटसी हर कियाना (बदे सवाल ता उत्तर हियाना, बदे विवाद किन निपटे कियाना, बदे काम किन पूरा कियाना, ओसो बदे फौजी कार्यवाही ता निर्देशन कियाना) कोशिश कियाना शुरू कींतोर। इद्रम काम कियाना तरीका मना किन

जरूर झंझट ते वाटिंता। चीनी कठमुल्लावादी ओसो अनुभववादी कामरेड्स लोर इद्रम ता गलतिंग कित्तोर, बारांकु इत्तेके ओरु वस्तु ना मनोगत, एकांगी ओसो उथले तरीका ते हूडाना। एकांगीपन ओसो उथलापन रेंडु मनोगतवादे आंदू। मति सब्बे वस्तुगत पदार्थ असल ते उंदी दूसरा संगे सम्बंध ओसो लोप्पाटा नियम संगे नियंत्रत मंदिता, उचुन मुल वस्तू किन सही रूप ते प्रतिबिम्बित कियाना जागा ते केवल एकांगी या उथलेपन ते हूडिंतोर ओसो अविना लोप्पाटा संबंध किन समझेमायो आंतोर ओसो अविना लोप्पाटा नियम किन वेन्ने समझे मायो आंतोर, इद्रम ओरा तरीका मनोगतवादी आंता।

माटू बदे वस्तु ता विकास ता सम्पूर्ण प्रक्रिया ताकनास्के ताना अंतरविरोध ता गति, अविना लोप्पाटा संबंध ओसो अविना हर पहली ता विशिष्टता पोरो ध्यान हियाना, संगे-संगे विकास ता प्रक्रिया लोप्पा हर मंजिल ता वेन्ने विशिष्टता मंदिता, इदना पोरो वेन्ने ध्यान हिया लागिंता।

बदे वस्तु ता विकास ता प्रक्रिया लोप्पा मंदाना मूल अंतरविरोध ओसो मूल अंतरविरोध निर्धारित आयना प्रक्रिया ता मूलवस्तु अस्के एवनल खत्म आयो आंता, बस्के एवनल अद प्रक्रिया पूरा आयो आंता; मति बदे वस्तु ता विकास ता लम्बी प्रक्रिया लोप्पा हर मंजिल ता परिस्थिति हमेशा दूसरा मंजिल तुकू अलग मंदिता। इद्रम बारांकु मंता इत्तेके, बदे वस्तु ता विकास ता प्रक्रिया लोप्पा मंदाना मूल अंतरविरोध ता स्वरूप ओसो अद प्रक्रिया ता मूलवस्तु बदलेमायो आंता, मति अद्रम आतेकाई विकास ता लम्बा प्रक्रिया ता विभिन्न मंजिल लोप्पा मूल अंतरविरोध लगातार उग्र रूप धारण कीसोर दांता। इदे आयवा मूल अन्तरविरोध संगे निर्धारित या प्रभावित आयना बचोनो सुडला-बेहरा अंतरविरोध लोप्पाडल उचुन अंतरविरोध उग्र रूप धारण कींता, उचुन अस्थाई ओसो आंशिक रूप ते हल आंता, ओसो उचुन पूना अंतरविरोध मुन्ने वांता; अदिन काजे इद प्रक्रिया अलग-अलग मंजिल किन वेंडसोरे प्रकट आंता। लोकुर बदे वस्तु ता विकास ता प्रक्रिया लोप्पा ताना विभिन्न मंजिल कुना बगिल ध्यान हीवोर आंतोर अस्के ओरु अद अंतरविरोध किन सही तरीका ते हल क्रिया परवोर आंतोर।

उदाहरण काजे खुली पोटी (free competition) ता युग ता पूंजीवाद विकसित आसी साम्राज्यवाद ता रूप धारण कींता अस्के मूल अंतरविरोध

मंदाना रेंडु वर्ग, इत्तेके सर्वहारा वर्ग ओसो पूंजीपति वर्ग ता वर्ग-स्वरूप लोप्पा, या इद्रम ता समाज ता पूंजीवादी मूलवस्तु लोप्पा बदे बदलाव आयो; मति इव रेंडु वर्ग नडमा ता अंतरविरोध उग्र रूप धारण कींता, इजारेदार पूंजीवाद ओसो गैर-इजारेदार पूंजीवाद नडमा ता अंतरविरोध ओसो वेल्ले उग्र आंता, ओसो पूंजीवादी देश ता नडमा अंतरविरोध इत्तेके अविना असमान विकास ता कारण ते पुटता अंतरविरोध, खासकर उग्र रूप ते प्रकट आंता, ओसो इद्रम पूंजीवाद ता विशेष मंजिल, साम्राज्यवाद ता मंजिल ता उदय आंता। लेनिनवाद साम्राज्यवाद ओसो सर्वहारा क्रांति ता युग ता मार्क्सवाद बारांकु मंता इत्तेके लेनिन ओसो स्तालिन अव अंतरविरोध किन सही तरीका ते वेहतोर ओसो अविन हल कियाला काजे सर्वहारा क्रांति ता सही सिद्धांत ओसो कार्यनीति पंडतोर।

चीन ता पूंजीवादी-जनवादी क्रांति, अदिना शुरूआत 1911 ता क्रांति संगे आसी मत्ता, ताना प्रक्रिया किन हूडाटू. ताना वेन्ने वेल्ले मंजिल मंदिंतांगा खासकर पूंजीपति वर्ग ता नेतृत्व-काल लोप्पा क्रांति ता मंजिल ओसो सर्वहारा नेतृत्व-काल लोप्पा क्रांति ता मंजिल क्रांति ता रेंडु वेल्ले अलग ऐतिहासिक मंजिल ता प्रतिनिधित्व कींता। दूसरा शब्द ते, सर्वहारा नेतृत्व क्रांति ता रूप किन मूल रूप ते बदले कीता, वर्ग-संबंध ता उंदी पूना सहयोग बने कित्ता, किसान क्रांति लोप्पा जबरदस्त उभार पैदा कीता, साम्राज्यवाद ओसो सामंतवाद ता विरुद्ध क्रांति ता शुरूआत कीता, जनवादी क्रांति तल समाजवादी क्रांति लोप्पा संक्रमण कियाना सम्भावना किन पुट्टी कीता, लेक्काटवा इव सब्बे अद कालम ते सम्भव हिल्ला मत्ता, क्रांति ता नेतृत्व पूंजीपति वर्ग कैदे मत्ता। सम्पूर्ण प्रक्रिया ता मूल अंतरविरोध ता स्वरूप लोप्पा बदे बदलाव आताद हिल्ले, इत्तेके प्रक्रिया ता साम्राज्यवाद-विरोधी, सामंतवाद-विरोधी, जनवादी-क्रांतिकारी स्वरूप ते (ताना विपरित तत्व अर्ध-औपनिवेशिक, अर्ध-सामंती स्वरूप आंदू) बदे बदलाव आयो, मति बीस साल तुकू ज्यादा समय इद प्रक्रिया ता वेल्ले मंजिल किन वेंडता, इद काल ते बचोनो बेहरा घटनांग घटेमाता - 1911 ता क्रांति ता असफलता ओसो उत्तरी युद्ध-सरदार ता शासन ता स्थापना, प्रथम राष्ट्रीय संयुक्त मोर्चा ता स्थापना ओसो 1924-27 ता क्रांति, संयुक्त मोर्चा ता विघटन ओसो पूंजीपति वर्ग ता प्रतिक्रान्तिकारी शिविर लोप्पा पलायन, पूना युद्ध-सरदार नडमा ता लडाइंग, भूमि-क्रांति युद्ध, द्वितीय राष्ट्रीय संयुक्त मोर्चा ता

स्थापना ओसो जापान-आक्रमण-विरोधी युद्ध इव मंजिल कुना विशेषतांग मुन्ने रास्ता लेक्का मंतांगः उचन अंतरविरोध ता वेल्ले उग्र रूप धारण कियाना (उदाहरण काजे भूमि-क्रांति युद्ध ओसो चार उत्तर-पूर्वी प्रान्त पोरो जापानी अतिक्रमण), उचुन अंतरविरोध ता आंशिक या अस्थाई रूप ते हल आयना (उदाहरण काजे उत्तरी युद्ध-सरदरा लोरा खात्मा ओसो मनम जमींदार लोरा जमीन जब्त कियाना), ओसो उचुन दूसरा अंतरविरोध ता प्रकट आयना (उदाहरण काजे पूना युद्ध-सरदार लोरा नडमा संघर्ष, मना कैदल दक्षिण ता क्रांतिकारी आधार-क्षेत्र हत्तास्के जमीन पोरो दोबार कब्जा कियाना)।

बदे वस्तु ता विकास ता प्रक्रिया लोप्पा हर मंजिल पोरो अंतरविरोध ता विशिष्टता ना अध्ययन कियानास्के मनम केवल अविन इव अन्तविरधकुना लोप्पाटा संबंध ओसो इविना समग्रता लोप्पा हूडानाए आयवा हर मंजिल लोप्पा मंदाना हर अंतरविरोध ता रेंडु पहलू किन वेन्ने हूडाना।

उदाहरण काजे क्वोमिंगतांग ओसो कम्युनिस्ट पार्टी किन हूडाटु। ताना उंदी पहलू क्वोमिंगतांग किन हूडाटु। प्रथम संयुक्त मोर्चा ता काल ते क्वोमिंगतांग रूस संगे एकता, कम्युनिस्ट पार्टी संगे सहयोग ओसो मजदूर-किसान लोरा सहायता, सुन यात-सेन ना मूंडु महान नीतिंग पोरो अमल कीतोर, अदिन काजे अद क्रांतिकारी ओसो शक्तिशाली रूप ते कीताद मत्ता, अद जानकारी क्रांति काजे विभिन्न वर्ग ता एकता बनेमाता। मति 1927 तल क्वोमिंगतांग तन्ना विपरित तत्व लोप्पा बदलेमासी जमींदार वर्ग ओसो बड़े पूंजीपति वर्ग ता प्रतिक्रियावादी ग्रुप बनेमाता। दिसम्बर 1936 लोप्पा शीआन घटना पेरके ताना लोप्पा गृहयुद्ध किन बंद कियाना ओसो जापानी साम्रज्यवाद ता संयुक्त रूप ते विरोध कियाला काजे कम्युनिस्ट पार्टी संगे सहयोग कियाना दिशा ते बदलेमायना शुरू आंता। अदिन काजे मूंडु मंजिलकुना लोप्पा क्वोमिंगतांग ता विशिष्टतांग। इदिना लोप्पा बदे डावुट हिल्ले, इव विशिष्टतांग विभिन्न कारण ते पुटतांग। इंजे माटु दूसरा पहलू, चीनी कम्युनिस्ट पार्टी किन हूडाकाल। प्रथम संयुक्त मोर्चा ता कालम लोप्पा चीनी कम्युनिस्ट पार्टी पुटना अवस्था लोप्पा मत्ताः 1924-27 ता क्रांति ता हिम्मत संगे नेतृत्व कितोर, मति क्रांति ता स्वरूप, ताना काम ओसो तरीका ता बारे ते ताना समझदारी ता बारे ते, मना परिपक्वता ता परिचय हीता ओसो छन तू-श्यूवाद, इद क्रांति ता उत्तरार्ध लोप्पा

प्रकट आसी मत्ता, तन्ना असर वाटना ओसो इद क्रांति किन असफल कियाना लोप्पा सफल आता। 1927 तल कम्युनिस्ट पार्टी भूमि-क्रांति युद्ध ता साहस संगे नेतृत्व कीता ओसो क्रांतिकारी फौज ओसो क्रांतिकारी आधार-क्षेत्र ना स्थापना कीता; मति अद दुस्साहसवाद ता गलतिंग वेन्ने कीता, ताना लोप्पा फौज ओसो आधार-क्षेत्र रेंडासी किन वेल्ल नुकसान आता। 1935 तल पार्टी तन्ना गलतिंग किन सुधरे कीता ओसो जापान-विरोधी पूना संयुक्त मोर्चा ता नेतृत्व किया मंता; इद महान संघर्ष इंजे विकसित आया मंता। वर्तमान मंजिल लोप्पा कम्युनिस्ट पार्टी उंदी रेंडु क्रांति ना परीक्षा किन पार कीता पार्टी आंदू ओसो अद समृद्ध अनुभव दोरकी कीता। अदिन काजे इव मूंड मंजिल लोप्पा चीनी कम्युनिस्ट पार्टी ता विशिष्टतांग मंता। इव विशिष्टतांग वेन्ने विभिन्न कारण कुनगडल पुटतांगा। इव रेंडासी रकम ता विशिष्टता ना अध्यायन कियवा लेवा माटु विकास ता विभिन्न मंजिल लोप्पा रेंडु पार्टी ना विशिष्ट संबंध किन- इत्तेके संयुक्त मोर्चा ता स्थापना, संयुक्त मोर्चा ता विघटन, ओसो उंदी दूसरा संयुक्त मोर्चा ता स्थापना किन समझेमाया परवोम। इदे आयवा रेंडु पार्टी ना विशिष्टता ता अध्यायन कियाला काजे सबसे ज्यादा बुनियादी पोल्लो मना किन रेंडु पार्टी ना वर्ग-आधार ता ओसो ताना कारण ते अव रेंडिना लोप्पा हर पार्टी ओसो दूसरा ताकत कुना नडमा विभिन्न काल ते पुटना अंतरविरोध कुना अध्ययन कियाना मंता। उदाहरण काजे कम्युनिस्ट पार्टी संगे मुन्ने सहयोग कियानास्के क्वोमिंगतांग ता उंदी बगिल विदेशी साम्राज्यवाद संगे अंतरविरोध मत्ता, अदिन काजे अद साम्राज्यवाद-विरोधी मत्ता) दूसरा बगिल तन्ना देश लोप्पा विशाल जन-समुदाय संगे अंतरविरोध मत्ता, मति मेहनतकश जनता किन वेल्ले सुविधांग हियाना अंगडम ता पोल्लोंग कीता, मति असल ते अद वेल्ले सुविधांग हीता या बिल्कुले हीवो। अस्के क्वोमिंगतांग अंतरविरोध कम्युनिस्ट-विरोधी युद्ध ताकसोरे मत्ता, अद विशाल जनता जन-समुदाय ता विरुद्ध साम्राज्यवाद ओसो सामंतवाद संगे गठजोड किता अनि क्रांति लोप्पा विशाल जन-समुदाय हासिल कीता सुविधांग किन खत्म कीता ओसो विशाल जन-समुदाय संगे तन्ना अंतरविरोध किन उग्र बने कीता। जापानी-आक्रमण-विरोधी युद्ध ता वर्तमान काल लोप्पा जापानी साम्राज्यवाद संगे अंतरविरोध मंदाना क्वोमिंगतांग पार्टी उंदी बगिल कम्युनिस्ट पार्टी सहयोग कियाला आल्सा मंता, मति दूसरा बगिल

कम्युनिस्ट पार्टी ओसो चीनी जनता ना विरुद्ध तन्ना संघर्ष ते ओसो ओरा दमन लोप्पा उचुन वेन्ने वायला हिवो। कम्युनिस्ट पार्टी हमेशा, हर समय ते साम्राज्यवाद ओसो सामंतवाद ता विरुद्ध विशाल जन-समुदाय ता साथ हीता, मति जापानी-आक्रमण-विरोधी युद्ध ता वर्तमान काल ते क्वोमिंगतांग पार्टी जापान ता प्रतिरोध कियाना तन्ना हक ते मंता इंजी तोहचिता अदिन काजे कम्युनिस्ट पार्टी ताना बगिल ओसो स्थानीय सामंती ताकत कुना बगिल उंदी नरम नीति लागू कीता। इव परिस्थितिं रेंडु पार्टी ना नड़मा बस्के एकता, बस्के ने संघर्ष किन पुटी कीतांग ओसो एकता आयनास्के वेन्ने परिस्थिति वेल्ले जटिल मत्तांग, अविना लोप्पा एकता ओसो संघर्ष संगे-संगे ताकोसोर मत्तांग। माटु अंतरविरोध ता रेंडु पहलू ना विशिष्टता ना अध्ययन कीवोम आंतोम अस्के केवल रेंडु पार्टी लोप्पाटल उंदी पक्ष ओसो दूसरा ताकत कुना नड़मा ता संबंध किन समझेमाया परवोम ओसो रेंडु पार्टी ना नड़मा ता संबंध किन वेन्ने समझेमायना लोप्पा मुशिकल आयार।

इद हिसाब ते बदे वेन्ने अंतरविरोध-पदार्थ ता नीति ता हर रूप लोप्पा मंदाना अंतरविरोध, गति ता हर रूप ता विकास ता हर प्रक्रिया लोप्पा मंदाना अंतरविरोध, विकास ता हर प्रक्रिया लोप्पा मंदाना हर अंतरविरोध ता रेंडु पहलू, विकास ता हर प्रक्रिया ता हर मंजिल लोप्पा मंदाना अंतरविरोध ओसो विकास ता हर मंजिल लोप्पा मंदाना हर अंतरविरोध ता रेंडु पहलू ना विशिष्टता ता अध्ययन कियानास्के - इत्तेके सब्बे अंतरविरोध कुना विशिष्टता ना अध्ययन कियानास्के मना किन मनोगतवादी स्वेच्छाचारिता तल पूरा मुक्त मंदा लागिता ओसो अविना ठोस विश्लेषण कियाना। ठोस विश्लेषण किवा लेवा बदे वेन्ने अंतरविरोध ता विशिष्टता ता बारे ते बदे जानाकरी हासिल कियमूडायो। मना किन लेनिन ना पोल्लोंग किन हमेशा सुरता तासना: ठोस वस्तु ना ठोस विश्लेषण।

सबसे मुन्ने मार्क्स ओसो एंगेल्स मना किन ठोस विश्लेषण ता बेस ता उदाहरण तोहतोरा।

मार्क्स ओसो एंगेल्स वस्तु लोप्पा मंदाना अंतरविरोध ता नियम किन सामाजिक-ऐतिहासिक प्रक्रिया ता अध्ययन पोरो लागू कित्तोर अस्के ओरु उत्पादन शक्ति ओसो उत्पादन-सम्बंध ता नड़मा ता अंतरविरोध ता खोज

कित्तोर, ओरु शोषक वर्ग ओसो शोषित वर्ग नडमा ता अंतरविरोध किन परहकतोर, ओसो इव अंतरविरोध कुनागडल पुटना आर्थिक आधार ओसो ऊपरी ढांचा (राजनीति, विचारधारा) नडमा ता अंतरविरोध किन परहकतोर, ओसो ओरु इव अंतरविरोध अलग-अलग वर्ग-समाज लोप्पा बद्रम अनिवार्य रूप ते अलग-अलग सामाजिक क्रांति किन पुटी कींतांग इंजी परहकतोर।

मार्क्स इद नियम किन पूंजीवादी समाज ता आर्थिक रचना-विधान ता अध्ययन पोरो लागू कीतास्के ओरु इद समाज ता मूल अंतरविरोध उत्पादन ता सामाजिक स्वरूप ओसो मिलकियत ता निजी स्वरूप नडमा ता अंतरविरोध किन हूडतोर। इद अंतरविरोध ता अभिव्यक्ति अलग-अलग कारोबार लोप्पा उत्पादन ता संगठित स्वरूप ओसो पूरा समाज लोप्पाटा उत्पादन ता असंगठित स्वरूप नडमा ता अंतरविरोध लोप्पा मंता। वर्ग-सम्बंध ता दृष्टि ते तीना अभिव्यक्ति पूंजीपति वर्ग ओसो सर्वहारा वर्ग नडमा ता अंतरविरोध लोप्पा मंदिता।

वस्तु ता दायरा वेल्ले विस्तृत मंदिता ओसो ताना विकास ता बदे हंदी मन्नो आंता, अदिन काजे उंदी वेशेष स्थिति लोप्पा सार्वभौमिकता लेक्का मंदिता, अदे पोल्लो दूसरा विशेष स्थिति लोप्पा विशिष्टता लेक्का बदलेमांता। तीना विपरित उंदी विशेष स्थिति लोप्पा बद पोल्लो विशिष्टता लेक्का मंदिता अदे दूसरा विशेष स्थिति लोप्पा सार्वभौमिकता लेक्का बनेमांता। पूंजीवादी व्यवस्था लोप्पा उत्पादन ता सामाजिक स्वरूप ओसो उत्पादन ता साधन पोरो निजी मिलकियत नडमा बद अंतरविरोध मंता, अद पूंजीवाद अस्तित्व ते मंदाना सब्बे देश कुना लोप्पा समान रूप ते मंदिता ओसो विकास आसोरे मंदिता। पूंजीवाद काजे अंतरविरोध ता सार्वभौमिकता तीना लोप्पाने मंदिता। मति पूंजीवाद ता इद अंतरविरोध वर्ग-समाज ता आम विकास ता उंदी विशेष ऐतिहासिक मंजिल ता चीज आंदू, पूरा वर्ग-समाज लोप्पा उत्पादन शक्ति ओसो उत्पादन-सम्बंध ता नडमा ता अंतरविरोध, अंतरविरोध ता विशिष्टता आंदू। मति पूंजीवादी समाज लोप्पा इव सब्बे अंतरविरोध कुना विश्लेषण किसी अविना विशिष्टता किन स्पष्ट किसोरे, कामरेड मार्क्स वेल्ले गहराई ते ओसो वेन्ने विशिष्ट रूप ते ओसो पूर्णता संगे वर्ग-समाज लोप्पा मंदाना उत्पादन शक्ति ओसो उत्पादन-संबंध नडमा ता अंतरविरोध ना सार्वभौमिकता तुन तोहतोर।

विशिष्ट ता संबंध सामान्य संगे मंदिता ओसो अंतरविरोध ता विशिष्टता संगे-संगे सार्वभौमिकता वेन्ने हर वस्तु लोप्पा मंदिता, ओसो सार्वभौमिकता विशिष्टता लोप्पा मंदिता, अदिन काजे बदे वस्तु ता अध्ययन कियानास्के मना किन अद वस्तु लोप्पा टा विशिष्टता ओसो सार्वभौमिकता ता ओसो ताना लोप्पाटा संबंध ता खोज कियाना कोशिश कियाना। अद वस्तु ता ओसो ताना बाहर ते बचोनो वस्तु ना लोप्पाटा संबंध किन खोज कियाना वेन्ने कोशिश कियाना। स्तालिन तन्ना रचना “लेनिनवाद के आधारभूत सिद्धांत” लोप्पा लेनिनवाद ता ऐतिहासिक विकास ता बारे ते वेहानास्के, ओरु लेनिनवाद ता जन्म आयना अन्तरराष्ट्रीय परिस्थिति ता विश्लेषण कित्तोर, संगेने ओरु पूंजीवाद ता विभिन्न अंतरविरोध ता वेन्ने विश्लेषण कित्तोर। अव साम्राज्यवाद ता परिस्थिति लोप्पा खत्म आसोरे मत्तांग, ओसो इव अंतरविरोध कु बद्रम सर्वहारा क्रांति ता सवाल किन उंदी फौरी कार्यवाही ता सवाल बने किता इंजी स्पष्ट कित्तोर, ओसो पूंजीवादी पोरो सीधा हमला कियाला काजे अनुकूल परिस्थिति पुटि किता इंजी वेहतोर। इदे आयवा ओरु तन्ना विश्लेषण संगे बद्रम रूस लेनिनवाद की पोषे कीत्ता, जारशाही रूस साम्राज्यवाद ता सब्बे अंतरविरोध कुना केंद्र-बिंदु बनेमाता, ओसो रूस सर्वहारा वर्ग ओसो अन्तरराष्ट्रीय क्रांतिकारी सर्वहारा वर्ग ता हिरावल दस्ता बनेमाता इंजी वेन्ने स्पष्ट कित्तोर। अद्रमे स्तालिन साम्राज्यवाद लोप्पा मंदाना अंतरविरोध ता सार्वभौमिकता ता विश्लेषण कियानास्के, लेनिनवाद साम्राज्यवाद ओसो सर्वहारा क्रांति ता युग ता मार्क्सवाद आंदू इंजी ओसो तीना संगे-संगे ने ओरु साम्राज्यवाद ता आम अंतरविरोध लोप्पा जारशाही रूसी साम्राज्यवाद ता विशिष्टता ता विश्लेषण कीसोरे रूस सर्वहारा क्रांति ता सिद्धांत ओसो कार्यनीति ता जन्मभूमि बद्रम बनेमाता ओसो बद्रम इद्रम ता विशिष्टता लोप्पा अंतरविरोध ता सार्वभौमिकता मंदिता इंजी तोहतोर। स्तालिन ना विश्लेषण अंतरविरोध ता विशिष्टता ओसो सार्वभौमिकता ओसो अविना लोप्पाटा संबंध किन समझेमायाना लोप्पा मना काजे उंदी आदर्श बनेमातांग।

वस्तुगत घटना ना अध्ययन लोप्पा द्वन्द्ववाद किन लागू कियाना सवाल पोरो मार्क्स ओसो एंगेल्स, अद्रमे लेनिन ओसो स्तालिन वेन्ने लोकर किन हमेशा ओरु बदे रकम ता मनोगतवादी स्वेच्छाचारिता किन काम ते तव्वा लेवा,

वास्तविक वस्तुगत गति ता ठोस परिस्थिति नइमा इव घटनांग लोप्पा मांदना ठोस अंतरविरोध किन हर अंतरविरोध ता हर एक पहलू ता ठोस भूमिका किन ओसो अंतरविरोध ता ठोस अन्तर-संबंध किन परहकना इंजी करिहिंतोरा। मना कठमुल्लावादी लोकर तन्ना अध्ययन लोप्पा इद रुझान किन लागू केवो आंतोर ओसो अदिन काजे ओरा बदे पोल्लो बस्केने सही आयो आंता। मना किन ओरा असफलता संगे सबक एतना ओसो पोरोटा रुझान लागू कियाना करियाना, अद अध्ययन ता केवल उंदे सही तरीका मंता।

अंतरविरोध ता सार्वभौमिकता ओसो अंतरविरोध ता विशिष्टता नइमा ता संबंध अंतरविरोध ता सामान्य स्वरूप ओसो व्यक्तिगत स्वरूप नइमा ता संबंध मंता। अंतरविरोध ता सामान्य स्वरूप इत्तेके अंतरविरोध सब्बे प्रक्रिया लोप्पा मंदाना ओसो सब्बे प्रक्रिया ने शुरू तल आखरी एवनल मंदिता, गति, वस्तु, प्रक्रियांग, विचार-इव सब्बे अंतरविरोध आंदू। अंतरविरोध तल इनकार कियाना हर पोल्लो तल इनकार कियाना आंता। इद उंदी सार्वभौमिक सत्य आंदू, सब्बे काल ओसो सब्बे देशकु मानेमांतांग, अदिना बदे अपवाद हिल्ले। अदिन काजे अंतरविरोध ता सामान्य स्वरूप मंदिता, ताना लोप्पा निरपेक्ष मंदिता। मति इद सामान्य स्वरूप हर व्यक्तिगत स्वरूप लोप्पा दोरकी कियमूडांता, बिना व्यक्तिगत स्वरूप ता सामान्य स्वरूप ता अस्तित्व सम्भव हिल्ले। सब्बे व्यक्तिगत स्वरूप किन हटे कीतेके सामान्य स्वरूप बद्रम पिंसिंता? व्यक्तिगत स्वरूप ता रचना बारांकु आंता इत्तेके हर अंतरविरोध विशिष्ट मंदिता। सब्बे व्यक्तिगत स्वरूप ता अस्तित्व परिस्थितिबद्ध ओसो अस्थाई मंदिता, अदिन काजे अव सापेक्ष मंदितांग।

सामान्य स्वरूप ओसो व्यक्तिगत स्वरूप, निरपेक्ष ओसो सापेक्षता ता बारे ते इद सच्चाई वस्तु लोप्पा मंदाना अंतरविरोध ता समस्याता सार आंदू, इद समझेमायवेके द्वन्द्ववाद किन बिडिसमुड़ आंता।

4. प्रधान अंतरविरोध ओसो अंतरविरोध ता प्रधाना पहलू

अंतरविरोध ता विशिष्टता ता समस्या लोप्पा ओसो रेंडु पोल्लो मंतांग अविना उंदी-उंदी किसी विशेष रूप ते विश्लेषण कियाना। अवुः प्रधान अंतरविरोध ओसो अंतरविरोध ता प्रधान पहलू।

बदे वस्तु ता विकास ता जटिल प्रक्रिया लोप्पा वेल्ले अन्तर्विरोध मंदिताः इविना लोप्पा अनिवार्य रूप ते उंदी प्रधान अंतरविरोध मंदिता, इदे ताना अस्तित्व ओसो विकास, दूसरा अंतरविरोध कुना अस्तित्व ओसो विकास किन निर्धारित या प्रभावित कीता।

उदाहरण काजे पूंजीवादी समाज लोप्पा रेंडु अंतरविरोधी ताकत, सर्वहारा वर्ग ओसो पूंजीपति वर्ग नडमा ता अंतरविरोध प्रधान अंतरविरोध मंदिता। दूसरा अंतरविरोध, पिस्ता सामंती वर्ग ओसो पूंजीपति वर्ग नडमा ता अंतरविरोध, निम्न-पूंजीपति वर्ग किसान ओसो पूंजीपति वर्ग ता किसान लोरा नडमा ता अंतरविरोध, सर्वहारा वर्ग ओसो निम्न-पूंजीपति वर्ग ओसो इजारेदार पूंजीपति वर्ग नडमा ता अंतरविरोध, पूंजीवादी जनवाद ओसो पूंजीवादी फासीवाद नडमा ता अंतरविरोध, खुद पूंजीवादी देशकुना नडमा ता अंतरविरोध, साम्राज्यवाद ओसो उपनिवेश नडमा ता अंतरविरोध लेक्काटव इदे प्रधान अंतरविरोध तल निर्धारित या प्रभावित आंता।

चीन लेक्काटा अर्ध-औपनिवेशिक देश लोप्पा प्रधान अंतरविरोध ओसो अप्रधान अंतरविरोध ता नडमा ता संबंध उंदी जटिल परिस्थिति पुटी कीता।

साम्राज्यवाद इद्रम ता देश कुना खिलाफ हमलावर युद्ध शुरू कीता, अस्के अद देश ता विभिन्न वर्ग, उचुन गद्दार लोरकिन विडसी, साम्राज्यवाद ता विरुद्ध राष्ट्रीय युद्ध ताकी कियाला काजे अस्थाई रूप ते एकताबद्ध आंतोरा अस्के साम्राज्यवाद ओसो अद देश नडमा ता अंतरविरोध प्रधान अंतरविरोध बनेमांता, मति देश लोप्पाटा विभिन्न वर्ग नडमा ता सब्बे अंतरविरोध (अविना लोप्पा प्रधान अंतरविरोध-सामंती व्यवस्था ओसो विशाल जन-समुदाय नडमा ता अंतरविरोध वेन्ने शामिल मता) ता स्थिति अस्थाई रूप ते गौण ओसो अधीन आंता। 1840 ता अफीम युद्ध लोप्पा, 1894 ता चीन-जापान युद्ध लोप्पा ओसो 1900 ता ई हो थ्वान युद्ध ते चीन लोप्पा इद्रमे आसी मत्ता। ओसो वर्तमान चीन-जापान युद्ध लोप्पा वेन्ने अद्रमे आया मंता।

मति उंदी अलग समय ते अन्तरविरोध ता स्थिति लोप्पा बदलेमांता। अस्के साम्राज्यवाद तन्ना उत्पीड़न किन जारी तासला काजे युद्ध किन आयवा, अपेक्षाकृत नरम तरीका-राजनीतिक, आर्थिक ओसो सांस्कृतिक तरीका ना इस्तेमाल कितोर, अस्के अर्ध-औपनिवेशिक देश ता शासक वर्ग साम्राज्यवाद

मुन्ने तल्ला वरिहंतोरः अव रेंडासी विशाल जन-समुदाय ता संयुक्त रूप ते उत्पीड़न कियाना काजे गठजोड़ कींता। अद स्थिति लोप्पा साम्राज्यवाद ओसो सामंती वर्ग ता गठजोड़ ता विरोध कियाला काजे विशाल जन-समुदाय हमेशा गृहयुद्ध ता हरीं पोयंता, ओसो साम्राज्यवाद हमेशा अर्ध-औपनिवेशिक देश लोप्पा प्रत्यक्ष कार्यवाही कियवा लेवा जनता ना उत्पीड़न कियाला काजे प्रतिक्रियावादिर् किन परोक्ष रूप ते सहायता कींताः ओसो इद्र लोप्पाटा अंतरविरोध विशेष रूप ते तीव्र आंता। 1911 ता क्रांतिकारी युद्ध लोप्पा, 1924-27 ता क्रांतिकारी युद्ध लोप्पा, ओसो 1927 तल ताकना दस साल ता भूमि-क्रांति युद्ध लोप्पा चीन लोप्पा इद्रमें आता। अर्ध-औपनिवेशिक देशकुना लोप्पा विभिन्न प्रतिक्रियावादी शासक ग्रूप नड्मा ता गृहयुद्ध वेन्ने, चीन लोप्पा युद्ध-सरदार लोरा आपसी युद्ध इदे श्रेणी लोप्पा वांता।

बदे क्रांतिकारी गृहयुद्ध साम्राज्यवाद ओसो ताना पालतू नैकू- स्थानीय प्रतिक्रियावाद ता अस्तित्व बुनियादी रूप ते खतरा ते अरता अस्के साम्राज्यवाद तन्ना हुकूमत किन बचे कियाना कोशिश ते हमेशा पोरो वेहता तरीकानल अलग तरीकांग लागू कींता अस्के एवनल विकसित आंता। अद क्रांतिकारी मोर्चा लोप्पा लोप्पाटल फूट वाटना कोशिश कींता लेवेके स्थानीय प्रतिक्रियावाद किन प्रत्यक्ष रूप ते मदद कियाला काजे फौज लोहंतोर। इद्रम आयनास्के विदेशी साम्राज्यवादी ओसो स्थानीय प्रतिक्रियावादी खुलेआम उंदी कोंटा ते नित्तितोर ओसो विशाल जन-समुदाय दूसरा कोंटातेः इद्रम इद प्रधान अंतरविरोध बनेमांता, अद दूसरा अंतरविरोध ता विकास किन निर्धारित या प्रभावित कींता। अक्तूबर क्रांति पेरके रक-रकमता पूंजीवादी देश रूसी प्रतिक्रियावादीर् किन मदद कीतोर, अद फौजी हस्तक्षेप ता उंदी उदाहरण आंदू। 1927 लोप्पा च्यांग काई-शेक ना गद्दारी ते क्रांतिकारी मोर्चा लोप्पा फूट वाटना उंदी उदाहरण मंदिता।

बाताल आतेकाई इद पोल्लो पोरो उचुन वेन्ने शक हिल्ले कि प्रक्रिया ता विकास ता हर मंजिल लोप्पा केवल उंदे अंतरविरोध प्रधान अंतरविरोध आंता। अद प्रमुख भूमिका निभे कींता।

इद्रम बदे प्रक्रिया लोप्पा बचोनो अंतरविरोध मंदितांग, अविना लोप्पा जरूर उंदी प्रधान अंतरविरोध मंदिता, अद प्रमुख ओसो निर्णयात्मक भूमिक

निभे कींता, बाकी सब्बे अंतरविरोध गौण ओसो अधीनस्थ मंदितांग। अदिन काजे बदे जटिल प्रक्रिया ता अध्ययन कियानास्के ताना लोप्पा रेंडु या तानकु ज्यादा अंतरविरोध मंदाना, मना किन ताना प्रधान अन्तरविध ता खोज कियाना कोशिश कियाना। उंदी बेरा माटू ताना प्रधान अंतरविरोध किन पोयाना अस्के सब्बे समस्यांग किन आसानी ते हल किया परमूडांता। पूंजीवादी समाज ता अध्ययन लोप्पा मार्क्स इदे तरीका मना किन करिहतोरा। लेनिन ओसो स्तालिन साम्राज्यवाद ओसो पूंजीवाद ता आम संकटन अध्ययन कित्तोर ओसो ओरु सोवियत अर्थ व्यवस्था ता अध्ययन कित्तोर अस्के ओरु वेन्ने मना किन इदे करिहतोरा। हजोरों बुद्धिजीवी ओसो व्यावहारिक कार्यकर्तालोरा इद तरीका किन समझेमायोर, अदिन काजे ओरु घना कोहरा लोप्पा लेसिंतोरा। समस्यांग किन चिनेमाया परवोर, अदिन काजे स्वाभाविक रूप ते अंतरविरोध किन हल कियाना तरीका तेंडा परवोर आंतोरा।

पोरो वेहता लेक्का, मना किन बदे प्रक्रिया ता सब्बे अंतरविरोध किन उंदी लेक्का मानेमायनायो। प्रधान ओसो गौण अंतरविरोध नडमा भेद कियाना, ओसो प्रधान अंतरविरोध किन पकड़ पोरु विशेष ध्यान हियाना जरूरत मंता। मति बदे अंतरविरोध लोप्पा अद प्रधान ओसो गौण मत्तेकाई, माटु अंतरविरोध ता रेंडु आपस ता विरोधी पहलू किन उंदी समान समझेमाया परितोमा? मानेमायो, माटु इद्रम बिल्कुल किवोमा। बदे वेन्ने अंतरविरोध लोप्पा आपसी विरोधी पहलू ना विकास असमान आंता। बस्के-बस्के अव संतुलित मंतांग इंजी जरूर दिसिंता, मति केवल उंदी अस्थाई ओसो सापेक्ष स्थिति मत्ता: मूल स्थिति असमानता ता स्थितिएं आंदू। रेंडु आपसी विरोधी पहलू लोप्पा उंदी जरूर प्रधान मंदिता ओसो दूसरा गौण मंदिता। प्रधान पहलू, बदे अंतरविरोध लोप्पा प्रमुख भूमिका निभे कींता। बदे वस्तु ता स्वरूप ता निर्णय मुख्य रूप ते तन्ना प्रभुत्व निल्पी किसी मत्ता अंतरविरोध ता प्रधान पहलू कींता।

मति इद स्थिति स्थिर आयो आंता: अंतरविरोध ता प्रधान ओसो प्रधान पहलू उंदी दूसरा लोप्पा बदेमांता ओसो ताना अनुसार वस्तु ता स्वरूप वेन्ने बदलेमांता। अंतरविरोध ता विकास ता बदे उंदी प्रक्रिया लोप्पा ओसो बदे उंदी मंजिल लोप्पा प्रधान पहलू “क” मंदिता ओसो अप्रधान पहलू “ख” ता भूमिका आपस ते बदलेमांता- इद बदलाव बदे वस्तु ता विकास लोप्पा उंदी दूसरा संगे

संघर्ष कियाना रेंडु पहलू ना ताकत बचोन बेरसिंता ओसो बचोन घटेमांता इंदाना पोरो निर्धारित आंता।

माटु हमेशा “पूना संगे पाड़ना ता जागा एतना” पोरो चर्चा कीतोमा पूना संगे पाड़ना ता जागा पोयना दुनिया ता सार्वभौमिकता ओसो हमेशा काजे उल्लंघन किया परवा लेक्काटा नियम आंदू। बदे वस्तु तन्ना स्वरूप ओसो तन्ना परिस्थिति ता अनुसार वेल्ले रकम ता छलांग संगे उंदी दूसरा वस्तु ते बदलेमांता: पूना संगे पाड़ना ता जागा पोयना प्रक्रिया इदे आंदू। हर वस्तु लोप्पा तन्ना पूना पहलू ओसो पाड़ना पहलू नडमा अंतरविरोध मंदिता, ओसो इद अंतरविरोध वेल्ले संघर्ष किन पुटि कींता। इव संघर्ष कुना कारण ते पूना पहलू सुडला तेल बेहरा बनेमांता ओसो मुन्ने हंजी तन्ना प्रभुत्व निल्पी कींता, पाड़ना पहलू बेहरा तल सुडला आंता। ओसो कदम-ब-कदम विनाश बगिल दांता। पाड़ना पहलू पूना पहलू ता प्रभुत्व निल्पी कींता पाड़ना वस्तु गुणात्मक रूप ते उंदी पूना वस्तु लोप्पा बदलेमांता। इद्रम बदे ता स्वरूप मुख्य रूप ते अंतरविरोध ता प्रधान पहलू संगेने निर्धारित आंता, अद पहलू तन्ना प्रभुत्व निल्पी कीसी मंदिता। अंतरविरोध ता प्रधान पहलू लोप्पा तन्ना प्रभुत्व बने कींता, बदलाव आंता अस्के अदिनाए अनुकूल वस्तु ता स्वरूप वेन्ने बदलेमांता।

पूंजीवादी समाज लेपा पूंजीवाद पाड़ना सामंती युग लोप्पाटा तन्ना स्थिति किन प्रभुत्व ता स्थिति ते बदले कीता। ओसो ताना अनुसार समाज ता स्वरूप वेन्ने सामंती तल पूंजीवाद बनेमाता। पूना पूंजीवाद युग लोप्पा सामंती शक्ति, अद मुन्ने प्रभुत्व ता स्थिति लोप्पा मत्ता, इंजे अधीनस्थ बनेमाता, ओसो कदम-कदम विनाश बगिल दाया मंता। उदाहरण काजे ब्रिटेन ओसो फ्रांस लोप्पा इद्रमे आता। उत्पादन शक्ति ना विकास संगे-संगे पूंजीपति वर्ग, प्रगतिशील भूमिका निभे कियाना पूना वर्ग ता स्थिति तल प्रतिक्रियावादी भूमिका निभे कियाना पाड़ना वर्ग लोप्पा बदलेमाता ओसो आखरी ते सर्वहारा वर्ग ताना तख्तापलट कीसिता, अस्के अद वर्ग ता उत्पादन साधनकुना पोरोटल ओसो सत्ता तल ताना अधिकार दांता अस्के अद वेन्ने तीरम-तीरम विनाश बगिल दांता। सर्वहारा वर्ग, पूंजीपति वर्ग तुकू संख्या लोप्पा बचोनो गुना ज्यादा मत्ता ओसो ताना विकास पूंजीपति वर्ग संगे-संगे, मति पूंजीपति वर्ग ता शासन लोप्पा मंदिता, उंदी पूना ताकत मंता: पूंजीपति वर्ग ता अधीन मंदाना मना शुरूआती स्थिति ओसो

इतिहास लोप्पा उंदी प्रमुख भूमिका निभे कीता, ओसो आखरी ते राजनीतिक सत्ता ऊंदसी शासक वर्ग बनेमांता। ताना कारण ते समाज ता स्वरूप बदलेमांता ओसो पाड़ना पूंजीवादी समाज पूना समाजवादी समाज लोप्पा बदलेमांता। इदे हरीं किन सोवियत संघ लागू ओसो बाकी सब्बे देश किन अनिवार्य रूप ते लागू क्रियाना मंता।

उदाहरण काजे चीन किन हूडाकाल। बद अंतरविरोध लोप्पा चीन उंदी अर्ध-उपनिवेशि बनेमाता, अदिना लोप्पा साम्राज्यवाद ता प्रधान जागा मंदिता, अद चीनी जनता ना उत्पीड़न कीता, ओसो चीन उंदी स्वतंत्र देश तल बदलेमासी उंदी अर्ध-उपनिवेशिक बनेमांता। मति इद स्थिति दरूर बदलेमायर, रेंडु पक्ष ना नड़मा संघर्ष लोप्पा चीनी जनता ना ताकत सर्वहारा वर्ग ता नेतृत्व लोप्पा मुन्ने दायर, चीन उंदी अर्ध-उपनिवेशिक तल उंदी स्वतंत्र देश लोप्पा जरूर बदले मायर, साम्राज्यवाद ता तख्ता उलट कीसि ओसो पाड़ना चीन पूना चीन लोप्पा बदलेमायर।

पाड़ना चीन ता पूना चीन ता बदलाव लोप्पा चीन ता पाड़ना सामंती शक्ति ओसो पूना जन-शक्ति नड़मा ता संबंध लोप्पा वायना बदलाव वेने मंता। पाड़ना सामंती जर्मीदार वर्ग ता तख्तापलट कीता ओसो अद शासक स्थिति तल शासित बनेमांता: ओसो इद वर्ग वेन्ने कदम-कदम विनाश बगिल दांता। सर्वहारा वर्ग ता नेतृत्व लोप्पा जनता शोसित कुना अवस्था ते शासक लोरा अवस्था ते एविंता। अस्के चीनी समाज ता स्वरूप लोप्पा वेन्ने बदलाव आंता ओसो पाड़ना, अर्ध-औपनिवेशिक ओसो अर्ध-सामंती समाज उंदी पूना जनवादी समाज लोप्पा बदलेमाता।

इद्रम ता उंदीना उंदी लोप्पा बदले मायना उदाहरण मना मुन्नेटा अनुभव लोप्पा वेन्ने दोरकिंता। लगभग तीन सौ साल एवनल चीन पोरो शासन क्रियाना छिंग वंश, 1911 ता क्रांति लोप्पा तेहकसी वाटतद मंता ओसो सुन यात-सेन ना नेतृत्व लोप्पा क्रांतिकारी युंग मंग ह्वेइ उचून समय काजे सफलता दोरकी कित्तोर। 1924-27 ता क्रांतिकारी युद्ध लोप्पा कम्युनिस्ट-क्वोमिंगतांग एकता ता क्रांतिकारी ताकत दक्षिण लोप्पा कमजोर तल शक्तिशाली बनेमासोर हत्ता ओसो उत्तरी अभियान लोप्पा सफल आता, उत्तरी युद्ध-सरदार लोप्पा मजबूत कब्जा मत्ता ताना तख्ता उलट कित्तोर। कम्युनिस्ट पार्टी ता नेतृत्व लोप्पा ताकना जन-

शक्ति 1927 लोप्पा क्वोमिंगतांग ता प्रतिक्रियावादी ताकत ता प्रभाव ता कारण ते वेल्ले कमजोर आता, मति तन्ना पांत तल अवसरवाद किन खत्म कीतास्के ओसो उंदी बेरा कदम-कदम विकास आयना शुरू आता। कम्युनिस्ट पार्टी ता नेतृत्व लोप्पा क्रांतिकारी आधार-क्षेत्र ता किसान लोर शासित मतोर, इंजे शासक बनेमातोर, मति जर्मीदार लोरा तीना उल्टा दिशा ते रूपान्तर आता। दुनिया लोप्पा इद्रमे पूना हमेशा पाडना जागा ता स्थापना आंता ओसो पाडना ता जागा पोयंता, पाडना खत्म आसी पूना पुर्तिता या पाडना लोप्पाटल पूना पुर्तिता।

क्रांतिकार संघर्ष ताकनास्के बस्के-बस्के कठिन परिस्थिति अनुकूल परिस्थिति ता मुकाबला ते ज्यादा भारी आंता ओसो अदिन काजे अव अंतरविरोध ता प्रधान पहलू बनेमांता ओसो अनुकूल परिस्थितिंग अंतरविरोध ता गौण पहलू बनेमांता। मति क्रांतिकारी लोकर तन्ना कोशिश ते मुशिकल पोरो तीरम-तीरम काबू किया परितांग ओसो उंदी पूना अनुकूल स्थिति पुटि किया परिता: इद्रम ता कठिन स्थिति ता जागा ते अनुकूल स्थिति पुटिता। 1927 ते चीन लोप्पा क्रांति असफलता पेरके ओसो चीनी लाल सेना ता दीर्घकालीन अभियान ताकानास्के इद्रमे आता। वर्तमान चीन-जापान युद्ध लोप्पा उंदी कठिन परिस्थिति ते वाता: मति माटु इद्र स्थिति किन बदले किया परिताम ओसो चीन ओसो जापान रेंडिना नडमा ता स्थिति लोप्पा आमूल बदलाव तत्ता परिताम। ताना विपरित क्रांतिकारी लोकर गलतिंग कितेके अनुकूल स्थितिंग वेन्ने कठिन स्थितिंग लोप्पा बदलेमाया परितांग। 1924-27 ता क्रांति ता सफलता असफलता ते बदलेमाता। 1927 पेरके दक्षिणी प्रांत लोप्पा क्रांतिकारी आधार-क्षेत्र ना विकास आता, अव सब्बे 1934 ते हारेमातांग।

माटु अध्ययन कीतोम अस्के अज्ञान ता अवस्था ते ज्ञान ता अवस्था ते वायना अंतरविरोध वेन्ने इद्रमे आंता। मार्क्सवाद ता अध्ययन कियानास्के एकदम शुरू ते मार्क्सवाद ता बारे ते मना पुना मंदना या अदिना बारे ते मना कम ज्ञान मार्क्सवाद संबंधित ज्ञान संगे अंतरविरोध ता स्थिति ते वांता। मति जीवा किसी अध्ययन कियाना कारण ते पुनावादिन ज्ञान ते, कम ज्ञान किन सही ज्ञान लोप्पा ओसो मार्क्सवाद किन कोंडा पिहची लागू कियाना स्थिति किन निपूणता संगे लागू कियाना स्थिति ते बदलेमांता।

उचुन मुल इंतोर कि इचुन खास अंतरविरोध इद्रम मन्नोंग आंतांगा उदाहरण काजे उत्पादन शक्ति ओसो उत्पादन संबंध नडमा ता अंतरविरोध लोप्पा उत्पादक शक्ति प्रधान पहलू आंदू: सिद्धांत ओसो व्यवहार नडमा ता अंतरविरोध लोप्पा व्यवहार प्रधान पहलू आंदू: आर्थिक आधार ओसो पोरो ढांचा नडमा ता अंतरविरोध लोप्पा आर्थिक आधार प्रधान पहलू आंदू: ओसो ताना स्थिति लोप्पा बदे बदलाव आयो आंता। इद धारणा उंदी यांत्रिक भौतिकवादी धारणा आंदू, द्वन्द्वात्मक भौतिकवादी आयो। इद उत्पादक शक्ति, व्यवहार ओसो आर्थिक आधार ते प्रधान ओसो निर्णायक भूमिका निभे कींतोर: बोर इद पोल्लो तल इनकार कींतोर ओरु भौतिकवादी मन्नोर आंतोरा मति इद पोल्लो किन वेन्ने मानेमाया लागियर कि विशेष परिस्थिति लोप्पा उत्पादन-संबंध ओसो पोरोटा ढांचा लेक्काट पहलू वेन्ने प्रधान ओसो निर्णयात्मक भूमिका निभे कींता। उत्पादन-संबंध किन बदले किवा लेवा उत्पादन शक्ति ना विकास आया परवो, अस्के उत्पादन-संबंध लोप्पा बदलावए प्रधान ओसो निर्णयात्मक भूमिका निभे कींता। लेनिन वेहता लेक्का “क्रांतिकारी सिद्धांत हिल्वा बदे क्रांतिकारी आंदोलन आया परवो”¹⁵ इद्रम ता स्थिति लोप्पा क्रांतिकारी सिद्धांत ता रचना ओसो तानकिन बने कियाना प्रधान ओसो निर्णयात्मक भूमिका निभे कींता। बदे काम किन (बदे काम आतेकाई) पूरा कियाना मत्तेकाई, बद्रम कियाना इंदाना पोरो इंजे एवनल बदे दिशा-निर्देश, योजना या नीति निर्धारित आयवेके, इद्रम ता स्थिति लोप्पा दिशा-निर्देश, योजना या नीति किन निर्धारित कियानाए प्रधान ओसो निर्णायक बनेमांता। पोरोटा ढांचा (राजनीति, संस्कृति लेक्काटा) आर्थिक आधार ता विकास किन अवरुद्ध कींता, अस्के राजनीतिक ओसो सांस्कृतिक सुधार प्रधान ओसो निर्णयात्मक तत्व बनेमांता। माटु इद्रम इंतोम अस्के मनम भौतिकवाद तल जेक आया मंतोम इंजी इंतोमा? इन्नोमा बारांकु इत्तेके माटु मानेमांतोम कि इतिहास ता आम विकास आयानास्के भौतिक स्थितिए मानसिक स्थिति ता निर्णय कींता ओसो सामाजिक अस्तित्व सामाजिक चेतना ता निर्णय कींता अगा माटु वेन्ने मानेमांतोम ओसो मनाकिन इद्रम जरूर मानेमायना कि मानसिक स्थिति ता भौतिक स्थिति पोरो, सामाजिक चेतना ता सामाजिक अस्तित्व पोरो ओसो पोरोटा ढांचा ता आर्थिक आधार पोरो वेन्ने प्रतिक्रिया मंदिता। इद मान्यता

भौतिकवाद ता खिलाफ हिल्ले, तीना उलट इद यांत्रिक भौतिकवाद तल बचे कींता ओसो द्वन्द्वात्मक भौतिकवाद पोरो दृढता ते नित्तसी मंदिता।

अंतरविरोध किन विशिष्टता ता अध्ययन कियानास्के माटू इव रेंडु स्थिति ना बदे प्रक्रिया लोप्पा मंदना प्रधान अंतरविरोध ओसो अप्रधान अन्तरविरोध ता ओसो अंतरविरोध ता प्रधान पहलू ओसो अप्रधान पहलू ता अध्ययन कीवोम आंतोम इत्तके माटू अंतरविरोध ता रेंडु स्थिति ना भिन्नता ता अध्ययन कीवोम आंतोम अस्के माटू अमूर्त अध्ययन लोप्पा फसे मांतोम ओसो अंतरविरोध किन ठोस रूप ते समझेमाया परवोम आंतोम, इद्रम आतेके अदिन हल कियाला काजे सही तरीका ता खोज किया परवोम आंतोम। अंतरविरोध ता रेंडु स्थितिग ना भिन्नता या अविना विशिष्टता, अंतरविरोध लोप्पा ताकत ता असमानताए मंदिता। दुनिया लोप्पा निरपेक्ष समानता संगे बदे वस्तु ता विकास आयो आंता, ओसो माटू समान विकास ता सिद्धांत या संतुलित विकास ता सिद्धांत ता विरोध कियाना। संगेने इंद ठोस अंतरविरोधपूर्ण स्थिति ओसो अंतरविरोध ता विकास ता प्रक्रिया लोप्पा ताना प्रधान ओसो अप्रधान पहलू लोप्पा आयना बदलावे पूना तल पाडना ता जागा पोयना ताकत किन तोहिंतांगा। अंतरविरोध लोप्पा असमानता ता विभिन्न अवस्थांग ना प्रधान अंतरविरोध ओसो अप्रधान अंतरविरोध ता, अंतरविरोध ता प्रधान पहलू ओसो अप्रधान पहलू ता अध्ययने महत्वपूर्ण तरीका आंदू तीना संगेने बदे क्रांतिकारी राजनीतिक पार्टी राजनीति ओसो फौजी क्षेत्र लोप्पा तन्ना रणनीति ओसो कार्यनीति नीतिंग किन सही तरिका ते निर्धारित कींता। सब्बे कम्युनिस्ट लोर इद पोल्लो पोरो ध्यान हियाना।

5. अंतरविरोध ता पहलू कुना एकरूपता

ओसो अविना संघर्ष

अंतरविरोध ता सार्वभौमिकता ओसो विशिष्टता ता समस्या किन समझेमाता पेरके माटू मुन्ने हंजी अन्तरविरोध ता पहलू ना एकरूपता ओसो अविना संघर्ष ता समस्या ता अध्ययन कियाना।

एकरूपता, एकता, संयोग, अन्तर-व्याप्ति, अन्तर-प्रवेश, अन्तर-निर्भरता (या अस्तित्व काजे अन्तर-निर्भरता), अन्तर-सम्बध या आपसी सहयोग - इव

सबूे अलल-अलल शडू कुनल उंदे अरुथ डंतल ओसु इव रेंडु डुलुलुनल सुूकनल कूींतलंग, डहलल डदे वसुतु तल वलकलस डुरकुरलल लुडुडल हर अंतरवलरुध तल रेंडु डहललुकुनल लुडुडलटल हर डहललू तल असुतलव कलजे दूसरल डहललू तल असुतलव जरूरी डंदलंतल। ओसु रेंडु डहललू नल उंदे इकलई लुडुडल सह-असुतलव डंदलंतल, दूसरल, इव रेंडु डरसुडर वलरुधी डहललू डदे वलशेष डरलसुथलतल लुडुडल उंदी दूसरल ते डदलेडलंतलंग। ँकरूडतल इतुके इदे आंदू।

कलडरेड लेनलन वेहतेरः

वलडरलत तलव ँकरूड डदुरड आडल डरलरतल ओसु ँकरूड डदुरड डनेडलंतल इंकी दुरनदुरवलदी सलदुदलंत वेहलंतल (अव डदुरड डदलेडलसी ँकरूड डनेडलंतलंग)- डद डरलसुथलतल लुडुडल अव उंदी दूसरल लुडुडल डदलेडलसी ँकरूड डनेडलंतलंग – डलरलंकू इदलन डलने नल डेदुर तलनकलन डुललतल ओसु कड वसुतु नल रूड ते आडवल सकीव, डरलसुथलतलडदु, डरलवरुतनशील, उंदी दूसरल ते डदलेडलडलनल वसुतु नल रूड ते हूडलनल इंकी वेहलंतल।¹⁶

लेनलन वेहतुतलदलनल डलतल अरुथ डंतल?

हर डुरकुरलल लुडुडल उंदीनल उंदी वलरुध कुरलनल डहललू उंदी दूसरल कलन डहललुकुर कूींतलंग, आडस ते संघरुष कूींतलंग ओसु उंदी दूसरल तल वलरुधी डंदलंतलंग। इदुरड तल आडसी वलरुधी डहललू हललवल डदे अडवलद तल सबूे वसुतु नल डुरकुरलल लुडुडल ओसु डूरल डलनव-कलनुतन लुडुडल डंदलंतलंग। डदे सलधलरण डुरकुरलल लुडुडल वलडरलत तलव नल केवल उंदे कुरुडी डंदलंतल, डदे संशुललुषुत डुरकुरलल लुडुडल अवलनल उंदी तुकू कुरलदल कुरुडलंग डंदलंतलंग। इदे आडवल वलडरलत तलव नल वलडलनन कुरुडलंग आडसी ते अंतरवलरुधडूरुण डनेडलंतलंग। इदुरड वसुतुगत दुनलडल लुडुडल सबूे वसुतु ओसु डूरल डलनव-कलनुतन तल रकनल आंतल ओसु अवलन गतल डुरलसु आंतल।

इद सही ओसु तीनल लुडुडल ँकरूडतल ओसु ँकतल तल वेलुले कडी डंतल इतुसुके डलटु ँकरूडतल ओसु ँकतल तल डुलुलु डदुरड कुरलल डरलरतुडु?

डलरलंकु इतुके डदे वेनुने आडसी वलरुधी डहललू अललगलव तल सुथलतल ते डनुनु आंतल। डलनल दूसरल तलनल वलरुधी डंदलनल डहललू तल हर डहललू तनुनल असुतलव तल डरलसुथलतल डुहलंतल। उकुकन आलसुललटु, वसुतु डल डलनव-डसुतलषुक तल धलरणल तल डदे वेनुने आडसी वलरुधी डहललू सुवतुर असुतलव तलसल डरलरतल डल? डलसुवल हललवल डुललनल हललुले, डुललवल लेवल डलसुवल वेनुने हललुले। डलनल “डुडुरु” डदे “दुडुडु”

हिल्ले। बिना “दोड़” बदे “पोरो” वेन्ने हिल्ले। बिना दुर्भाग्य ता सौभाग्य हिल्ले, बिना सौभाग्य ता दुर्भाग्य वेन्ने हिल्ले। बिना सुविधा ते कठिन हिल्ले, बिना कठिन ता सुविधा वेन्ने हिल्ले। बिना जमींदार ते मुजारा किसान (tenant-peasents) हिल्ले, बिना मुजारा किसान ते जमींदार वेन्ने हिल्ले। बिना पूंजीवादी वर्ग ता सर्वहारा वर्ग हिल्ले, बिना सर्वहारा वर्ग ता पूंजीपति वर्ग वने हिल्ले। साम्राज्यवाद ता राष्ट्र ता उत्पीड़न लेवा उपनिवेश ओसो अर्ध-उपनिवेश हिल्ले, बिना उपनिवेश ओसो अर्ध-उपनिवेश ता राष्ट्र ता साम्राज्यवादी उत्पीड़न वेन्ने हिल्ले। सब्बे विपरित तत्व इद्रमे मंतांगः विशेष परिस्थिति लोप्पा, ओरु उंदी बगिल, वरोन-वरोना विरोधी मंदितांग ओसो दूसरा बगिल अन्तर-संबंध, अन्तर-प्रविष्ट, अन्तर-व्याप्त ओसो अन्तर-निर्भर आंता। अविना इद स्वरूप किन एकरूपता इंतोरा विशेष परिस्थिति लोप्पा सब्बे आपसी विरोधी पहलू ता स्वरूप अलग आसि मंदिता, अदिन काजे अविन अंतरविरोध इंतोरा मति अविना स्वरूप एकरूपता वेन्ने पोयता, अदिन काजे ओरु अन्तर-संबंध आंता। द्वन्द्ववाद “विपरित तत्व एकरूप बद्रम आंता” इंजी अध्यायन कींता अस्के अव जरूर पोरो रास्ता लेक्का आंता इंजी लेनिन वेहतोरा। अव आखिरी ते एकरूपता बद्रम आया परिंता? बारांकु इत्तेके इविना लोप्पाटल हर पहलू दूसरा पहलू ता अस्तित्व काजे उंदी शर्त आंदू। एकरूपता ता पहली अर्थ इदे आंदू।

मति केवल आपसी विरोधी पहलू लोप्पाटल हर पहलू दूसरा पहलू ता अस्तित्व काजे उंदी शर्त आंदू इंजी आयो, अविना लोप्पा एकरूपता मंता ओसो अव उंदे इकाई लोप्पा सह-अस्तित्व ता स्थिति लोप्पा मंदिता या? हिल्ले, इदे आयो, तन्ना अस्तित्व काजे आपसी विरोधी पहलू ता अन्तर-निर्भरता एवनल आयो, तीना वेल्ले महत्वपूर्ण पोल्लो आपसी विरोधी पहलू दूसरा पहलू ते बदलेमायना आंदू। इत्तेके विशेष परिस्थिति लोप्पा बदे वस्तु लोप्पा मंदाना आपसी विरोधी पहलू तन्ना विपरित पहलू ते बदलेमांता, तन्ना विपरित पहलू ता स्थिति लोप्पा एविंता। अंतरविरोध ता एकरूपता ता इद दूसरा अर्थ आंदू।

आखिरी ते एकरूपता वेन्ने बारांकू आंता? क्रांति बदे कालाम ते उंदी शासित वर्ग मंदाना सर्वहारा वर्ग इंजे शासक वर्ग बनेमाता, पूंजीपति वर्ग, मुन्ने शासक वर्ग मत्ता, इंजे शासित वर्ग बनेमाता ओसो अद स्थिति लोप्पा एविंता मुन्ने ताना विरोधी मत्ता। सोवियत संघ लोप्पा इद्रम आसी मत्ता बाकी सब्बे

दुनिया लोप्पा वेन्ने इद्रमे आंता। विशेष परिस्थिति लोप्पा विपरित तत्व नड्मा अन्तर-संबंध ओसो एकरूपता आयवेके इद्रम ता बदलाव बद्रम आया परिंता?

क्वोमिंगांग, चीन ता आधुनिक इतिहास ता उंदी निश्चित मंजिल लोप्पा उचुन सकारात्मक भूमिका निभे कींता। अद तन्ना स्वाभाविक वर्ग-चरित्र ओसो साम्राज्यवाद ता लोभ ता कारण ते (इद परिस्थिति ए मत्ता) 1927 तल उंदी प्रतिक्रांतिकारी पार्टी बनेमाता, मति चीन ओसो जापान नड्मा ता अंतरविरोध ता तेज आयना ओसो कम्युनिस्ट पार्टी ता संयुक्त मोर्चा ता नीति ता कारण (इद परिस्थिति मत्ता) अदे जापानी आक्रमण ता प्रतिरोध स्वीकार कियाला काजे मजबूर आया लागता। आपसी विरोधी वस्तु उंदी दूसरा लोप्पा बदलेमांता, ओसो उंदी रकम ता एकरूपता मौजूद मंदिता।

माट बदो भूमि-क्रांति किन पूरा कीतोम, अद उंदी प्रक्रिया बनेमाता ओसो उंदी बेरा बनेमायार, ताना लोप्पा जमीन ता मालिक मंदाणा जमींदार वर्ग ता जमीन दांता, ओसो किसान लोर बदो जमीन ते वंचित मंदिंतोर ओरु उचुन जमीन ता मालिक बनेमांतोर। उंदी विशेष परिस्थिति लोप्पा साधन-सम्पन्नता ओसो साधनहीनता, नफा ओसो नुकसान, अन्तर-संबंध मंदिता: रेंडु पक्ष लोप्पा एकरूपता मंदिता। समाजवाद ता परिस्थिति लोप्पा किसान लोरा नीजि मिलकियत व्यवस्था समाजवादी कृषि ता सार्वजनिक मिलकियत लोप्पा बदलेमांता, सोवियत संघ लोप्पा इद्रमे आता ओसो बाकी सब्बे दुनिया लोप्पा वेन्ने इद्रमे आंता। निजी सम्पत्ति ओसो सार्वजनिक सम्पत्ति नड्मा ता गुमिया ता रेंडु किनारा किन काल्पना उंदी सेतु मंदिता, अदिन दर्शन-शास्त्र लोप्पा एकरूपता या उंदी दूसरा लोप्पा रूपांतर ओसो अन्तर-व्याप्ति इंतोर।

सर्वहारा अधिनायकत्व किन मजबूत बने कियाना असल ते इद्रम ता अधिनायकत्व किन खत्म कियाना ओसो सब्बे राज्य-व्यवस्था ना खात्मा कियाना उच्चतर मंजिल बगिल दायाना काजे परिस्थिति तैयार कियाना काजे मंदिता। कम्युनिस्ट पार्टी ता स्थापना कियाना ओसो ताना विकास कियाना असल ते कम्युनिस्ट पार्टी ओसो दूसरा सब्बे राजनीतिक पार्टिंग किन खत्म कियाला काजे परिस्थिति तैयार कियाना मंता। कम्युनिस्ट पार्टी ता नेतृत्व लोप्पा क्रांतिकारी सेना बने कियाना ओसो क्रांतिकारी युद्ध ताकि कियाना

असल ते युद्ध किन हमेशा काजे खत्म कियाना परिस्थिति तैयार कियाना मंता। इव सब्बे विपरित तत्व संगेने उंदी दूसरा ना सहयोगी वेन्ने मंदिता।

सब्बेतोर पुत्ता लेक्का युद्ध ओसो शांति तन्ना किन उंदी दूसरा लोप्पा बदले कींता। युद्ध शांति लोप्पा बदलेमांता, उदाहरण काजे पहली विश्व युद्ध काल पेरके शांति लोप्पा बदलेमाता, चीन ता गृहयुद्ध वेन्ने इंजे बंद आता ओसो ताना जागा ते आन्तरिक शांति बनेमाता। शांति युद्ध लोप्पा रूपान्तरित आंता, उदाहरण काजे 1927 ता क्वोमिंगतांग-कम्युनिस्ट सहयोग युद्ध लोप्पा बदलेमाता, ओसो नेटा शांतिपूर्ण विश्व-परिस्थिति वेन्ने दूसरी विश्व युद्ध ते बदलेमाया परिंता। इद्रम बारांकु आंता? बारांकु इत्तेके वर्ग-समाज लोप्पा युद्ध ओसो शांति लेक्काटा आपसी विरोधी वस्तु उंदी विशेष परिस्थिति लोप्पा एकरूप मंदिता।

सब्बे आपसी विरोधी वस्तु अन्तर-संबंध मंदिता, ओसो अव केवल उंदी विशेष परिस्थिति लोप्पा उंदे इकाई ते सह-अस्तित्व ता स्थिति लोप्पा मंदिता, उंदी दूसरा विशेष परिस्थिति लोप्पा उंदू दूसरा ते बदले वेन्ने मांता।- विपरित तत्व ता एकरूपता ता पूरा अर्थ इदे आंदू। लेनिन वेन्ने इदे वहतोर, ओरु रासिस मत्तोर, “बद्रम एकरूपता बनेमांता, बद्रम बदलेमासी एकरूपता बनेमांता)- बद परिस्थिति लोप्पा उंदी दूसरा लोप्पा बदलेमासोरे एकरूप बनेमांता।”

बारांकु इत्तेके “माने ना मेद्दुर किन इव विपरित तत्व किन डोलता ओसो जड़ वस्तुना रूप ते, सजीव, परिस्थितिबद्ध, परिवर्तनशील, उंदी दूसरा लोप्पा बदलेमायना वस्तु ता रूप लोप्पा हूडाना”? वस्तुगत पदार्थ असल ते इद्रमे मंदिता। सही वस्तुगत पदार्थ लोप्पा आपसी विरोधी पहलू ना एकता या एकरूपता बस्केने वेन्ने डोलता ओसो जड़ चीज मन्नो आंता, अद सजीव, परिस्थितिबद्ध, परिवर्तनशील, अस्थाई ओसो सापेक्ष चीज मंदिता: सब्बे आपसी विरोधी पहलू, उंदी विशेष परिस्थिति लोप्पा, विपरित पहलू ने बदलेमांता। इदे मानव-मस्तिष्क लोप्पा प्रतिबिम्ब मंदिता, अद मार्क्सवाद ता भौतिकवादी द्वन्द्ववाद ता विश्व-दृष्टिकोण बनेमांता। केवल प्रतिक्रियावाद शासक वर्ग अद वर्तमान ता मन्नी या मुन्नेटा कालम ता, ओसो अविना विचार चाकरी कियाना आध्यात्मवादी, विपरित तत्व किन सजीव, परिस्थितिबद्ध, परिवर्तनशील ओसो उंदी दूसरा लोप्पा बदलेमायना वस्तु ता रूप ते आयवा, डोलता ओसो जड़

मानेमांतोर, ओसो आम जनता किन धोखा हियाला काजे इद गलत दृष्टिकोण ता प्रचार कींता, ओसो इद्रम तन्ना शासन किन निल्पी कियाना कोशिश कींता। कम्युनिस्ट लोरा कर्तव्य, प्रतिक्रियावादी ओसो आध्यात्मवाद ता गलत विचार ता भण्डाफोड कियाना, वस्तु लोप्पा मंदाना द्वन्द्वात्मकता ता प्रचार कियाना, ओसो इद्रम वस्तु ता रूपान्तर ता रफ्तार बेरसि कियाना ओसो क्रांति ता उद्देश्य किन प्राप्त कियाना।

माटु उंदी विशेष परिस्थिति लोप्पा विपरित तत्व ता एकरूपता ता पोल्लोंग कींताम, अस्के माटु असल ते ओसो ठोस विपरित तत्व ता ओसो विपरित तत्व ता उंदी दूसरा लोप्पा वास्तविक ओसो ठोस रूप ते बदलाव आयना पोल्लोंग कींताम। पाडना पीटो लोप्पा गिनती हिल्वा बदलाव हूडाला दोरकिंतांगः उदाहरण काजे “शान हाए चिंग” लोप्पा ख्वा फू सूर्य ता पेरके अरना,¹⁷ “ह्वाए नान चि” लोप्पा ई ना नौ पोडदु किन हौकना,¹⁸ “शी यओ ची” लोप्पा वानरराज ता बहतर बेरा रूप बदलेमायना,¹⁹ “ल्याओ चाए ना विचित्र कहानिंग”²⁰ लोप्पा भूत ओसो डुव्वल ता मानेयना रूप एतना वेल्ले कहानिंग मंतांग। मति इव कहानींग लोप्पा वेहता विपरित तत्व ना आपसी रूपान्तर ठोस अंतरविरोध ता प्रतिबिम्बित कियाना ठोस रूपान्तर आयो। इद रूपान्तर उंदी रकम ता अंगडम ता, काल्पनिक, मनोगत रूप संगो आल्ससोरे इद्रम ता रूपान्तर हिल्ले, अद मानव-मस्तिष्क लोप्पा वास्तविक विपरित तत्व ता उंदी दूसरा लोप्पा अनगिनत जटिल रूपान्तर ता कारण ते आंता। मार्क्स वेहत लेक्का: “सब्बे पाडना पीटो ना कल्पना लोप्पा ओसो कल्पना ता सहारा ते प्रकृति ता ताकत ते काबू वाटसी, अविना पोरो तन्ना प्रभुत्व स्थापित कींता, ओसो अविन साकार कींता: अदिन काजे मानेय प्रकृति ता शक्ति पोरो काबू कींतास्के पाडना पीटो ना काम मारिंता।”²¹ इद्रम पाडना पीटो ता (पेकोरा पीटो ना वेन्ने) वेल्ले रूपान्तर लोपुरा मनोरंजन बारांकु कींता इत्तेके अविना लोप्पा प्रकृति ता शक्ति पोरो मानेय ना जीत ता कल्पनापूर्ण चित्र मंदिता। ओसो बेसता पाडना पीटो लोप्पा मार्क्स वेहता लेक्का मंता, “बेस गिर्दा कियना” मंदिता: मति पाडना पीटो उंदी विशेष परिस्थिति लोप्पा मंदाना ठोस अंतरविरोध पोरो आधार आसी मन्नो अदिन काजे ओरु सच्चाई किन वैज्ञानिक तरीका ते तोहो आंता। इत्तेके पाडना पीटो या पेकोरा पीटो लोप्पा अंतरविरोध ता पहलू लोप्पा केवल काल्पनिक

एकरूपता मंदिता, वास्तविक बदलाव लोप्पा मंदाना एकरूपता किन वैज्ञानिक तरीका ते प्रतिबिम्बित कींता, अदे मार्क्सवादी द्वन्द्ववाद आंदू।

अंडा किन चूजा लोप्पा रूपान्तरित कियमूडंता, मति बंडा किन आयो? बारांकु इत्तेके केवल युद्ध ओसो शांति लोप्पा एकरूपता मंता, ओसो युद्ध ओसो बंडा लोप्पा हिल्ले? बारांकु इत्तेके मानेय केवल मानेय किने पुटि किया परितोर, दूसरा बदे चीज कि आयो? ताना केवल उंदे कारण मंता विपरित तत्व ना एकरूपता केवल उंदी जरूरी विशेष परिस्थिति लोप्पाने मंदिता। बिना जरूरी विशेष परिस्थिति ता बदे वेन्ने रकम ता एकरूपता हिल्ले आंता।

अदिन काजे रूस लोप्पा 1917 ता पूंजीवादी-जनवादी फरवरी क्रांति अदे साल ता सर्वहारा समाजवादी अक्तूबर क्रांति संगे प्रत्यक्ष रूप ते जुडेमासी मत्ता, मति फ्रांस लोप्पा पूंजीवादी क्रांति प्रत्यक्ष रूप ते बदे समाजवादी क्रांति संगे जुडेमी हिल्ला मत्ता, ओसो 1871 ता पेरिस कम्यून आखरी ते असफल आता? दूसरा बगिल मंगोलिया ओसो मध्य एशिया लोप्पा खानाबदोश पिस्वल-प्रणाली प्रत्यक्ष रूप ते समाजवाद संगे जुडेमाता? तीना कारण चीनी क्रांति पश्चिमी देश ता पाडना ऐतिहासिक हरदे ताकवा लेवा, पूंजीपति वर्ग ता अधिनायकत्व काल तल वेंडवा लेवा, प्रत्यक्ष रूप ते समाजवाद संगे जुडेमाया परिता ओसो पूंजीवाद मनाकिन वायना कालम ते बचे किया परिता? तीना केवल कारण केवल समय-समय ता ठोस परिस्थितिंग आंदुंगा। उचुन जरूरी विशेष परिस्थितिंग मंदितांग, अस्के वस्तुना विकास ता प्रक्रिया लोप्पा उचुन निश्चित विपरित तत्व पैदा आंतांग: इदे आयवा विपरित तत्व (रेंडु या तानकु ज्यादा) उंदी दूसरा पोरो निर्भर आसी मंदितांग ओसो उंदी दूसरा लोप्पा बदलेमांता: लेवेके इविना लोप्पाटल उंदी वेन्ने सम्भव हिल्ले आंता।

इदे एकरूपता ता समस्या आंदू। इत्तेके संघर्ष बातल आंदू? ओसो एकरूपता ओसो संघर्ष ता नडुमा ता संबंध बाता मंता?

लेनिन वेहतोर: विपरित तत्व ना एकता (संयोग, एकरूपता, समान कार्यवाही) परिस्थितिबद्ध, क्षणिक, अस्थाई ओसो सापेक्ष मंदिता। उंदी दूसरा किन बहिष्कृत कियाना विपरित तत्व ता संघर्ष, विकास ओसो गति ता समान, निरपेक्ष मंदिता।²²

इद पोल्लो ता अर्थ बातल मंता?

सब्बे प्रक्रिया ना शुरूआत ओसो अन्त मंदिता: सब्बे प्रक्रिया तन्ना विपरित तत्व लोप्पा बदले मांता। सब्बे प्रक्रिया ना स्थिरता सापेक्ष मंदिता, मति उंदी प्रक्रिया ता दूसरा प्रक्रिया लोप्पा बदले मायना लोप्पा दिसना बदलाव निरपेक्ष मंदिता।

सब्बे वस्तु ना गति ता रेंडु अवस्था मंदिता: सापेक्ष स्थिरता ता अवस्था ओसो प्रत्यक्ष बदलाव ता अवस्था। इव रेंडासी अवस्थांग बदे वस्तु लोप्पा मंदांना रेंडु आपसी विरोधी तत्व लोप्पा संघर्ष तल पुटिंता। बदे वस्तु ता गति पहली अवस्था ते मंदिता अस्के ताना लोप्पा परिमाणात्मक बदलाव आंता, अदिन काजे पोरो स्थिरता ता अवस्था तले मंदिता। वस्तु ता गति दूसरा अवस्था लोप्पा मंदिता, अस्के अद समय एवनल पहली अवस्था ता परिमाणात्मक बदलाव उंदी चरमबिंदु पोरो एवसी मंदिता, ओसो अद उंदी इकाई ता वस्तु ता विघटन कींता, ओसो ताना लोप्पा गुणात्मक बदलाव आंता, ताना कारण ते ताना लोप्पा प्रत्यक्ष बदलाव प्रकट आंता। इद्रम एकता, एकजुटता, साम्मिलन, सामंजस्य, साम्य, ठहराव, गतिरोध, स्थिरता, स्थायित्व, सन्तुलन, संघनता, आकर्षण लेक्काटव मनम रोज ता पिस्वल ते हूडाना, सब्बे परिमाणात्मक बदलाव ता अवस्था ते वेंडता वस्तु ता रूप आंदू। दूसरा बगिल उंदी विघटन, इत्तेके इद एकजुटता, सम्मिलन, सामंजस्य, साम्य, ठहराव, गतिरोध, स्थिरता, स्थायित्व, संतुलन, सघनता, आकर्षण ता विनाश, ओसो ताना विपरित अवस्था लोप्पा बदलाव, इव सब्बे गुणात्मक बदलाव तल वेंडला वस्तु ना उंदी प्रक्रिया ता दूसरा प्रक्रिया लोप्पा रूपान्तर ता रूप आंदू। गति ता पहली अवस्था संगे दूसरा अवस्था लोप्पा वस्तु ना लगातार रूपान्तर आंता: विपरित तत्व ता संघर्ष रेंडासी अवस्था ने ताकसोर मंता, मति अंतरविरोध ता हल दूसरा अवस्था लोप्पाने आंता। अदिन काजे माटु विपरित तत्व ना एकता परिस्थितिबद्ध, अस्थाई ओसो सापेक्ष मंता, उंदी दूसरा किन बहिष्कृत कियाना विपरित तत्व ना संघर्ष निरपेक्ष मंता इंजी इंतोमा।

माटु पोरो वेहता लेक्का रेंडु विपरित वस्तु उंदे इकाई लोप्पा सह-अस्तित्व ता स्थिति ते मंदा परितंग ओसो उंदी दूसरा लोप्पा रूपान्तरित वेन्ने मंदिता, बारांकु इत्तेके अविना लोप्पा एकरूपता मंदिता, अस्के माटु परिस्थितिबद्धता बारे ते वेहचोरे मंदिंतोमा। इत्तेके उंदी विशेष परिस्थिति लोप्पा रेंडु अंतरविरोधपूर्ण

वस्तु एकताबद्ध मंदिता ओसो उंदी दूसरा लोप्या रूपान्तरित वेन्ने आंता। मति इद्रम ता परिस्थिति हिल्वेके उंदी अंतरविरोध ता रूप धारण किया परवो, उंदी इकाई लोप्या सह-अस्तित्व ता स्थिति मन्नो ओसो उंदी दूसरा लोप्या रूपान्तरित आया परवो। बारंकु इत्तेके अंतरविरोध ता एकरूपता केवल उंदी विशेष परिस्थिति लोप्याने पुटिता, अदिन काजे माटु एकरूपता किन परिस्थितिबद्ध ओसो सापेक्ष इंतोम। इगा माटु वेल्ले पोल्लोग वेहाला आलिसंतोम, इत्तेके विपरित तत्व नडुमा बदे संघर्ष प्रक्रिया ता शुरू तल आखरी एवनल ताकिंता ओसो उंदी प्रक्रिया ता दूसरा लोप्या बदलेमायना कारण मंदिता, ओसो इद संघर्ष हर जागा मंदिता, ओसो अदिन काजे संघर्ष परिस्थिति तल अलग ओसो निरपेक्ष मंदिता।

परिस्थितिबद्ध, सापेक्ष एकरूपता ओसो परिस्थिति तल अलग, निरपेक्ष संघर्ष ता सम्मिलन सब्बे वस्तु लोप्या अंतरविरोध ता गति किन पुटि कींता।

माटु चीनी लोकर हमेशा इंतोम: “वस्तु उंदी दूसरा ता विपरित मत्ता जागा ते उंदी दूसरा ता कमी किन वेन्ने पूरा कीसोर मंदिता।”²³ इत्तेके, विपरित वस्तु लोप्या एकरूपता मंदिता। इद उंदी द्वन्द्वात्मक पोल्लो आंदू, ओसो आध्यात्मवाद ता विपरित मंता। “उंदी दूसरा ता विपरित मंदाणा” इत्तेके रेंडु आपसी विरोधी पहलू ना उंदी दूसरा किन बहिष्कृत कियाना या उंदी दूसरा संगे संघर्ष कियाना आंदू। “उंदी दूसरा ता कमी पूरा कियाना इत्तेके” उंदी विशेष परिस्थिति लोप्या रेंडु आपसी विरोधी पहलू ना एकताबद्ध आयना ओसो एकरूपता दोरकी कियाना आंदू। मति संघर्ष एकरूपता लोप्या मंदिता, ओसो बिना संघर्ष ते बदे एकरूपता सम्भव हिल्ले आंता।

एकरूपता लोप्या संघर्ष मंदिता, विशिष्टा लोप्या सार्वभौमिकता मंदिता, व्यक्तिगत स्वरूप लोप्या समनवय स्वरूप मंदिता। लेनिन ना हिसाब ते “सापेक्ष लोप्या निरपेक्ष मंदिता।”²⁴

6. अंतरविरोध लोप्या दुश्मनी ता जागा

दुश्मनी बातल आंदू?- इद सवाल विपरित तत्व नडुमा ता संघर्ष ता सवाल लोप्या शामिल मंता। मावा उत्तर: दुश्मनी विपरित तत्व कुना नडुमा ता संघर्ष ता उंदी रूप आंदू, मति ताना केवल उंदे रूप आयो।

मानव-इतिहास लोप्पा वर्ग नडमा ता शत्रुता विपरित तत्व नडमा संघर्ष ता उंदी विशिष्ट अभिव्यक्ति ता रूप ते मंदिता। उचुन शोषक वर्ग ओसो शोषित वर्ग नडमा ता अंतरविरोध पोरो ध्यान हीमूटा इद्रम ता आपसी विरोधी वर्ग वेल्ले समय एनवल उंदी समाज लोप्पा, दस समाज लोप्पा, सामंती या पूंजीपति समाज, सह-अस्तित्व ता स्थिति ते मंदितांग, ओसो आपस ते संघर्ष किसोर मंदितांग: मति बस्के एनवल रेंडु वर्ग नडमा अंतरविरोध विकसित आंसी उंदी मंजिल ते एविंता अस्के अद अंतरविरोध उंदी खुला दुश्मनी ता रूप एतो आंता ओसो क्रांति लोप्पा विकसित आयो आंता। वर्ग-समाज लोप्पा शांति ता युद्ध लोप्पा रूपान्तर वेन्ने इद्रमे आंता।

विस्फोट आयना मुन्ने बम उंदी इकाई मंदिता ताना लोप्पा विपरित तत्व उंदी विशेष परिस्थिति लोप्पा सह-अस्तित्व ता स्थिति ते मंदितांग। विस्फोट, उंदी पूना परिस्थिति, प्रज्वलन पुटिता अस्के ने आंता। इद्रमताए स्थिति पाडना अंतरविरोध किन हल कियाना ओसो पूना वस्तु किन पुटी कियाना काजे आखरी ते खुला विरोध ता रूप धारण कियाना सब्बे प्राकृतिक घटनांग लोप्पा पुटितांग।

इव पोल्लोंग किन समझेमायना वेल्ले महत्वपूर्ण मंदिता। तीना लोप्पाटल मना किन वर्ग-समाज लोप्पा क्रांति ओसो क्रांतिकारी युद्ध आयना जरूरी मंता, ओसो अव हिल्वेके समाजिक विकास ता क्षेत्र ते छलांग वाटना मुशिकल मंता, प्रतिक्रियावादी शासक वर्ग किन तेहकसी वाटना असम्भव आंता अदिन काजे जनता राजनीतिक सत्ता पोरो अधिकार कियाना असम्भव आंता। कम्युनिस्ट लोरकिन प्रतिक्रियावादी लोरा सब्बे झूठा प्रचार कुना पर्दाफाश कियाना पहिजे। इत्तेके ओरा सामाजिक क्रांति कियाना जरूरत हिल्लेले ओसो असम्भव मंता इंदानवु। ओरकिन सामाजिक क्रांति ता मार्क्सवादी-लेनिनवादी सिद्धांत किन मजबूती पोयना, ओसो लोकर किन सामाजिक क्रांति केवल जरूरते आयो पूर्णतः व्यावहारिक वेन्ने मंता ओसो इद मानव जाति पूरा इतिहास ओसो सोवियत संघ ता सफलता वैज्ञानिक सच्चाई संगे वेहिंता इंजी समझे कियाना मंदिता।

माटु विपरित तत्व नडमा ताकना रक-रकमता संघर्ष कुना परिस्थिति किन ठोस रूप ते अध्ययन कियाना ओसो पोर वेहता तरीका किन हर वस्तु पोरो सही

तरीका ते लागू कियाना। अन्तरवोध ओसो संघर्ष सार्वभौमिकता ओसो निरपेक्ष मंदिता मति अंतरविरोध किन हल कियाना तरीका इत्तेके संघर्ष ता रूप अंतरविरोध ता अलग-अलग स्वरूप कुना अनुसार अलग-अलग मंदिता। उचुन अंतरविरोध लोप्पा खुला दुश्मनी मंदिता ओसो उचुन लोप्पा मन्नो आंता। वस्तु ता ठोस विकास ता अनुसार, उचुन अंतरविरोध लोप्पा दुश्मनी बिल्कुल मन्नो आंता, अव विकसित आसी दुश्मनी बनेमातांग, दूसरा अन्तरविरोध शुरू तले दुश्मनी मंदिता, ओसो विकसित आसी दोस्त बनेमांतांग।

पोरो वेहता लेक्का समाज लोप्पा वर्ग मंदनास्के एवनल कम्युनिस्ट पार्टी लोप्पा सही विचार ओसो गलत विचार नइमा अंतरविरोध, पार्टी लोप्पा वर्ग-अंतरविरोध किने प्रतिबिम्बित कींता। शुरू ते उचुन समस्यांग लोप्पा, इद्रम ता अंतरविरोध तत्काल दुश्मनी बने माया परोवो मति वर्ग-संघर्ष ता विकास संगे-संगे विकसित आसी दुश्मनी बनेमाया परिंता। सोवियत संघ ता कम्युनिस्ट पार्टीता इतिहास वेहिंता कि लेनिन ओसो स्तालिन ना सही विचार ओसो त्रात्सकी, बुखारीन ओसो उचुन मुल ता विचार नइमा अंतरविरोध शुरू ते दुश्मनी रूप ते हिल्ला मत्ता, मति पेरके विकसित आसी दुश्मनी आता। चीनी कम्युनिस्ट पार्टी ता इतिहास लोप्पा वेन्ने इद्रमता उदाहरण मंतांग। पार्टी लोप्पा मना वेल्ले कामरेड्स ना सही विचार ओसो छन तू-श्यू चांग क्वो-थाओ ओसो उचुन मुल ता गलत विचार नइमा अंतरविरोध वेन्ने मुन्ने दुश्मनी रूप ते हिल्ला मत्ता मति पेरके अव विकसित आसी दुश्मनी रूप एततांग। इंजे मना पार्टी लोप्पा सही विचार ओसो गलत विचार नइमा अंतरविरोध ता रूप दुश्मनी हिल्ले ओसो गलती कीता कामरेड्स तन्ना गलती किन सुधरे कीतेके अद विकसित आसी दुश्मनी रूप एतो आयार। अदिन काजे पार्टी किन उंदी बगिल गलत विचार ना विरुद्ध गम्भीर संघर्ष ताकी कियाना, ओस दूसरा बगिल गलती कीता कामरेड्स किन गलती तल सुधरेमायना मौका हियाना। इद्रम ता परिस्तिति लोप्पा सीमा तल बाहर संघर्ष ताकि कियाना सही हिल्ले। मति गलती कियानोर तन्ना गलती मानेमायला तैयार हिल्लेके ओसो गम्भीर गलतिंग कीतेके इद अंतरविरोध विकसित आसी दुश्मनी अंतरविरोध बनेमाया परिंता।

आर्थिक दृष्टि ते पूंजीवादी समाज लोप्पा पूंजीपति वर्ग ता शासन लोप्पा शहर ता देहात पोरो निर्मम लूट-खसोट मंदिता ओसो विदेशी साम्राज्यवाद

ओसो चीन लोप्पा बडे दलाल-पूजीपति वर्ग ता शासन लोप्पा शहर देहात ता वेल्ले लूट-खसोट कियाना, चीन ता क्वोमिंगतांग शासित इलाकांग लोप्पा शहर ओसो देहात नडमा ता अंतरविरोध वेल्ले दुश्मनी अंतरविरोध बनेमाता। मति बदे समाजवादी देश लोप्पा ओसो मना क्रांतिकारी आधार-क्षेत्र लोप्पा, इद दुश्मनी अंतरविरोध उंदी दुश्मनी हिल्वा अन्तरविरोध ते बदलेमासी मंदिता: ओसो कम्युनिस्ट समाज बनेमातेके खत्म आंता।

लेनिन वेहतोर: “दुश्मनी ओसो अंतरविरोध उंदे ओसो समान वस्तु बस्केने मन्नो आंता। समाजवाद लोप्पा पहली खत्म आंता, मति दूसरा ता अस्तित्व बनेमासी मंदिता।”²⁵ इत्तेके दुश्मनी विपरित तत्व नडमा ता संघर्ष ता केवल उंदी रूप आंदू, ताना उंदे रूप आयो: दुश्मनी ता तरीका किन माटु हर जागा बिना आल्सवा लेवा लागू किया परवोम।

7. निष्कर्ष

इंजे माटु निष्कर्ष ता रूप ते पोल्लोंग कियाकाला वस्तु लोप्पा अंतरविरोध ता नियम, इत्तेके विपरित तत्व ता एकता ता नियम, प्रकृति ओसो समाज ता मूल नियम आंदू, अदिन काजे चिन्तन ता वेन्ने मूल नियम आंदू अद आध्यात्मवादी विश्व-दृष्टिकोण ता विपरित मंता। अद मानव-ज्ञान ता इतिहास लोप्पा उंदी महान क्रांति ता प्रतिनिधित्व कींता। द्वन्द्वात्मक भौतिकवाद ता दृष्टिकोण ता अनुसार, अंतरविरोध वस्तुगत पदार्थ ता ओसो मनोगत चिन्तन ता सब्बे प्रक्रियांग लोप्पा मंदिता ओसो सब्बे प्रक्रियांग लोप्पा शुरू तल आखरी एवनल मंदिता: इदे अंतरविरोध ता सार्वभौमिकता ओसो निरपेक्षता आंदू हर अंतरविरोध ओसो ताना हर पहलू ता तन्ना-तन्ना विशिष्टतांग मंदितांग। इदे अंतरविरोध ता विशिष्टता ओसो सापेक्षता आंदू उंदी विशेष परिस्थिति लोप्पा विपरित तत्व लोप्पा एकरूपता मंदिता अदिन काजे अव उंदी इकाई लोप्पा सह-अस्तित्व ता स्थिति ते मंदा परिंतांग ओसो उंदी दूसरा लोप्पा बदलेमाया परिंतांग; इद वेन्ने अंतरविरोध ता विशिष्टता ओसो सापेक्षता मंता। मति विपरित तत्व नडमा संघर्ष लगातार ताकिंता; इद संघर्ष अस्के वेन्ने ताकसोर मंदिता विपरित तत्व सह-अस्तित्व ता स्थिति लोप्पा मंदिता, अस्के ओरु उंदी दूसरा लोप्पा रूपान्तरित

आंता, ओसो खासकर अविना उंदी दूसरा लोप्पा रूपान्तर आयना, अद समय ते इद संघर्ष ओसो ज्याद स्पष्ट रूप ते व्यक्त आंता; इद वेन्ने अंतरविरोध ता सार्वभौमकता ओसो निरपेक्षताए मंता। अंतरविरोध ता विशिष्टता ओसो सापेक्षता ता अध्ययन कियानास्के मना किन प्रधान अंतरविरोध ओसो अप्रधान अंतरविरोध ता फर्क किन ओसो अंतरविरोध ता प्रधान पहलू ओसो अप्रधान ता फर्क किन ध्यान ते तासना; अन्तविरोध ता सार्वभौमिकता ओसो अंतरविरोध लोप्पा मंदाना विपरित तत्व ता संघर्ष ता अध्ययन कियानास्के मना किन संघर्ष ता विभिन्न रूप कुना भेद किन ध्यान तासना। लेवेके माटु गलतिंग कीतोमा अध्ययन किसी माटु पोरो वेहता जरूरी पोल्लोंग किन सही तरीका ते समझेमायना, अस्के माटु अव कठमुल्लावादी विचार किन चकनाचूर किया परितोम, अद मार्क्सवाद-लेनिनवाद ता बुनियादी उसूल कुना विरुद्ध मंता ओसो मना क्रांतिकारी कान काजे नुकसानदायक मंदिता; ओसो संगेने व्यावहारिक अनुभव हासिल मंदाना कामरेड्स मना अनुभव किन उसूल कुना रूप ते सुधरे किया परितोमा ओसो अनुभववादी गलतिंग किन दोबारा कियमूडायो आंता। अन्तरविध ता नियमकुना अध्ययन ते माटु इव उचुन साधारण निष्कर्ष कुना पोरो एवतद मंता।

नोट

1. वी.आई.लेनिन, “दार्शनिक नोटबुक” “हेगेल ना रचना ‘दर्शन-शास्त्र ता इतिहास’ ता पहला ग्रन्थ लोप्पा ‘एलियावादी विचार-शाखा’ ता बारे ते”
2. वी.आई. लेनिन “द्वन्द्ववाद ता सवाल ता बारे ते” पोरोल ता लेख लोप्पा वेहतोर: “उंदी इकाई ता रेंडु विभाजन ओसो ताना आपसी विरोधी अंश कुना ज्ञान द्वन्द्ववाद ता सार तत्व आंदू” “हेगेल ना रचना ‘तर्क-विज्ञान’ ता रूपरेखा” पोरोल ता रचना लोप्पा ओरु रास्तोर: “सापेक्ष लोप्पा, द्वन्द्ववाद किन विपरित तत्व ना एकरूपता ता सिद्धांत इतोर। इद्रम इत्तेके ताना रिजल्ट पकड़ ते वांता, मति स्पष्टीकरण कियाना ओसो अदिना पूरा कियाना जरूरत मंदिता।”
3. वी.आई. लेनिन, “द्वन्द्ववाद ता सवाल ता बारे ते”।

4. हान वंश लोप्पा कनफ्यूशियसवाद ता वरोर वेल्ले बेहरा व्याखाकर तुंग चुंग-शू (179-104 ई.पू.) सम्राट हान ऊ ती किन इतोर: “ताओ व्योम तल पुटता: व्योम बदलेमायो, अद्रमे ताओ वेन्ने बदलेमायो”। “ताओ” प्राचीन चीन लोप्पा दर्शन-शास्त्र ता विद्वान लोर इस्तेमाल कीता परिभाषित शब्द आंदा। इत्के “सिद्धांत” या “नियम”।
5. वी.आई. लेनिन, “द्वन्द्ववाद ता सवाल ता बारे ते”।
6. फ्रेडरिक एंगेल्स, “द्वन्द्ववाद। परिमाण ओसो गुण”-“ड-यूहरिंग मत खण्डन”, पहली भाग ता 12 वा अध्यय।
7. वी.आई.लेनिन, “द्वन्द्ववाद ता सवाल ता बारे ते”।
8. वी.आई. लेनिन, “कम्युनिज्म” (12 जून 1920। ओसो (चीन ता क्रांतिकारी युद्ध ता रणनीतिक समस्यांग”, नोट 10।
9. “सुन चि” पोरोल ता पुस्तक ता तीसरा अध्याय, “आक्रमण ता रणनीति”।
10. वेइ चंग (580-643 ई.) थांग ता वरोर बेहरा राजनीतिज्ञ ओसो इतिहासकार मत्तोर। इद लेख लोप्पा वेहतोर “चि च थुंग च्येन” पोरोल ता किताब 192 खंड ते उद्धृत कीताद मंता।
11. “श्वेइ हू च्वान” (कछार ते वीर) पोरोल ता उंदी चीनी उपन्यास मंता ताना लोप्पा उत्तरी सुंग वंश ता आखरी काल ता उंदी किसान युद्ध ता बारे ते वेहतोर। ल्यांगशानपो लोप्पा किसान विद्रो ता नेता ओसो उपन्यास ता नेता सुंग च्यांग तन्ना अड्डा बने किसी मत्तोर ओसो चू नाटेना ल्यांगशानपो हेरे मत्ता। इद नाटेना मुखिया चू छाओ-फंग वरोर निरंकुश जर्मीदार मत्तोर।
12. वी.आई.लेनिन, “ट्रेड यूनियन, वर्तमान, परिस्थिति ओसो त्रात्सकी, बुखारिन ना गलतिंग पोरो ओसो उंदी बेरा विचार”।
13. वी.आई.लेनिन, “बाता कियाना?”, अध्ययन 1, परिच्छेद 4।
14. वी.आई.लेनिन, “हेगेल ना रचना ‘तर्क-विज्ञान’ ता रूपरेखा”।
15. “शान हाए चिंग” (मेट्टांग ओसो सागर कुना पुस्तक) युद्ध ताकना राज्य (403-221 ई.पू.) कालम ते रास्ताद मत्ता। ख्वा फू “शान हाए चिंग” लोप्पा वेहता वरोर ऋषि ना पोरोल मत्ता “शान हाए चिंग” ना

“हाए वाए पेइ चिंग” खंड लोप्पा रास्तोर: “ख्वा फू पोइदु ना पेरक एरसी मत्तोर। पोइद अरतास्के पक्काए एर उंडा वेस्ता ओसो पीली डोइडा, वेइश्वेइ डोइडा ते एर उंजोर मत्तोर। पीली डोइडा, वेइश्वेइ डोइडा ता एर उंडाला काजे हालो, अस्के अद ‘महासरोवर’ लोप्पा एर उंडाला काजे उत्तर बगिल हत्ता। मति ‘महासरोवर’ हेरे एवना मुन्ने हरदेने डोलतोर। ओरु तन्ना लाठि (बड़गा) वाटसितोर, अद्रमासी ‘तंग’ पोरोल ता उंदी जंगल बनेमाता।”

16. ई प्राचीन चीन ता पाइना पीटो लोप्पा वरोर प्रसिद्ध वीर मत्तोर। “पोइदु किन हौकना” ओना विल-काड़ी विद्या ता बारे ते उंदी मशहूर कहानी मंता। “ह्वाए नान चि” पोरोल ता किताब लोप्पा, सम्पादक हान वंश ता ल्यू आन (ईसापूर्व दूसरा शताब्दी ता उंदी अभिजात वर्गीय मानेय) मत्तोर, ओरु रास्तोर: “सम्राट याओ ना शासन-काल ते मोय्योल पोरो दस पोइदु पेसिंता। अविना कारण ते फसल ओसो मर्रा-पोदला किन वेल्ले नुकसान आता ओसो जनता किन गाटो दोरकिता। इदे आयवा, रक-रकम ता जावनवर वेन्ने जनता किन नुकसान किंतांग। अदिन काजे सम्राट याओ ई किन आदेश हीतोर.. ओसो ई मोय्योल तल पोइद किन होकतोर ओसो जमीन पोरो रक-रकम ता जानवर किन हौकतोर।..... अद्रमासी जनता किन वेल्ले आराम दोरकता सो जनता खुश आता।” पूर्वी हान वंश ना वांग यी (ईसा ता दूसरा शताब्दी ता वरोर लेखक) छवी य्वान रास्ता “मोय्योल किन पूछेमायना” पोरोल ता कविता काजे रास्ता टिप्पणी लोप्पा वेहतोर:“‘ह्वाए नान चि’ ना अनुसार सम्राट याओ ना शासन काल लोप्पा मोय्योल पोरो दस पोइदु उंदी बेरा पेसिंता। अविना कारण ते फसल ओसो मर्रा-पोदला किन वेल्ले नुकसान आंता। सम्राट याओ ई किन आदेश हीतोर कि ओरु अविन हौकना इंजी। ई दस पोइदकुनगडल दस नौ पोइदु किन हौकतोर... केवल उंदी किन विइस्तोर।”
17. “शी यओ ची” (पच्छिम ता तीर्थयात्रा) सोलावी शताब्दी लोप्पा रास्तद मत्ता उंदी पौराणिक उपन्यास मंता, अदिना नायक सुन ऊ-खंग

पोरोल ता वानरराज मत्ता। ताना लोप्पा बहत्तर रूप, पिट्टे, मर्मा-पोदला ओसो बंडा लेक्काटव, एतना शक्ति मंता।

18. कार्ल मार्क्स, “राजनीतिक अर्थशास्त्र ता समालोचना ता भूमिका”।
19. वी.आई.लेनिन, “द्वन्द्ववाद ता सवाल ता बारे ते”।
20. इद वाक्य ता प्रयोग पहली बेरा ईसा ता पहली शताब्द ता प्रसिद्ध इतिहासकार पानकू रास्ता, “हान वंश ना मुन्नेटा इतिहास” लोप्पा आता। ताना पेरके इद चीन ता उंदी लोकप्रिय बनामाता।
21. वी.आई. लेनिन, “द्वन्द्ववाद ता सवाल ता बारे ते”।
22. वी.आई.लेनिन, “द्वन्द्ववाद ता सवाल ता बारे ते”।
23. वी.आई.लेनिन, “एन.आई.बुखारिन ना रचना ‘संक्रमणकालीन अर्थशास्त्र’ पोरो टिप्पणी”।

माओ त्से तुंग

चीन समाज ता वर्ग विश्लेषण

मार्च 1926

इद लेख किन कामरेड माओ त्सेतुंग पार्टी लोप्पा मत्ता रेंडु भटके कियाना रुझान कुना विरोध कियाला काजे राससी मत्तोर। पहला रुझान ता प्रतिनिधित्व छन-तू-शू कींदुर, ओरू सिर्फ क्वोमिंगतांग किन सहायता कियाना पोरो ध्यान हींदुर ओसो किसानालोर किन मरंगिंदुर। इदेन किने दक्षिणपंथी अवसरवाद इंतोर। दूसरा रुझान ता प्रतिनिधित्व चांग-क्वो-थाओ कींदुर, वेर सिर्फ मजदूर आंदोलन पोरोने ध्यान हियानोर ओसो ओरू वेन्ने किसान लोरकिन मरंगिंदुर। इदेन किन वामपंथी अवसरवाद इंतोर। मति रेंडों अवसरवादी ग्रुप क्रांतिकारी पक्ष ता ताकत हालो इंजी पुंजी मंतोर, मति ओरू पूना ताकत ओसो विशाल संश्रयकारी (allies) जन-समुदाय किन बेगाडल दोरकी किमुइंता इंजी पुनवा मत्तोर। कामरेड माओ किसान लोरकिन चीन सर्वहारा वर्ग ता सबसे ज्यादा संख्या मंदाना ओसो सबसे ज्यादा ईमानदार मंदाना संश्रयकारी आंदुर इंजी वेहतोर, ओसो इद्रम ओरू चीन क्रांति लोप्पा सबसे मुख्य संश्रयकारी बोरू इंदाना समस्या किन हल कित्तोर। इदिना संगेने राष्ट्रीय पूंजीपति वर्ग उंदी डुलमुल वर्ग मंदिता इंजी वेहतोर, ओसो वायाना कालम ता क्रांतिकारी उभार लोप्पा अद रेंड ग्रुप बनेमायर ओसो इदिना दक्षिण पक्ष साम्राज्यवाद संगे गोती कींता इंजी वेहतोर। 1927 ता घटनांग ओना समझादारी किन सही साबित कित्ता।

मावा दुश्मन बोरू ओसो मावा दोस्त बोर आंदूर? इद सवाल क्रांति लोप्पा प्राथमिक महत्व ता सवाल आंदू। चीन लोप्पा हत्ता सब्बे क्रांतिकारी संघर्ष किन पक्काए कम सफलता दोरकतांग। तेना बुनियादी कारण बाता इत्तेके अणु तन्ना वास्तविक (असली) दुश्मन पोरो हमला कियाला काजे तन्ना वास्तविक (असली) दोस्तलोर संगे एकता आया परवोंग आतांग। क्रांतिकारी पार्टी आम जनता ना नेतृत्व कींता, ओसो बद क्रांति ते क्रांतिकारी पार्टी आम जनता किन गलत हरींदे ओंता अद क्रांति बस्के सफल आया परवो। इद पोल्लो ता गरेंटी एतला काजे माटू मावा क्रांति लोप्पा आम जनता किन गलत हरींदे ओयवा लेवा, असली ता सफलता दोरकी कियाना, माकिन मावा असली दुश्मन

(वास्तविक) पोरो हमला कियाला काजे मावा असली दोस्त लोरा संगे एकता आयना बगिल वेल्ले ध्यान हियाना पाहिजे। वास्तविक दोस्त ओसो वास्तविक दुश्मन कुना नइमा मंदाणा अंतर (तेड़ा) किन पुंदाला काजे माटु चीन समाज ता अलग-अलग वर्ग ता आर्थिक परिस्थिति ओसो क्रांति बगिल ओरा तम्मा-तम्माक रुझान कुना आम विश्लेषण कियाना।

चीन समाज लोप्पा अलग-अलग वर्ग कुना परिस्थिति बदरम मंता?

जमींदार वर्ग ओसो दलाल-पूंजीपति वर्ग - आर्थिक रूप ते पेरके अरता ओसो अर्ध-औपनिवेशिक चीन लोप्पा जमींदार वर्ग ओसो दलाल-पूंजीपति वर्ग अंतरराष्ट्रीय पूंजीपति वर्ग ता तोकर लेक्का मंदिता। अदु तन्ना अस्तित्व ओसो विकास काजे साम्राज्यवाद पोरो निर्भर आसी मंदिता। इव वर्गकु चीन ता सबसे पेरके अरता ओसो प्रतिक्रियावादी उत्पादन-संबंध कुना प्रतिनिधित्व कींतांग। ओसो ताना उत्पादक शक्तिंग (Productive forces) ना विकास किन रोमी कींतांग। इविना अस्तित्व चीनी क्रांति ता उद्देश्य तल इनपडे अलग मंता। विशेष रूप ते बेहरा जमींदारी वर्ग ओसो बेहरा दलाल-पूंजीपति वर्ग, इव रेंडासी हमेशा साम्राज्यवादी पक्ष एतिंतांग। ओसो हमेशा प्रतिक्रांतिकारी ग्रूप लोप्पा संगठित आंतांग। इविना राजनीतिक प्रतिनिधि राजसत्तावादी¹ (Etatistes) ओसो क्वोमिंगतांग ता दक्षिण पक्ष आंदू।

मध्यम-पूंजीपति वर्ग- इद वर्ग शहर ओसो ग्रामीण इलाकांग लोप्पा चीन ता पूंजीवादी उत्पादन-संबंध कुना प्रतिनिधित्व कींता। मध्यम-पूंजीपति वर्ग इत्तेके मुख्य रूप ते राष्ट्रीय पूंजीपति वर्गे आंदू। चीनी क्रांति संबंध ते अद असंगत (Inconsistent) रुझान लागू कींता। अदु विदेशी पूंजी ता देब्बा ओसो युद्ध-सरदार लोरा उत्पीड़न संगे उत्पीड़ित आंता, अस्के तानकि क्रांति ता जरूरत आता लेक्का लागिंता। अस्के अद साम्राज्यवाद ओसो युद्ध-सरदार लोरा खिलाफ क्रांतिकारी आंदोलन ता पक्ष एतिंता। मति देश लोप्पा सर्वहारा वर्ग क्रांति लोप्पा जुझारू (डटे मासी) रूप ते शामिल आंता ओसो देश तल बाहर अंतरराष्ट्रीय सर्वहारा वर्ग इद क्रांति किन सक्रिय रूप ते सहायता कीतास्के, अद वर्ग किन उंदी वर्ग लेक्का मुन्ने हंजी पूंजीपति वर्ग ता स्तर एवनल एव्वना तन्ना

विचार विफल आयाना खतरा लेक्का लांगिता, अस्के अदु क्रांति पोरो डाउट कियाना शुरू कींता। राजनीतिक दृष्टि ते अद उंदी वर्ग, इत्तेके राष्ट्रीय पूंजीपति वर्ग ता शासन ते राजसत्ता निल्पी कियाना पक्ष ता समर्थन कींता। ताए ची-थाओ¹ तोर वरोर स्वयंभू “सच्चा विद्यार्थी” पेकिंग तल छपेमायना “छन पाओ”² ते इद्रम राससी मत्तोर: “मना दावड़ कै दा मुक्का साम्राज्यवाद किन वाटला काजे तेहाटु ओसो तिनड़ कै दा मुक्का कम्युनिस्ट पार्टी किन खत्म कियाला तेहाटु इंजी।” इद पोल्लो इद वर्ग ता हुलमुलपन ओसो समस्या किन तोहिंता। इद वर्ग किन क्वोमिंगतांग ता जन-जीविका (People’s Livelihood) सिद्धांत ता व्याख्या वर्ग-संघर्ष ता सिद्धांत अनुसार कियाना ता विरोध कींता। ओसो अद रूस संगे क्वोमिंगतांग ता दोस्ती कियाना ओसो क्वोमिंगतांग लोप्पा कम्युनिस्ट³ ओसो वामपंथी लोरकिन शामिल कियाना ता विरोध कींता। मति राष्ट्रीय पूंजीपति वर्ग ता शासन ते राजसत्ता निल्पी कियाना ताना लक्ष्य बिल्कुल अव्यवहारिक मंदिता। बारांकु इत्तेके दुनियाता वर्तमान परिस्थिति अद्रम मंता इत्तेके क्रांति ओसो प्रतिक्रांति, इव रेंडासी बेहरा ताकत कुना नडमा संघर्ष तेदसी मंदिता अनि इव रेंडासी रेंडु बेहरा झंडांग तेंहितांग। उंदी क्रांति ता लाल झंडा मंता अदिन किन तीसरी इंटरनेशनल पोरो तेहता ओसो दुनिया ता सब्बे रकम ता उत्पीडित वर्ग किन गोलबंद किया मंता, दूसरा प्रतिक्रांति ता पांडरी झंडा आंदू, अदिन किन लीग ऑफ नेशन्स पोरो तेहता अदु दुनिया ता सब्बे प्रतिक्रांतिकारी लोर किन गोलबंद किया मंता। अदिन काजे इद्रम कितेके मध्यम वर्ग तोड़फोड़ आयार अनि उंदी हिस्सा डावड़ कै बगिल हंजी क्रांतिकारी लोरा लोप्पा शामिल आयार ओसो दूसरा हिस्सा तिनड़ कै बगिल हंजी प्रतिक्रांतिकारी लोरा लोप्पा हंजी शामिल आयार। ओरु बस्केने “स्वतंत्र” मनोर आंतोरा। अदिन काजे चीन ता मध्यम-पूंजीपति वर्ग ता उंदी “स्वतंत्र” ताकि कियाना क्रांति लोप्पा मुख्य भूमिका निभे कियाना ताना विचार, अंगडामे आंदू।

निम्न-पूंजीपति वर्ग- इद वर्ग लोपा भूमिधर-किसान⁴ (भूमि मंदाना किसान) मालिक-दस्तकार ओसो सुडला बुद्धिजीवि लोर - विद्यार्थी, प्राइमरी ओसो माध्यमिक स्कूल कुना गुरुजीलोर, सुडला सरकारी कर्मचारी, दफ्तर कुना चपरासीर, सुडला वकील लोर- ओसो सुडला व्यापारी लोर वांतोरा। इद वर्ग तन्ना संख्या तन्ना वर्ग-चरित्र ता कारण ते वेल्ले ध्यान हियाना लेक्का मंता।

भूमि मंदाना-किसान ओसो मालिक-दस्तकार रेंडासी वर्ग सुडला स्तर ता उत्पादन किया मंतांग। मति इद निम्न-पूंजीपति वर्ग ता अलग-अलग ग्रूप ता उंदी लेक्काडा निम्न-पूंजीवादी आर्थिक स्थिति आंदू, वेंडे ओर किन मुंडू अलग-अलग समूह ते तूसमुडांता। मुन्नेता ग्रूप ते बोनिगा उचुन-उचुन सम्पत्ति मंदिता ओरु वांतोर, इत्तेके शारीरिक लेवेके मानसिक रूप ते मेहनत कीसी तिंडाना-उंडानाए आयवा लेवा सालाना बचत क्रियानोर। इद्रमतोर अमीर बनेमायाला काजे तैयार मंदिंतोर, ओसो मार्शल चाओ⁵ किन मोड़किंतोर। मति ओर किन वेल्ले सम्पत्ति जमा क्रियाना भ्रम हिल्वेकाई मध्यम-पूंजीपति वर्ग ता स्तर एवनल एवला काजे बराबर लालच तोहिंतोर। सुडला सेठ लोरकिन हूडसी ओरा टोड्डि ते उचुल पेसिंता। इद्रमतोरा जीवा कमजोर मंदिता, सरकारी आफिसर लोरकिन वेरियंतोर ओसो क्रांति तुकू वेन्ने उचुन-उचुन वेरियंतोर। बारांकु इत्तेके आर्थिक स्थिति मध्यम-पूंजीपति वर्ग ता पक्काए गरे मंदिता, अदिन के तन्ना प्रचार पोरो वेल्ले विश्वास कींतोर ओसो क्रांति ता बारे ते दुलमुल हरीं पोयंतोर। इद ग्रुप निम्न-पूंजीपति वर्ग लोप्पा कम संख्या ते मंतोर ओसो ताना दक्षिण पक्ष मंदिंतोर। दूसरा ग्रुप लोप्पा मुख्य रूप ते आर्थिक रूप ते आत्मनिर्भर मंदिंतोर। इद ग्रुप मुन्नेता ग्रुप तोरिनकु पक्काए अलग मंता, ओरु धनी बनेमायाला आल्सिंतोर, मति मार्शलचाओ ओरकिन बस्केने धनी बनेमायला हिवोर आंतोर। इदे आयवा उचुक सालकु ने साम्राज्यवादी, युद्ध-सरदार, सामंती जमीन्दार वर्ग ओसो बेहरा दलाल-पूंजीपति वर्ग ता उत्पीड़न ओसो शोषण तिंचि परेशान आसी, इंजेटा दुनिया मुन्नेटा लेक्का हिल्ले रा इंजी, ओरु नेंडु वेन्ने मुन्नेटाचोने मेहनत कीतेके, तन्ना पिस्साला काजे जरूरी कमाई वेने किया परवोर आयनूर इंजी आल्सिंतोर। काम ता घंटा बेरसी कीसी, नरकुम जल्दी तेदना ओसो वेल्ले (वेल्ले समय) काम कीसी तना काम पोरो डब्बल ध्यान हिसीए ओरु पिस्सा परिंतोर। ओरु उचुन-उचुन झगडा क्रियाना शुरू कींतोर ओसो विदेशी लोरकिन “विदेशी दुश्मन”, युद्ध-सरदार लोरिन “लूटी सेनापति” ओसो स्थानीय निरंकुश मानेय ओसो बुरे शरीफजादा⁶ लोरकिन “अत्याचार क्रियाना अमीर” इंतोर। साम्राज्यवादी ओसो युद्ध-सरदार लोरा विरुद्ध आंदोलन कीतेके, ओरु केवल ओना सफलता पोरो डावुट कींतोर (बारांकु इत्तेके विदेशी ओसो युद्ध-सरदार लोर पक्काए शक्तिशाली दिसिंतोर), ओरु तुरंत शामिल आयोर आंतोर, ओसो

बस्केने क्रांति ता विरोध वेन्ने किवोर आंतोरा इद समूह वेल्ले बेहरा मंता ओसो निम्न-पूँजीपति वर्ग ता आधा हिस्सा इदिना लोपा वांता। तीसरा समूह (ग्रुप) ते बोना पिस्वल खराब आसोर दांता ओरु वांतोरा इदिन लोप्पा वेल्लेतोर शामिल मंदितोर, बेस्ता परिवार तल मंदितोर, ओरा पिस्वल तीरम-तीरम सिर्फ पिस्वल पिसाना लेक्काने आंता ओसो ओरा पिस्वल दिया-दिया ते खराब आसोर दांता। हर साल ता आखरी ते हिसाब-किताब कीतेके ओरकिन बेहरा देब्बा दलगिंता, “वेंडे घाटा आता रा.... इंतोर”। बारांकु इत्तेके ओरु बेस्ता दियांग हूडतोर, इंजे हर साल ओरा हालात खराब आसोर दायमंता, कर्जा ता बोजा बेरसा मंता। पिस्वल दिया-दिया खराब आसोर दायमंता, अदिनके ओरकिन “वायना कालम ता बारे ते आल्सतेके ने सांग वेस्सा मंता” मानसिक रूप ते ओरु वेल्ले परेशान मंदितोरा बारांकु इत्तेके ओरा मुन्नेटा कालम ओसो इंजेटा कालम ते वेल्ले अंतर मंता। क्रांतिकारी आंदोलन ते इद्रम तोर वेल्ले महत्वपूर्ण मंदितोरा इद जन-समूह ता संख्या वेल्ले मंता। ओसो वीरु निम्न-पूँजीपति वर्ग ता वाम पक्ष मंदितोरा साधारण समय ते निम्न-पूँजीपति वर्ग ता पोरो वेहता मूंडो ग्रुप क्रांति बगिल अलग-अलग रुख एतिंतांग। मति युद्धकाल ते इत्तेके क्रांति सफल आयानास्के निम्न-पूँजीपति वर्ग ता वाम पक्षे आयवा इद वर्ग ता मध्यम वर्ग वेन्ने शामिल आया परिंता, ओरा दक्षिण पक्ष वेन्ने शामिल आया परिंता, ओसो सर्वहारा, निम्न-पूँजीपति वर्ग ता वाम पक्ष ता महान क्रांतिकारी उभार लोप्पा शामिल आसी, क्रांति ता मदद किया परिंतांग। 30 मई 1925 ता आंदोलन⁷ ओसो हर जागा ता किसान आंदोलन कुना अनुभव तल हुडतेके इद निष्कर्ष सही मंता।

अर्ध-सर्वहारा वर्ग- बद वर्ग किन सर्वहारा वर्ग इंतोर, अदिना लोप्पा पांच रकम मंतांग:

अर्ध भूमि मंदाना-किसान लोरा (अर्ध भूमिधर किसान) वेल्ले संख्या⁸, 2) गरीब किसान, 3) सुडला दस्तकार, 4) दुकान-कर्मचारी⁹ ओसो 5) वेल्लीयसोरे सामान वम्मनोर (फेरीवाले)। अर्ध भूमि मंदाना-किसान लोरा संख्या वेल्ले मंता। वीरु ओसो गरीब किसान लोर कल्सि नाहकुना आम जनता ना वेल्ले बेहरा हिस्सा बनेमांता। किसान समस्या मुख्य रूप ते ओरादे आंदू। अर्ध भूमि मंदाना-किसान, गरीब किसान ओसो सुडला दस्तकार लोर भूमि मंदाना-किसान ओसो मालिक-दस्तकार लोरा संगे कल्सि सुडला स्तर ता उत्पादन किंतोरा। अर्ध

भूमि मंदाना-किसान लोरा बहुसंख्या ओसो गरीब किसान लोर इरवुरासी अर्ध-सर्वहारा वर्ग ते वांतोर। अनि तन्ना आर्थिक स्थिति ता हिसाब ते ओरकिन उच्च, मध्यम ओसो निम्न वर्ग ते तूसमुडांता। अर्ध भूमि मंदाना-किसान लोरा पिस्वल भूमि मंदाना-किसान लोरा पिस्वल तुकू वेल्ले मुशिकल मंदिता, बारंकु इत्तेके हर साल ओरकिन तन्ना जरूरत ता लगभग आधा अनाज ता जरूरी सामान अस्साला लागिता। ओरकिन दुसरोरगडल जमीन लगान ते पोयसी, तन्ना मेहनत ता आधा हिस्सा वमसी, लेवेके सुडला-सुडला व्यापार किसी अद कमी किन पूरा किया लागिता। वसंत कालम ता आखरी ओसो एदी कालम ता शुरू ते पोरकांग कोडसाना मुन्ने ओसो पाडना अनाज मारतास्के, ओरू वेल्ले ब्याज ते कर्जा एतितोर ओसो ज्यादा दाम हीसी अनाज अस्सितोर। भूमि मंदाना-किसान लोरा तुलना ते, बोरकिन दुसरोरा सहायता ता जरूरत लागो आंता, ओरा पिस्वल जरूर मुशिकल ते मंदिता। मति गरीब किसान लोरकिनकले बेस मंदिता। बारंकु इत्तेके गरीब किसान लोरिगा तन्ना जमीन हिल्ले ओसो साल मेंड ता पुहाना-वीतना कित्ता पेरके ओरा कैदे फसल ता आधा हिस्सा लेवेके तानकिनकु वेन्ने कम फसल वांता। अर्ध भूमि मंदाना-किसान लोरकिन लगान ते एतता जमीन तिंचि फसल ता आधा हिस्सा लेवेके कम हिस्सा दोरकिता, इद्रम आतेकाई तन्ना जमीन ता पूरा फसल इत्तेके ओरकिने दोरकिता। अदिन काजे अर्ध भूमि मंदाना-किसान लोरा लोप्पा क्रांतिकारी भावना भूमि मंदाना-किसानलोरकिनकु वेल्ले मंदिता। मति गरीब किसान लोराचोन मन्नो आंता। गरीब किसान नाहकुना मुजारा किसान (tenant peasants) मंदिता, ओरा शोषण जर्मीदार लोर कितोर। तन्ना आर्थिक स्थिति हिसाब ते ओरकिन रेंडु समूह ते तूसमुडांता। गरीब किसान लोरा उंदी समूह लोप्पा तुलना कितेके उंदी समूह नगा खेती कियाना विसरांग (औजार) वेल्ले मंदितांग ओसो उचुन पूंजी वेन्ने मंदिता। इद्रम ता किसान लोरकिन तन्ना सालमेंड ता मेहनत ता आधा हिस्सा दोरकिता। हालवेके उचुन-उचुन ओसो पंटा तेंडितोर। वीरु कीकेंग पोया परितोर, कोर्क-पदिंग पोसे किया परितोर ओसो तन्ना मेहनत ता उंदी हिस्सा वमा परितोर। इद्रमे ओरू पिसितोर ओसो बद्रम तेल्ला साल काटे कियाला आल्लिसंतोर। अदिनके ओरा पिस्वल अर्ध भूमि मंदाना-किसान लोरकिनकले कठिन मंदिता। मति गरीब किसान लोरा दूसरा समूह तुकू बेस मंदिता। वीरा

लोप्या क्रांतिकारी बुद्धि अर्ध भूमि मंदाना -किसान लोरकिनकले ज्यादा मंदिता। गरीब किसान लोरा दूसरा समूह तुकू कम मंदिता। गरीब किसान लोरा दूसरा समूह तोरिगा खेती कियाला जरूरत मंदना औजार मन्नो ओसो पूंजी वेन्ने मन्नो आंता। ओरिगा ज्यादा खेती मन्नो आंता, जमीन तिंचि वेन्ने कम फसल दोरकिता ओसो लगान निहता पेरके ओरिगा वेल्ले कम आमदनी पिसिंता। अदिनके ओरकिन तन्ना श्रमशक्ति ता उंदी हिस्सा वम्मला लागिंता। दुस्कड वातास्के ओसो मौसम खराब आतास्के ओरू सग्गा-सम्बंधी लोरा काल अरिंतोर, नालुंग-हेय्युंग दिव्यांग काटे कियाला काजे उधार तेंडितोर अद्रमासी बोजा कांजना कौदा लेक्का ओरा पोरो कर्जा बेसीरे दांता। किसान लोरा लोप्या सबसे ज्यादा परेशानी वीर किने मंदिता ओसो वीरा पोरो क्रांतिकारी प्रचार ता असर वेने वेल्ले जल्दी अरिंता। सुडला दस्तकार लोरा गिनती अर्ध-सर्वहारा वर्ग ते बारांकु वांता इत्तेके ओरिगा उत्पादन कियाला काजे मामूली साधन मंदिता ओसो ओरू तन्ना कबड खुद कींतोर। वेंडे ओरकिन तन्ना श्रमशक्तिता उंदी हिस्सा हमेशा वम्मा लागिंता अद्रमासी ओरा आर्थिक स्थिति गरीब किसान लोरा संगे कलियंता। परिवार ता ज्यादा बोझा आता कारण ते रहन-सहन ता खर्चा ओसो आमदनी ते फर्क आता कारण ते गरीबी ता बोजा ओसो बेरोजगारी ता वेरिय मंदाना कारण ते ओरा स्थिति गरीब किसान लोरा संगे कलियंता। दुकान ते काम कियानोर कर्मचारी लोरकिन वेल्ले कम तनखाह ते परिवार ता खर्चा ताकि कियाला लागिंता। चीज ता मोला हर साल बेसीरे दांता, मति ओरा वेतन बचोको सालकुने उंदी बेरा बेसिंता। अद्रमे बस्के-बस्के मनाकिन ओरा संगे वडकना मौका दोरकतेके ओरू तन्ना गाडा मॅड दुःख-सुख ता कहानी केंजी कींतोर। ओरा स्थिति गरीब किसान लोर ओसो सुडला दस्तकार लोरा पिस्वल तुकू वेल्ले अलग मन्नो आंता। ओरा पोरो वेन्ने क्रांतिकारी प्रचार ता असर जल्दी आंता। फेरी वालेर मंहगा सामान तेहची फेरी कितेकाई, सडक ओदा स्टाल वाटतेकाई, उचुन पूंजी मंदानोर मंदितोर, ओरकिन पक्काए कम मुनाफा दोरकिता। ओरू तिंदाना-उंडाना खर्चा ओसो केराना खर्चा किया परनाचोन वेन्ने कमाई किया परवोर आंतोर। ओरा स्थिति गरीब किसान लोरकिनकले ज्यादा फर्क मन्नो। ओसो ओरकिन किसान लोरा लेक्का वर्तमान हालात किन सुधरे कियाला काजे क्रांति ता जरूरत मंदिता।

सर्वहारा वर्ग- आधुनिक औद्योगिक सर्वहारा वर्ग ता संख्या लगभग बीस लाख मंता। चीन आर्थिक रूप ते परेके अरसी मंता। अदिनके ताना आधुनिक औद्योगिक सर्वहारा वर्ग ता संख्या वेन्ने ज्यादा हिल्ले। इद बीस लाख औद्योगिक मजदूर मुख्य रूप ते हेयुंग उद्योग- रेलवे, खदान, समुद्री परिवहन, सूती-कपड़ा ओसो जहाज-निर्माण उद्योग- लोप्पा काम किंतोर। ओसो ओरा उंदी बेहरा संख्या इत्तेके विदेशी पूंजीपति लोर मालिक मंदाना कारोबार लोप्पा गुलामी कींतोर। औद्योगिक सर्वहारा वर्ग ता संख्या कम मंता, ओसो अद चीन ता पूना उत्पादन शक्तिगना प्रतिनिधि कींता। इद वर्ग आधुनिक चीन ता सबसे प्रगतिशील वर्ग आंदू, इद क्रांतिकारी आंदोलन ता नेतृत्वकारी शक्ति बने मांता। हत्ता नालुंग सालकुना हड़ताल लोप्पा, नाविक-हड़ताल¹⁰, रेलवे-हड़ताल¹¹, खाएल्वान ओसो च्याओच्वो ता कोयला खदानकुना हड़ताल¹² लोप्पा, शाम्येन हड़ताल¹³ ओसो 30 मई ता आंदोलन परेके शांघाई ओसो हांगकांग ता आम हड़ताल¹⁴ लोप्पा अदु बद ताकतकिन तोहतायो अदिन पोरो ध्यान हीतेके, मनाकिन तुरंत चीन क्रांति लोप्पा औद्योगिक सर्वहारा वर्ग ता स्थिति ता महत्व समझेमांता। पहला कारण औद्योगिक मजदूर लोर केंद्रीकरण आसी मत्ता कारण ते इद्रमता स्थिति ते मंतोर। जनता ना बदे दूसरा हिस्सा अचोन केंद्रित हिल्ले। दूसरा कारण ओरा आर्थिक हालात बेस मन्नो आंता। ओरिगा ओरा कै-काल ता ताकतकिन विड़सी उत्पादन ता दूसरा बदे साधन मन्नो आंता, ओरू बस्केने धनी बने मायना इंजी आल्सोर ओसो ओरकिन साम्राज्यवादी, युद्ध-सरदार, पूंजीपति लोरा अत्याचार किन भोगेमायला लागिंता। अदिनके ओरू बेसता योद्धा मंदिंतोर। शहर ता कूली लोरा ताकत वेन्ने ध्यान हियाना लेक्का मंता। इदिना लोपा ज्यादातर बोजा कांजना-मजदूर ओसो रिक्शा पिडंगनोर मंदिंतोर। वीरा ग्रुप लोप्पा गटर साफ कियानोर, सड़क साफ कियानोर वांतोर। तन्ना कैकुना सिवाय दूसरा बाताए हिल्ला कारण ते ओरा आर्थिक स्थिति वेन्ने औद्योगिक मजदूर लोरा लेक्काने मंता। मति ओरू केंद्रित मन्नोर ओसो उत्पादन लोप्पा वेन्ने कम महत्वपूर्ण भूमिका निभे कींतोर। चीन लोप्पा इंजे एवनल आधुनिक पूंजीवादी खेती पक्काए कम मंता। बदिन माटु देहाती सर्वहारा वर्ग इंतोमा अदु साल, महिना लेवेके दिया ता हिसाब ते काम कियाना खेती मजदूर वर्ग आंदू ओरिगा जमीन मन्नो, औजार मन्नो ओसो पूंजी वेन मन्नो आंता। ओरू पिस्वल पिसाला

काजे केवल तन्ना श्रमशक्ति किने वमा परितोर। दूसरा मजदुर लोरा हिसाब ते ओरू सबसे ज्यादा घण्टांग काम कींतोर। सबसे कम तनख्वाह दोरकीकींतोर, सबसे खराब परिस्थिति ते पिसिंतोर ओसो ओरकिन काम दोरकना वेन्ने मुश्किल आंता। इद्रम तोर नाहकुना लोप्पा सबसे ज्यादा परेशान मंदिंतोर ओसो किसान आंदोलन ते ओरा जागा गरीब किसान लोरा लेक्काने महत्वपूर्ण मंदिता।

वीरकिन विडसी उंदी वेल्ले बेहरा हिस्सा खानाबदोश (वेल्लसोर मंदानोर) सर्वहारा लोरा मंता। इत्तेके बोर किसान लोरिगा जमीन हिल्ले ओरकिन ओसो काम हिल्ला मंदाना दस्तकार लोरिकिन काम दोरको आंता। ओर सबसे खराब पिस्वल पिसिंतोर। वीरु हर जागा गुप्त संस्था बने कीसी मंदिंतोर- इत्तेके फूच्येन ओसो क्वांगतुंग लोप्पा “त्रयी-समाज¹⁶”; हूनान, हुपे, क्वेइचओ ओसो सछवान लोप्पा “दादालोरा समाज”; आनह्वेइ, हनान ओसो शानतुंग लोप्पा “बेहरा-तलवार समाज”; चली ओसो मूंडासी उत्तर-पूर्व इलाकांग लोप्पा “बुद्धिसंगत-जीवन समाज”; शांघाई लोप्पा ओसो दूसरा जागा ने “नीला दल”;¹⁵ इवु शुरुआत ते राजनीतिक ओसो आर्थिक संघर्ष लोप्पा आपसी सहायता क्रियाला काजे बने कीता संगठन आंदुंगा। वीरा संगे बद्रमता व्यवहार क्रियाना, इंदानदु चीन ता मुन्ने उंदी मुश्किल समस्या मत्ता। वीरू वेल्ले हिम्मत ते लड़े माया परितोर, ओसो धोखा वेन्ने हिया परितोर। सही नेतृत्व मत्तेके उंदी क्रांतिकारी ताकत वेने बने माया परितोर।

पोरो वेहता पोल्लोंग किन उंदी माटा ते वेहना इत्तेके बोरू साम्राज्यवाद संगे कल्लिस मंदानोर- युद्ध-सरदार, नौकरशाह, दलाल-पूजीपति वर्ग, बड़े जमींदार लोरा वर्ग ओसो ओरा पोरो निर्भर मंदाना बुद्धिजीवि लोरा प्रतिक्रियावादी ग्रूप- मावा दुश्मन आंदू। औद्योगिक सर्वहारा वर्ग मावा क्रांति ता नेतृत्वकारी ताकत आंदू। अर्ध-सर्वहारा वर्ग ओसो निम्न-पूजीपति वर्ग ता सब्बे ग्रूप मना सबसे गेरे ता दोस्त आंदू। दुलमुल मंदाना मध्यम-पूजीपति वर्ग ता दक्षिण पक्ष मावा दुश्मन बने माया परितोर ओसो वाम पक्ष मावा दोस्त बनेमाया परितोर। मति ओरकिनकु हमेशा होशियार मंदाना जरूरी मंता ओसो मावा लोप्पा ओरकिन गड़बड़ पुट्टी क्रियाला हियनायो।

नोट

1. इग्गा मुट्टा मेंड लज्जा हिल्ला फासीवादी राजनैतिक लोरा उदाहरण हिताद मंता ओरू “चीनी राजसत्तावादी नौजवान संघ” ता स्थापना कीसी मत्तोर, ताना पोरोल पेरके “चीनी नौजवान पार्टी” ताससी मत्तोर। वीरू कम्युनिस्ट पार्टी ओसो सोवियत संघ ता विरोध किन तन्ना प्रतिक्रांतिकारी पेशा बने किसी मत्तोर। ओसो ओरू सत्ता ते मदंना प्रतिक्रांतिकारी ग्रूप ओसो साम्राज्यवादी लोरगडल मदद काजे पैसा एतंदुरा।
2. ताए ची-थाओ लय्योर मंदानास्केने क्वोमिंगतांग लोप्पा शामिल आसी मत्तोर ओसो च्यांग-काई-शेक संगे कलिसीसट्टा-बाजार लोप्पा मुनाफाखोरी कींदूरा। 1925 ते सुन यात-सेन ना डोलता पेरके ओरू कम्युनिस्ट विरोधी आंदोलन शुरू किसी 1927 लोप्पा आता च्यांग काई-शेक ना प्रतिक्रांतिकारी राजविप्लवता काजे विचारधारात्मक आधार तैयार कित्तोर। वेल्ले समय एवनल ओरू प्रतिक्रांतिकारी कामकाज लोप्पा चांग काई-शेक ना वफादार नैदा लेक्का काम कित्तोर। तना शासन खत्म आयाना हूडसी ओरू फरवरी 1949 लोप्पा आत्महत्या कित्तोर।
3. संविधान अध्ययन संघ ता मुखपत्र। उंदी समय ते उत्तरी युद्ध-सरदार लोरा शासन ता समर्थन कियाना ग्रुपनगडल इद संघ उंदी राजनीतिक ग्रूप मत्ता।
4. 1923 ते चीन कम्युनिस्ट पार्टी ता मदद ते सुन यात-सेन क्वोमिंगतांग ता पुनर्गठन कियाना, क्वोमिंगतांग ओसो कम्युनिस्ट पार्टी ता नडमा सहयोग कियाना ओसो तन्ना पार्टी लोप्पा कम्युनिस्ट पार्टी ता सदस्य लोर वेन्ने शामिल आयाला हियाना फैसला कित्तोर। इदे आयवा जनवरी 1924 लोप्पा ओरू क्वांगचओ लोप्पा क्वोमिंगतांग ता पहली राज्य सभा कांग्रेस ता आयोजन कित्तोर। रूस संगे गोती, कम्युनिस्ट पार्टी संगे मदद ओसो किसान-मजदूर लोरा सहायता इंजी तीन महान नीतिंग बने कित्तोर। माओ त्सेतुंग, ली ता-चाओ, लिन पो-छवी, छवी छ्यू-पाए ओसो उचुन कामरेडस् इद कांग्रेस लोप्पा शामिल आतोर। ओरू क्वोमिंगतांग किन क्रांतिकारी हरीं ते तत्ताला काजे महत्वपूर्ण भूमिका निभे कित्तोर। ओरा लोप्पा उचुन मुल क्वोमिंगतांग ता केंद्रीय कार्यकारिणी कमेटी ता रेगुलर लेवके वैकल्पिक सदस्य वेन्ने बनेमातोर।
5. इग्गा कामरेड माओ त्सेतुंग ना अनुसार भूमि मंदाना-किसान इत्तेके मध्यम किसान लोर आंदुरा।

6. कमांडर चाओ ना पूरा पोरोल चाओ-कुंग-मिंग मत्ता। इत्तेके चीनी पीटोंग-वेसूड लोप्पा धन ता भगवान ता पोरोल आंदू।
7. स्थानीय निरंकुश मानेय ओसो बुरे शरीफजादे जर्मीदार वर्ग ता राजनीतिक प्रतिनिधि मत्तोर ओसो ओरू इद वर्ग ता पक्काए खूंखार सदस्य मत्तोर। स्थानीय निरंकुश मानेय ओसो बुरे शरीफजादा लोरा तम्मोर-लेक्का मंदाना धनी किसान लोरा नडमा वेन्ने दोरकितोरा-अनु.
8. 30 मई आंदोलन, 30 मई 1925 ते शांघाई लोप्पा ब्रिटिश पुलिस तोर कित्ता चीन जनताना संहार ता विरुद्ध कीता देशव्यापी साम्राज्यवाद-विरोधी आंदोलन मत्ता। मई 1925 लोप्पा छिंग-ताओ ओसो शांघाई ता सूती-कपडा कारखाना लोप्पा वेल्ले हडताल आतांगा। इव कारखाना ना मालिक लोर जापानी मत्तोर। जापानी साम्राज्यवादी ओसो ओरा पोसे कीता नैकु- उत्तरी युद्ध-सरदार - ओर किन दबे कियाना शुरू कीतोर। 15 मई ते शांघाई ता उंदी जापानी सूती-कपडा मील ता पूंजीपति कू चंग-हुंग पोरोल ता वरोर मजदूर किन तुपाई टूटा संगे हौत्तोर ओसो दस तुकू ज्यादा मजदूर लोरकिन घायल कित्तोर। 28 मई ते छिंगताओ लोप्पा प्रतिक्रियावादी सरकार आठ मजदूर लोरकिन होक्ता। 30 मई ते शांघाई ता दो हजार तुकू ज्यादा विद्यार्थीर विदेशी लोरा पट्टा ते हीता नाहकु ने मजदूर लोरा समर्थन कियाला काजे प्रचार कित्तोर ओसो पट्टा पोरो हीता नाहकुन वापास पोयना आह्वान कित्तोर। ब्रिटिश किन पट्टा पोरो हीता नाहकुना पुलिस-केंद्र ता मुन्ने दस हजार तुकू ज्यादा जनता जमा आतोर। ओरू “साम्राज्यवाद किन खत्म कियाकाल!” ओसो “चीन ता जनता उंदी आयमुट!” इंदाना नारांग हितोर। ब्रिटिश साम्राज्यवादी पुलिस जनता पोरो फैरिंग कीता ओसो बचोनो विद्यार्थी लोरकिन हौत्तोर ओसो घायल वेन्ने कित्तोर। इदे घटना किन 30 मई ता हत्याकांड इंतोमा इद घटना ता कारण ते पूरा देश ता जनता भडकेमाता। हर जागा आता प्रदर्शन ओसो मजदूर, विद्यार्थी ओसो दुकानदार लोरा हडतालकु ताकतांगा। अवु आखिरी ते उंदी बेहरा साम्राज्यवादी विरोधी आंदोलन ता रूप एतितांगा।
9. अर्ध भूमि मंदाना-किसान लोरा वेल्ले संख्या ते इत्तेके कामरेड माओ ना हिसाब ते इगाटा किसान मुख्य रूप ते तन्ना जमीन पोरो काम कियनोर ओसो दुसरोरगडल पोयता जमीन पोरो काम कियाना किसान लोर आंदुर।
10. पाइना चीन लोप्पा दुकान-कर्मचारी अलग-अलग तबकांगनोर मत्तोर। कामरेड माओ इगा ओरा बहुसंख्यक तबका ता उदाहरण हीतोर। दुकान-कर्मचारी लोरा उंदी सुडला तबका वेन्ने मंत्ता, अदु सर्वहारा लेक्काने तन्ना पिस्वल पिसिंता।

11. 1922 ता शुरु ते हांगकांग ता ओडा चले कियानोर ओसो यांगसी डोड्डा ता जहाज कुना मल्लालोर हडताल कित्तोर। हांगकांग ता ओडा ताकी कियानोरा हिम्मत संगे आठ हप्तांग एवनल लडेमातोर। तीव्र ओसो नेतुर लडाई आता पेरके हांगकांग ता ब्रिटिश साम्राज्यवादी अधिकारी लोर मजबूर आसी मजदूरी बेसी कियाना, ओडा चालाक लोरा यूनियन पोरो तल प्रतिबंध हटे कियाना, गिरफ्तार मजदूर लोरकिन विडसना ओसो शहीद लोरा परिवार तोरकु हर्जाना हियाला काजे मांग कित्तोर। ओसो ओरकिन मानेमाया लागता। उच्चुक दिव्यांग पेरके यांगसी डोड्डा ता जहाजकुना मल्ला लोर वेन्ने हडताल शुरु कित्तोर, तानकिन रेंडु हप्तांग एवनल ताकसी आखरी ते सफल कीतोर।
12. 1921 लोप्पा पुटता चीन कम्युनिस्ट पार्टी तुरंत रेल मजदूर लोरा लोप्पा संगठन काम कियाना शुरु कीता। 1922-23 लोप्पा पार्टी ता नेतृत्व ते सबे मेन रेल-लाईनकुना पोरो हडताल आता। इविना लोप्पा सबसे बेस मत्तादु हडताल 4 फरवरी 1923 ते शुरु आसी मत्ता पेकिंग-हानखओ रेलवे ता आम हडताल मत्ता इदु मजदूर महासंघ बने कियाना आजादी काजे कित्तद मत्ता। 7 फरवरी ते ब्रिटिश साम्राज्यवादी समर्थक लोर उत्तरी युद्ध-सरदार ऊ फेइ-फू ओसो श्याआ याओनान क्रूर रूप ते हडताल कियनोरा पोरो हमला कित्तोर। इदिनकिन 7 फरवरी ता तीव्र हत्याकांड इंतोर।
13. खाएल्वान कोयला-खदान ता पोरोल खाएफिंग ओसो ल्वानचओ कोयला खदान किन शामिल कीत्तद मत्ता। हपे इलाका ता इव कोयला खदानकु उंदी व्यापक ओसो आपस ते जुडेमाता कोयला खदान कुना इलाका आंदू। अद समय ते अगा 50 हजार तुकू ज्यादा मजदूर लोर काम कींदुर। 1900 ता ई हो थ्वान आंदोलन ताकनास्के ब्रिटिश साम्राज्यवाद चीन तिंची खाएफंग कोयला खदान किन कब्जा कीसी मत्तोर। पेरके चीनीलोर ल्वानचओ कोयला खदान कम्पनी बने कित्तोर। उचुन दिया पेरके खाएल्वान कोयला खदान किन प्रशासन संगे काल्पतोर। इद हिसाब ते ब्रिटिश साम्राज्यवाद लोर इव रेंडासी ना पोरो तन्ना अधिकार जमे कित्तोर। खाएल्वान कोयला खदान ता हडताल इलाका तुकू पश्चिम इलाका ते शामिल कियमुडाता। च्याओच्वो कोयला खदान ता हडताल 1 जुलाई तल 9 अगस्त 1925 एवनल ताकता।
14. शाम्येन क्वांगचओ शहर ता उंदी हिस्सा आंदू अदिन किन ब्रिटिश साम्राज्यवादी अधिकारी लोर पट्टा ते पोयतोर। जुलाई 1924 ते अगाटा ब्रिटिश साम्राज्यवादी अधिकारी लोर पूना पुलिस तोरा अद इलाका लोप्पा दायाना-वायना सबे चीनी जनता किन पास (आईडी) तोहाला लागियर, ताना लोप्पा ओरा फोटो मंदियर इंजी आदेश हीतोर। मति विदेशी लोरकिन अगा दायना-वायना पूरा आजादी

मंदिता। इद नियम ता खिलाफ शाम्येन ना मजदूर लोर 15 जुलाई तिंची हड़ताल शुरू कित्तोर। आखरी ते ब्रिटिश साम्राज्यवाद किन मजदूर आसी इद आदेश किन रद्द किया लागता।

15. 30 मई 1925 ता शांघाई ता घटना पेरके 1 जून ते शांघाई लोप्पा ओसो 19 जून ते हांगकांग लोप्पा आम हड़ताल शुरू आता। दो लाख तुकू ज्यादा मजदूर लोर शांघाई ता ओसो ढाई लाख मजदूर लोर हांगकांग ता हड़ताल ते शामिल आतोर। पूरा देश ता जनता ना समर्थन दोरकी कीसी हांगकांग ता इद हड़ताल लगातार 16 महिनांग एवनल ताकता। दुनिया ता मजदूर आंदोलन ता इतिहास लोप्पा इद सबसे बेहरा हड़ताल आंदू।
16. “त्रयी-समाज”, “दादालोरा समाज”, “बेहरा-तलवार समाज” “बुद्धिसंगत जीवन समाज” ओसो “नीला दल” जनता लोप्पाडा पाड़ना रकम ता गुप्त संगठनकु मत्तांग। ओरा सदस्य मुख्य रूप ते दिवालिया किसान, बेकार मत्ता दस्तकार ओसो आवारा सर्वहारा लोर मंतोर। सामंती चीन लोप्पा वीरू बदे धर्म लेवेके अंधविश्वास ता सामान्य सूत्र ते संगठित आसी दादापंथी ढांचा ता बचोनो संगठन बचोनो पोरोल ते बने कित्तोर। इविना लोप्पा उचुक संगठनकु नगा हथियार वेन्ने मत्ता ओरू इव संगठनकुना संगे सामाजिक जिंदगी लोप्पा वरोनकु-वरोना मदद कियाला आल्सिंदुर। बस्के-बस्के ओरू इव संगठनकुना संगे तन्ना उत्पीड़ित लोकुरा संगे-नौकरशाही ओसो जर्मीदार लोरा संगे-संघर्ष वेन्ने कियनोर। स्पष्ट रूप ते ड्रम ता निरंकुश शासक लोर कब्जा ओसो इस्तेमाल वेन्ने किया परितोर। अदिनके तन्ना अंधविश्वास-वृत्ति ता कारण ते ओरगडल उचुक संगठन प्रतिक्रियावादी शक्ति वेने बनेमाता। 1927 लोप्पा तन्ना प्रतिक्रांतिकारी राजविप्लव लोप्पा चांग कार्ड-शेक मेहनतकश जनता लोप्पा फूट वाटला ओसो क्रांति ता नाश कियाला काजे ओरा इस्तेमालकित्तोर। शक्तिशाली आधुनिक सर्वहारा वर्ग पुटता पेरके किसान लोर मजदूर वर्ग ता नेतृत्व ते कदम-कदम बिल्कुल पूना किस्म ता संगठन बने कीतोर, इव आदिम ओसो पेरके अरता संगठनकुना अस्तित्व ता बदे कारण हिल्ला लेक्का आता।

माओ त्से तुंग

ग्रामीण इलाकांग लोप्पा वर्ग-विश्लेषण बद्रम कियाना?*

अक्तुबर 1933

भूमि-सुधार काम लोप्पा भटकाव पैदा आसी मत्तांग अविन सुधरे कियाना काजे ओसो भूमि-समस्या किन सही तरीका ते हल कियाला काजे कामरेड माओ त्सेतुंग ना इद दस्तावेज अक्तुबर 1933 लोप्पा रास्तद मत्ता। इदिन अद समय ते मजदूर-किसान लोरा जनवादी केंद्रीय सरकार ता ग्रामीण इलाका लोप्पा वर्ग-हैसियत निश्चित कियाना कसौटी ता रूप ता मानेमातद मत्ता।

1. जर्मींदार

बोनिगा जमीन मंदिता ओर जर्मींदार आंतोर, ओर खुद मेहनत कीवोर आंतोर लेवेके पक्काए कम मेहनत कींतोर, ओसो किसान लोरा शोषण पोरो ने पिसिंतोर। जर्मींदार कियाना शोषण ता मुख्य रूप लगाना वसूल कियाना मंदिता: इदे आयवा पैसा उदार हियाना काम वेन्ने कींतोर, किराया ता मजदूर तासिंतोर, लेवेके उद्योग ओसो व्यापार कींतोर। मति किसान लोरगडल लगान वसूल कियानादु जर्मींदार ना शोषण कियाना मुख्य रूप आंदू। सामुदायिक जमीन प्रबंध कियाना ओसो स्कूल ता जमीन¹ तिंची लगान वसूल कियाना वेन्ने लगान-वसूली शोषण लोप्पाने वांता।

दिवालिया जर्मींदार वेन्ने जर्मींदार श्रेणी लोप्पाने तासमूझायर, ओर मेहनत कीवोर ओसो दूसरोर किन धोखा हीसी लेवेके लूटपाट किसी या दोस्त-रिश्तेदारी ता सहायता ते पिसिंतोर, ओसो ओना पिस्वल आम मध्यम किसान तुकू बेस मंता ओरकिन दिवालिया जर्मींदार इंतोर।

युद्ध-सरदार, नौकरशाही, स्थानीय निरंकुश तत्व ओसो बुरे शरीफजादा लोर जमींदारी वर्ग ता राजनीतिक प्रतिनिधि आंदूर, ओसो ओरा आमदनी मुख्य रूप ते जमींदार ना किसान लोरा शोषण पोरो आधार आसी मंदिता, ओसो ओना पिस्वल मध्यम किसान तुकू बेस मंता, ओरकिन वेन्ने जमींदार लोरा श्रेणी लोप्पाने गिनती कियाना।

बोर मानेयना आमदनी ता मुख्य स्रोत सूदखोरी संगे शोषण कियाना मंदिता ओसो ओना पिस्वल मध्यम किसान तुकू बेस मंदिता, ओरकिन सूदखोर इंतोम ओसो ओनकिन वेन्ने जमींदार श्रेणी लोप्पा तासिंतोम।

2. धनी किसान

साधारण इसाब ते धनी किसान नगा तन्ना खुद ता जमीन मंदिता। मति उचुन धनी किसान लोरगा खेती ता जमीन ता केवल उंदी हिस्सा तन्ना खुद ता जमीन मंदिता ओसो बाकी जमीन दुसरोर नगडल लगान ते पोइंतोरा उचुन धनी किसान लोरगा खुद ता जमीन मन्ने आंता ओसो पूरा जमीन दूसरोरगडल लगान ते पोयंतोरा। धनी किसान लोरगा आम रूप ते औसततुकू ज्यादा ओसो बेसता उत्पादन साधन मंदिता, ओसो औसत तुकू ज्यादा चल पूंजी मंदिता। ओसो खुद मेहनत कियाना लोप्पा शामिल मंदितोर, मति ओना आमदनी ता उंदी हिस्सा ओसो ज्यादा हिस्सा हमेशा शोषण संगे हासिल कींतोरा। किराया ता मजदूर कियाना (लम्बा समय काजे मजदूर तासना) धनी किसान संगे कियाना शोषण ता मुख्य रूप मंदिता। इदे आयवा ओर तन्ना जमीन ता उंदी हिस्सा लगान ते हींतोर अनि लगान-वसूल किसी शोषण किया परितोर, पैसा लागा (उधार) हिया परितोर ओसो उद्योग, व्यापार किया परितोर। ज्यादातर धनी किसान सामुदायिक जमीन ता प्रबंध वेन्ने कींतोरा। उचुन मुल ता वेल्ले जमीन बेस मंदिता, ओर किराया ता मजदूर तासवा लेवा खुद मेहनत कींतोर, मति लगान वसूली, सूदखोरी संगे दूसरा किसान लोरा शोषण वेन्ने कींतोरा। वीरकिन वेन्ने धनी किसान लोरा श्रेणी ते गिनती कियाना। धनी किसान रोज शोषण कींतोर ओसो वेल्ले धनी किसान लोरकिन आमदनी ता ज्यादा हिस्सा शोषण किसी वांता।

3. मध्यम किसान

वेल्ले मध्यम किसान लोरगा खुद ता जमीन मंदिता। उचुन मुल तगा खेती कियाना जमीन केवल उंदी हिस्सा खुद ता मंदिता, बाकी जमीन किन ओर लगान ते पोयंतोरा। उंचुन मध्यम किसान लोरगा खुद ता जमीन मन्नो आंता ओसो खेती ता पूरा जमीन लगान ते पोयंतोरा। सब्बे मध्यम किसान लोरगा खेती कियाना औजार सही मात्रा ते मंदितांग। मध्यम किसान लोरा आमदनी ता स्रोत पूरा ओसो मुख्य रूप ते ओरा खुद ता मेहनत मंदिता। आम रूप ते ओर दूसरोरा शोषण किवोर आंतोरा। वेल्ले मध्यम किसान लोर किन दूसरोरगडल लगान लेवेके कर्ज पोईसि शोषण ता शिकार वेन्ने आया लागिंता। मति मध्यम किसान आम रूप ते तन्ना श्रमशक्ति किन वम्मोर आंतोरा। उचुन मध्यम किसान (खुशहाल मध्यम किसान) उचुन दूसरोरा शोषण वेन्ने कींतोरा। मति इद ओरा आमदनी ता मुख्य स्रोत मन्नो आंता।

4. गरीब किसान

उचुन गरीब किसान लोरगा खेती ता जमीन सिर्फ उंदी हिस्सा खुद ता मंदिता ओसो ओरगा खेती ता साधन वेन्ने पूरा मन्नो आंता, दूसरा गरीब किसान लोरगा जमीन बिल्कुल मन्नो ओसो खेती ता औजार पक्का कम मंदितांग। आम रूप ते गरीब किसान लोरकिन खेती ता जमीन लगान ते पोय्या लागिंता, ओसो दूसरोर किन लगान लेवेके ब्याज हिसी ओसो तन्ना मेहनत ता हिस्सा किराया ते हीसि दूसरोरा शोषण ता शिकार आया लागिंता।

आम रूप ते मध्यम किसान किन तन्ना श्रमशक्ति वम्मना जरूरत आयो आंता मति गरीब किसान किन तन्ना श्रमशक्ति ता उंदी सुडला हिस्सा वम्मा लागिंता। इद मध्यम किसान ओसो गरबी किसान नडमा ता फर्क मंता।

5. मजदूर

मजदूर (ओरा लोप्पा खेत-मजदूर वेन्ने शामिल मंतोर) लोरगा जमीन ओसो औजार बिल्कुल मन्नो आंता। ओरा लोप्पा उचुन मजदूर लोरगा उचुन

जमीन मंदिता ओसो पक्काए कम औजार मंता। मजदूर लोर पूरा ओसो मुख्य रूप ते श्रमशक्ति वम्मसिए पिसिंतोर।

नोट

1. चीन ता ग्रामीण इलाका लोप्पा रक-रकम ता सार्वजनिक जमीन मत्ता। उचुन सार्वजनिक जमीन राज्य संबंध्यत मत्ता, इत्तेके जिला या श्यांग ता सरकार ता जमीन, उचुन बिरादरी व्यवस्था संबंध्यत मत्ता, इत्तेके बिरादरी ता पुरखा ता मंदिर ता जमीन, उचुन धर्म तुकू संबंध्यत मत्ता अद बौद्ध या ताओपंथी मंदिर या कैथेलिक गिरजाघर ओसो मस्जिद ता जमीन, उचुन सार्वजनिक कल्याण-कार्य संबंध्यत जमीन मत्ता, अद अकाल-निवारण काजे अनाज-संग्रह ता काम वायना जमीन, पुल, सडक बने कियाना ओसो ओरा देखभाल कियाना काम वायाना जमीन, ओसो उचुन शिक्षा-कार्य संबंध्यत जमीन मत्ता, अद स्कूल ता जमीन। इद्रम ता जमीन वेल्ले जमींदार ओसो धनी किसान लोरा कैदे मत्ता। किसान लोरगा केवल उंदी सुडला हिस्सा ता प्रबंध लोप्पा शामिल आया परितोर।